



3 1761 08143485 4

DF
506
R44





فیثاتی (۵) غروشد

تاریخ عثمانی انجمنی اعضاسندن احمد رفیق بك طرفندن
(تبعات تاریخیه صحیفه لری) نامی آلتنده تاریخك و بالخاصه
تاریخ عثمانینك اك مهم صفحه لری یازیلاجقدر . بومهم اثرلك
مأخذلری خزینة اوراقده موجود و ثائق ایله السنه مختلفه ده
نشر اولونان آثار تاریخیه و سیاسیه در . [مختار خالد]
کتابخانه سی طرفندن نشر ایدیله جك اولان مذکور اثرلك
باشلیجه لری بروجہ آتیدر :

تاریخ صحیفه لری (ایکنجی طبع)

پروسیا ناصل یوکسلدی ؟

قاباجی مصطفی .

اورخان غازی .

جم سلطان .

سلیم اول .

خانملر و سرای حیاتی .

نشر اولونانلر :

۱۰ غروش

لاله دوری

فاتح سلطان محمد و رسام بلینی ۳ »

بالطه جی محمد پاشا و بویوک پترو ۵ »

فهرس مندرجات

صحیفه

۳	بیزانس تاریخنه مدخل
۱۷	ایمپراطور یچیه لرك طرز حیاتی
۳۰	ته تودورا
۴۲	آته نایس
۵۴	ایره ن
۷۸	دیندار ته تودورا
۸۹	ته توفانو
۱۰۲	زوئی
	آتنا قومنه نوس



آنا ، قار دشنک حیاتنه قصد ایتدیکی حالده ینه عفو
ایدلمشدی . فقط دیله دیکنی یاپدیرمق ، دائماً اوست
اولق کبی قادینلغه خاص خیرچینلقلر کوزینه هیچ برشی
کوسترمه مش ، نظری بیزانس تختک الماسلر و اینجیلر ،
آلتونلر و فیروزه لرله مزین شعشعه سنه معطوف ، قلبی
محرومیتدن متولد آجیلرله پر ضربان ، صاچلری الم
و کدرله آغارمش ، روحی کویا طالعک حقسنزلغنه
دوچار اولقله یرانمش بر حالده ، آلتش بش یاشنده ترک
حیات ایتمش ، قلبنده کی احتراصاتی اولونجه یه قدر محافظه
ایله مشدی .



ایتدیکی مناسترده یاشامشدی. وقتيله کندیسنه طالق اوو قلق
ایدن ندیملر ، باباسنك سوکیلی کوزده لری شمدی برر برر
اوزاقلاشمشلردی . بو صیراده قارده شنك کیتدکجه
سلطنتی تحکیم ایتمه سی ، روحنده عذاب و اضطراب
حاصل ایله مشدی . طبیعتی غم و امله دوچار ضعف
اولمایه باشلامش ، کندیسنی طالعك حقسنز بر قربانی
عد ایله مشدی . آناقومنه نوس (آله کسبیاد) نامیله
یازدیغی خاطر اتده بو قسوتلی حیاتی بوتون تفرعاتیله
تصویر ایله مشدی . فقط بو تصویرات ، صرف کندی
حسنه ، کندی منفعتنه کوره ایدی . آنانك بو اثری
مهم بر وثیقه تاریخیه اولمقدن پك اوزاقدی ؛ چونکه
هر سطرنده ارزوی سلطنت و حرص انتقام موجوددی .
بیزانسك بو یکانه فضیلتلی پرنسیسی باباسنه قارشى
ایشله دیکی جنایتلری کاملاً قاپاتمش ، یالکز قلبنك
و احتراصاتنك تاریخن یازمیشدی . آننا واقعا تحصیل
و تربیه کورمش ، اولدجه تمیز بر محیط داخنده یاشامشدی ؛
فقط هر شیدن اول بر قادیندی . قادینلق حسی ، قادینلق
حاکمیتی ، قادینلق احتراصاتى ، کوردیکی تحصیل
و تربیه نك دماغنده پایدار بر متانت حصوله کتیرمه سنه
مانع اولمشدی . عظمت و دبده ، زینت و احتشام ، حس
نسوانیسنى طاقت سوز بر تأثیر آلتنده بولوندرمشدی .

هیچ اثر قالمامشدی . یو آنیس قومنه نوسک جرأتی ،
 نیکه فوروس بریه نك ترددی ، آنا ایله ایردنك قیزدیغی
 ترتیباتی کاملاً بوزمیشدی . آنا بو سقوط املدن
 بك چوق متأثر اولمشدی . حتی او سنه ایچنده ، بیزانس
 تختی آله ایتمك ایچون برفساد جمعیتی ترتیب ایتدیره رك
 قاردشنی قتل ایتدیرمكه قدر تثبث ایله میشدی . فقط
 بو سفر نیکه فوروس ، قائم برادرینك حقوقنی تقدیر
 ایتدیکی ایچون زوجه سنك تشویقاتنه تابع اولمامش ،
 ترددلر واندیشه لر ائناسنده بوتون تدابیر میدانه
 چقمیشدی . یو آنیس ، علیهنده دوندورولن دولابلری
 میدانه چیقاردیغی زمان فساد جیلردینه مشفقانه معامله اتمش ،
 ماللرینی حجز ایتمكله اکتفا ایله میشدی . حتی بر مدت
 صو کرا قیز قاردشنه تکمیل اموالی اعاده ایتدیرمیشدی .
 آنا قومنه نوس ، امللرینك محو اولدیغی دورده
 اوتوز آلتی یاشنده ایدی . صو کرا یکر می طقوز سینه
 دها یاشامش ، بوتون حیاتی عبادت و مطالعهیه حصر
 ایتمیشدی . بو دور ، آنا ایچون صو ك درجه ماتم آلود
 اولمشدی . باباسنك وفاتی متعاقب آنه سی ایردنك ، دها
 صو کرا قاردشی آندرونیکوسك وفاتی آنانی عظیم برضعف
 و آله دوچار ایله میشدی . آنا ، صو ك موفقیتسز لکنندن
 صو کرا ، سرایدن اوزاقد ، اکثراً آنه سنك تأسیس

ایمپراطور، هیچ جواب ویرمکسزین آلرینی میهم
 بر صورتده سمایه قالدیرمش، مایوسانه، بیتابانه
 تبسم ایتشدی. ایردن حالت احتضاره کلن زوجنک
 سکووتندن غضب و حدت ایچنده قالارق: « ذاتاً یاشادیغک
 مدتجه هپ حیلهدن، فکریکی کیزله مکدن باشقه بر شی
 یامامشدک. شمدی اولوم دوشه کندهده بو خویدن
 واز کچمه یورسک! » دیه ایمپراطورک یوزینه قارشی
 باغیرمشدی. بو ائنده ایمپراطور یو آنیس آنه سنه،
 قیز قاردشنه و آنشته سنه قارشی نه صورتله حرکت
 ایده جکنی دوشونمکه باشلامشدی. هرکس حرص
 و استقبال پیشنده ایدی. ایمپراطور اولمش، هیچ کیمسه
 بونکله اشتغاله وقت بولامامشدی. حتی جسدی برمدت
 اولدینی کبی قالمش، ایرتسی صباح ایرکندن، هیچ مراسم
 یاپیلمادن، علی العجله مزاره کومولمشدی.



آرتق آناقومنه نوسک دسیسه لری کاملاً عقیم قالمشدی.
 قاردشک ایمپراطور اولماسی بو ذکی پرنسسه آلم برضربه
 یرینه کچمشدی. آنا، سنه لردن بری ایمپراطور یچه لکه
 کوز دیکمش، بو مرتبه یی کندیسی ایچون محق
 و مشروع عد ايله مشدی. شمدی او پارلاق املاردن

استفاده ایدهرک دامادینی القیشلامغه باشلامش لردی .
هرشی آنناقومنه نوسک ارزوسنی تسهیل ایله یورکی
کورونیوردی . بو صیراده ایمپراطور آله کسینک وفاتی
بویوک بر فاجعه نك ظهورینه سبب اولمشدی .

آنا ، والده سی ایرهن ایله اویشدقدن صوگرا
ایمپراطورلنی صورت قطعیده زوجنه تأمین ایده جکنه
قائل اولمشدی . فقط بو نا کهانی وفات ، اونی
بوتون امللرندن محروم ایده جک کی کورونمشدی .
آنا قیز، حال احتضارده بولونان ایمپراطورک اوطه سنه
قوشمش لردی . ایرهن ، ایمپراطورلنی زورله دامادینه
ویردیرمک ایچون اولوم دوشه کنده یاتان ایمپراطورک
اوزرینه یورومش ، فقط یو آنیس ده اول باباسنک پارماغندن
ایمپراطورلق یوزوکنی چکوب چیقارمش ، درحال
آیا صوفیه کلیسا سنده کن دینی ایمپراطور اعلان ایتدیرمشدی .
او زمان ایرهن ، حدتندن عصی بحرانلر کچیرمش ،
دامادینی اوغلنک اوزرینه یورومک و کن دیسنی
ایمپراطور اعلان ایتدیرمک ایچون تشویق ایله مشدی .
صوگرا ، محتضر بر حالده یاتان ایمپراطورک کوکی اوزرینه
قاپانمش ، اوغلنک ده حیاتنده تخت ایمپراطوری بی
غصب ایتدیکنی باغیرا باغیرا سویله مش ، دامادینک
حقوقنی تصدیق ایتمه سنی استرحام ایله مشدی . او زمان

تصادف اولونان اوصافدن ایدی . یالکزر ، احتراصاته
 صوڪ درجه میال ایدی . کوزی دائماً ایمپراطوریچه
 اولمقده ایدی . قسطنطین دو قاسه نشانلاندینی ایچون
 ایمپراطوریچه اولاجغه آرتق تماماً امین اولمشدی .
 فقط والدهسی ایردن بر مدت صوڪرا ارکک اولاد
 طوغورنجه ، آناقومنه نوسک بوتون خلیالری محو
 اولمشدی . آنانک نشانلیسی ایمپراطورلق حقوقنی
 ضایع ایتش ، او زمان آنا ، کوچوڪ قاردشنه قارشى
 قلبنده بویوڪ بر عداوت بسله مکه باشلامشدی . او تاریخن
 اعتباراً آناقومنه نوسک یکانه آرزوسی ، ییزانس تختی
 کندیسنه تأمین ایله مکدن عبارت اولمش ، آنا ایله
 قاردشى بینده تحت وساطت رقابتی حاصل اولمایه
 باشلامشدی . بو رقابته بوتون سرای خلقی اشتراک
 ایله مشدی ؛ فقط بو اشتراک هپ آناقومنه نوسک
 منافعه ایدی . خصوصیه والدهسی ایردن ، قیزینک ذکا
 و عرفاتی صوڪ درجه تقدیر ایدیور ، اوغلی یو آنیسک
 ضعف اخلاقندن نفرت ایله یوردی . بو سبیدن یو آنیسی
 تحت حکومتدن اسقاط ایچون آنا قیز مشورت ایتشلر ،
 بو مشورتلری سایه سنده آنانک ایکنجی زوجی
 نیکه فوروسک نفوذ و صلاحیتنی توسیع ایله مشلردی . آرتق
 بوتون سرای خلقی ، ایمپراطورک ضعفندن واختیارلغندن

تصادف اولونان اوصافدن ایدی . یالکز ، احتراصاته
 صوڪ درجه میال ایدی . کوزی دائماً ایمپراطوریچه
 اولمقده ایدی . قسطنطین دو قاسه نشانلان دینی ایچون
 ایمپراطوریچه اولاجغه آرتق تماماً امین اولمشدی . فقط
 والده سی ایردن برمدت صوکر ابرارکک اولاد طوغورنجه ،
 آنا قومنه نوسک بوتون خولیلری محو اولمشدی .
 آنانک نشانلیسی ایمپراطورلق حقوقنی ضایع ایتمش ،
 اوزمان آنا کوچک قاردشنه قارشى قلبنده بویوڪ
 بر عداوت بسله مکّه باشلامشدی . او تاریخن
 اعتباراً آنا قومنه نوسک یکانه آرزوسی ، بیزانس تختی
 کندیسنه تأمین ایله مکدن عبارت اولمش ، آنا ایله قاردشی
 بیننده تخت و سلطنت رقابتی حاصل اولمایه باشلامشدی .
 بورقابتیه بوتون سرای خلقی اشتراک ایله مشدی . فقط
 بو اشتراک هپ آنا قومنه نوسک منافعه ایدی . خصوصیه
 والده سی ایردن ، قیزینک ذکا و عرفاتی صوڪ درجه
 تقدیر ایدیور ، اوغلی یوآنیسک ضعف اخلاقندن
 نفرت ایله یوردی . بوسبیدن یوآنیسى تخت حکومتدن
 اسقاط ایچون آنا قیز مشورت ایتمش ، بو مشورتلری
 سایه سنده آنانک ایکنجی زوجی نیکه فوروسک نفوذ
 و صلاحیتنی توسیع ایله مشلردی . آرتق بوتون سرای
 خلقی ، ایمپراطورک ضعفندن و اختیارلغندن استفاده

دینی الهمیلرک لاهوتی زمزمه لری قائم اولمشدی .
 آنا قومنه نوسک افکاری اوزرنده بو محیطک نافع بر
 تأثیری اولمشدی .

آنا قومنه نوسک اک مهم حالت روحیه سی، کندیسنه
 ونسبنه پک زیاده اهمیت ویرمسی ایدی . آنانک
 بیزانس خاندانه بویوک بر حرمت ومفتونیتی واردی .
 اونک نظرنده بیزانس بوتون جهانک حاکمی ایدی .
 دیگر حکومتلرک کافه سی بیزانسیک تابعلری مثابه سنده
 ایدی . مثلاً اهل صلیبی کمال نفرتله یاد ایله مشدی .
 آنانک دیگر بر خاصه سی ده ، کوزل دلیقانلیلره قارشى
 قلباً مجلوبیت حس ایتیمی ایدی؛ فقط بوجلوبیت جدی
 و ناموسکارانه ایدی . دها طوغروسى آنانک رقت
 قلبندن ایلری کلیردی . مثلاً نشانلیسی کنج قسطنطین
 ایچون عمری اولدجه کوز یاشی دوکمشدی . صوکر
 سیاسى بر مقصدله نیکه فوروسه تزویج ایدلمش ، آنا
 بواز دو واجی ده عاشقانه بر رابطه شکلنه قلب ایله مشدی .
 بالاخره نیکه فوروسک وفاتی قلبنده الیم بر یاره حاصل
 ایتمشدی .

آنا قومنه نوس ، باباسى آله کسى کبی، اورتا بویلی،
 سیاه صاچلی ایدی . کوزلرنده حس و ذکا لمعان ایدردی .
 خصوصیه عفت و ناموسى، بیزانس سرایلرنده پک نادر

قومنه نوسك اك سوديكي مؤلفلردی . آنا ، ساپفو ایله
 پینداروسك شعرلرندن بویوك بر ذوق طویاردی . بر
 بالقجینك حسننه مفتون اوله رق عشقنی وآلامنی حزین
 شعرلرله ترنمایدن ، نظرلرینی دكزك مائی کینشکلرینه
 دیکدرك ششتارینك روحنواز نغمه‌لرینه کوز یاشلرینی
 ترفیق ایله‌ین ، صوکرآ عشقك آجی محرومیتلرینه تحمل
 ایدهمیه‌رك کندینی (مدلی) نك یالچین قایالردن آطه‌لر
 دکزینك مائی آغوشنه تودیعی ایدن بو بدبخت شاعره ،
 آنانك حس و ذوقنی پك زیاده اوقشامشدی .

آنا یالکیز تحصیل کورمش بر قادین دکلدی ،
 علمیه‌ده تمیز ایتشدی . اسلوبنك ظرافتی ، افکارینك
 متانت و نزاهتی ، اك مشکل مسائلی ایضاح ایتکده‌کی
 اقتدار و قابیلیتی معاصرلرینك حیرت و مفتونیتلرینی جلب
 ایله‌مشدی . آنا بوتون بیزانس قادینلری کبی امور
 دینیه‌یه پك زیاده واقفدی ؛ فقط دینی خرافاتدن تجرید
 ایدرك حقایق فیه دائره‌سنده ادراك ایتمکدن حظ
 آلیردی . آنا بیزانس سراینك صفوت و نزاهت کسب
 ایتمکه باشلادیغی زمانده یتشمشدی . آرتق زوئی دورینك
 فساد اخلاق ایله‌ مملو ذوق و سفاهت لوحه‌لری کاملاً
 اورتادن قالقمشدی . بوزمانلرده ، بیزانس سراینك در
 و دیوارینه عکس انداز اولان آهنگ ذوق و طرب یرینه

بر وقت بو درجه آهنگ و تناسبك اجتماع ايتديكي
كورولمه مشدر . دها طوغروسى بو، ذى حيات برهيكل ،
قلبنده حس بدايعپرستى اولان هر فرد ايچون برپرستیده
جمال ایدی . »

آناء، مستقبل زوجندن ده پك زیاده حظ ایتشدی .
آنانك تعیری وجه ایله قسطنطین « آلتون ایچنده
پارلایان بر مجوهر کبی قومرال کیرپیکلری اورتاسنده
پارلایان لطیف کوزلریله پنبه وصاریشین برچوجقدی . »
فقط ییچاره ، دها ازدواج ایتهدن وفات ایتش ، آنانك
طاتلی املاری محواولمشدی . آناء، قسطنطینك خاطره سنی
عمری اولدجه اونوتماشدی .

آناقومنه نوس غایت اساسلی برتحصیل کورمشدی .
زماننده هه زییود ایله اومیروسك قصیده لری شرح
ایدیلیور ، افلاطون فلسفه سی بیزانسه انتشار ایدیور ،
لسانده برتجد ، برصفوت حاصل اولمغه باشلایوردی .
لسان وصنعتده حصوله کان بوحرکت تجدد کارانه ،
آنا قومنه نوسك تحصیل و تربیه سی اوزرینه ده اجرای
تأثیر ایله مشدی . آناء، فلسفه ، تاریخ ، ادبیات ،
جغرافیا واساطیر تحصیل ایتش ، ازمنه قدیمه نك اك
بویوك شاعر لرینی اوقومشدی . اومیروس ، آریستوفانیس ،
آریسطوته لیس ، ایزوقراتیس ، ده موسسته نیس ، آناء

آنا قومنه نوس

بیزانسه فکری و قلمی ، حسی و آثار یاه خدمت
ایدن ایمپراطور یچه ، آنا قومنه نوس در. آنا قومنه نوس ،
ایمپراطور آله کسی قومنه نوسک قیزیدر. آنا قومنه نوسک
تولدی بوتون بیزانسه کمال سرور ایله آلقیشلانمشدی.
عظیم بر دبدبه ایله آلایلر ترتیب ایدلمش ، دها بشیکده
ایکن باشنه ایمپراطور یچه تاجی قونولمشدی . صوگرا ،
باباسی آله کسی قومنه نوسک هیچ بر فکر عدالته مستند
اولمایه رق تختدن اسقاط ایتدیکی یدنجی میخائلك اوغلنه ،
کنج قسطنطین دو قاسه نشانلانمشدی . شو حالده آنا
قومنه نوس ، بیزانس سراینک تخت او طه سنده طوغمش ،
بیزانس سریر اقبالنه چیقما یی کنه دیسنه تأمین ایله مشدی .
آنا قومنه نوس ، قائم والد سنک آلدنه بویومشدی .
فقط والد سنه پرستش درجه سنده مربوطیتی واردی .
والد سنک اندام لطیفنه ، بیاض و طاتلی رنگنه ، لطیف
ومائی کوزلرینه بویوک برمقونیت حس ایدردی . آنا
بالا خره خاطر اتنده والد سنی تصویر ایتدیکی زمان شو
طرزده بیان حسیات ایله مشدی : « وجود بشرده هیچ

بردرلو کچه مه مش ، وفاتنه قدر صادق قالمشدی .
 سیقله رهن وفات ایتدیکی زمان ، قسطنطین بر چوجق
 کبی آغلامش ، انیس روحنه مزین مرقدلر انشا
 ایتدیرمشدی . صو کرا ، یکی بر مترهس آرامش ، بو
 سفرده بیزانس سراینده رهن طوران چرکس قیزلرندن
 آلانی یه عاشق اولمشدی . فقط بو عشقندن اودرجه
 استفاده ایدمه مشدی . کنج قیز ، اختیار ایمراطوره
 سرائیک مسخره سنی ترجیح ایتمش ، و اونکله مناسباتده
 بولونمشدی . ایش اوراده یه وارمشدی که ، ایمراطورک
 ندیمی مسخره لغه اورارق قیزه علناً اعلان عشق ایدیور ،
 ایمراطور بو قومه دی یه قارشی قهقهه دن بایلیوردی .
 زوئی بوتون بو حالله لا قید طور یوردی .
 آرتق اوده قوتدن دوشمشدی . اسکی غلیاندن اثر
 قالمش ، برمدت صو کرا ، یتش ایکی یاشنده اولدینی
 حالده ، اوزون ودغدغلی حیاته خاتمه چکمشدی .
 قسطنطین ، بوضیاعدن جداً متأثر اولمشدی : کندیسینی
 هردرلو حظوظاته نائل ایدن حریص واختیار زوجهنه
 صوک بر خدمت ایفا ایتک ایستیور ، زوئی بی اعزه
 صره سنه قویمایه چالیشیور ، شهوتدن باشقه فضیلتی
 اولیان زوئینک کرامتلرندن بحث ایدیوردی ...



بر مدت صو کرا بو مناسبت ده آچیغه اورولش، سیکله رده نه
 قوجاق قوجاق هدیه لر کوندرلشدی . همان هر کس ،
 زوئینک بو حاله تحمل ایده میه جکنی ظن ایتشدی .
 فقط زوئی کنجلك حرارتی ضایع ایلدیکی ایچون
 قوجاسنک هوائلکلرینه تحملدن باشقه چاره کورمه مشدی .
 زوئی آرتق هرشیدن بیقمشدی . اسکی شیق، ظریف،
 توالت مراقلیسی زوئی ، شمدی هرشیدن اجتناب
 ایدیور ، عبادتله مشغول اولیور، اکثریا تأثرندن اعزه
 رسملری اوکنده یووارلانیوردی . زوئی ، قوجه سیله
 بر (محالست مقاوله سی) عقد ایتش ، ایمپراطوری
 هر درلو افعانده سربست بر اقمشدی . سیکله رده نه سرایده
 بررتبه ویرلش ، رسمی آایلرده خلقه کورونمسنه
 مساعده ایدیش ، نهایت سرایده کندیسنه بر دائره
 تخصیص اولونمشدی . دها صو کرا ، واسیلیسنانلی دم
 تصدیق ایدلشدی .

فقط خلق بورذالتدن صو کدرجه بیزار اولیوردی .
 اودرجه ده که، برکون قسطنطین، فاتحده، (سنت آپوتر)
 کلیسانه کیدرکن اهالی : « بزسیقله رده نک ایمپراطور پچه لغنی
 ایسته میز . اونک یوزندن زوئی و ته ئودورا آتته مزک
 قهر اولدقلرینی ارزوایتیز ! » دییه باغیر مشلر، ایمپراطوری
 تلف ایتک ایسته مشلردی . ایمپراطور ، سو کیلیسنندن

ایله که بر واسطه ایدی. قسطنطین ایکی دفعه اولمش، نهایت سیقله رهن اسمنده کنج بر قیزه دلداده اولمشدی. سیقله رهن او قدر کوزل دکلدی؛ فقط صداسی، تکلمی او قدر حلاوتلی ایدی که، کندیسنه منجذب اولماق قابل دکلدی. بوسیدن، سیقله رهن، هر کسک خوشنه کیدیوردی. حتی بر کون، کندیسنی آلائی ائناسنده کورنلردن بری هومهرک: «خیر، ترووالیلر ایله یونانیلرک بودرجه حسنا بر قادین ایچون او قدر فناقلره تحمل ایتملی عیب صایلاماز» مألنده کی بیتنی تکرار ایتمشدی.

قسطنطین، وقتیله سیقله رهن ایله اولمک ایسته مش، فقط کلیسا بواوچنجی ازدواجه مانع اولمشدی. نهایت قسطنطین، معشوقه سیله برلکده یاشامش، فلاکت دملرنده بیله کندیسندن آیرلماشدی. خصوصیه (مدلی) ده پک عاشقانه بر حیات امرار ایتمشلردی. قسطنطین، پرستیده روحنی زوئینک قوللری آره سنده بیله دوشونمش، نهایت قسطنطینه کی کتیرتمکه موفق اولمشدی. حتی ازدواجنک ایله کیجه سی زوئی یه ایشی براز آچش، مساعده سنی استحصال ایدرایتمز سو کیلیسنی قسطنطینه یه دعوت ایتمشدی. قسطنطین درحال سیقله رهنه بر سرای انشا ایتدیریور، انشا آته نظارت بهانه سیله سو کیلیسی ایله بر قاچ ساعت امرار ایدیوردی.

عاشق لرندن قسطنطین مونوماخوس ایله اولنمکه قرار ویرمشدی. قسطنطین، زوئینک ایلك قوجه سی اوچنجی رومانوس زماننده سرایده یاشامشدی. او زمانلر زوئینک فوق العاده خوشنه کیتمش، ایکنجی قوجه سی دردنجی میخائل زماننده سرایدن چیقارلمشدی. زوئی، قسطنطینی اصلا خاطرندن چیقارماش، ۱۰۴۲ عصیانندن بالاستفاده یونانستان والیسی نصب ایله مشدی. شمدی قسطنطینی زوجلکه انتخاب ایتسی، معیتکده خوشنه کیتمشدی.

قسطنطینک پایتخته دخولی پک پارلاق اولمشدی. قسطنطین آقیشر ایچنده شهره داخل اولمش، دساتیر دینه دن زیاده پاره بی دستور حرکت اتخاذایدن قسطنطینه یطریق بو اوچنجی ازدواجی ده تقدیس ایلیوردی. آرتق زوئی مرادینه ایرمشدی. زوجی قسطنطین، ارزوسنه صوک درجه موافقدی. قسطنطین غایت یاقیشقلى، قوی البیه ایدی. دائماً آتیه نیر، ادمان ایله مشغول اولوردی. ادبیاتدن حظ ایدر، طرفه دورینک بوتون عالمیخی طوپلامقدن خالی قالمازدی. عین زمانده قادینلری ده جذب ایتنک یوانی بیلیردی. قسطنطین، بیزانس تحتنه جلوس ایدر ایتمز، قوه سلطنتی تسکین هوساتنه آلت ایتمک ایسته مشدی. اونک ایچون ایمپراطور لاق، قادین جذب

اوطوررلر ، بیزانس ایمپراطورلغنك امورینی اداره ایدرلردی . فقط بو حال اوزون مدت دوام ایله مه مشدی .
 زوئینك اسرافی خزینه یی طام طاقیر براقشیدی . پاره آزالنجه ، صداقت ده تدریجاً کیوشه مش ، ایش باشنده متین بر ارکک اُلی بولونماسنه احتیاج حاصل اولمشدی . زوئی بو درده بر چاره آرامش ، اوچنجی دفعه اولمکدن باشقه چاره بولونمادیغنه قرار ویرمشدی .
 ایمپراطور یچه بو ازدواجه قرار ویرر ویرمز ، مناسب بر زوج آرامایه باشلامشدی . زوئی بو ائنده آلتش درت یاشنده ایدی .



زوئی ، ازدواج فکریله بی آرام اولمایه باشلادیغی .
 کون ، بر وقتلر کنديسنه تزویج ایدمک ایسته نیلن قسطنطین دالاسه نی خاطر لامشدی . فقط بو ذاتک اداره حکومت خصوصنده کی شرائطی خوشنه کیمه مش ،
 بونک اوزرینه اسکی کوزده لرندن دیگر بر قسطنطین جلبه قرار ویرمشدی . قسطنطین ده ، رومانوس آکریروس کی اُولی ایدی . زوجه سی ، قوجه سنک باشقه برینه کیتدیکنی کورمکدنسه اولسنی ترجیح ایتش ،
 زوجنی زهر لیه رک بو ارزوسنی برینه کتیرمشدی .
 نهایت زوئی دوشونمش ، طاشینمش ، اسکی

تشکر ایدیور ، مخلوع ایمپراطوردن بحث ایتدیکی زمان
 بوتون اهالی : « او جانی کبرت . آچاغی قازیق‌له
 چاق! آصیر ، کوزلرینی اویدیر ! » دییه باغیریوردی .
 زوئی بو تردد‌له امرار وقت ایدرکن ، ته‌ئودورا ،
 میخائل ایله عموجه‌سنی مناستردن آدییریور ، اهالینک
 حقارت‌لری اره‌سنده کوزلرینی اویدیریور ، بو صورت‌له
 خلقک غلیانی تسکینه موفق اولیوردی .
 ته‌ئودورانک بو حاکمیتی زوئی‌پی‌پک متأثر ایتشدی .
 زوئی ، قاردشندن صوگ درجه نفرت ایدردی .
 ته‌ئودورا اولماسینده ، اونک یزینه بر سالیس بیله
 کندیسنه شریک سلطنت اولسه ، راضی ایدی . فقط
 سناتونک قراری اوزرینه ناچار قبول ایتش ، او تاریخن
 اعتباراً بیزانس ایمپراطورلغی ایکی اختیار قالدینک اداره
 ایتدیکی کورولمشدی . فقط بو ایکی ایمپراطورچه ، بو
 ایکی قاردش بینده پک بویوک فرقلر واردی : زوئی
 نه قدر کوزل ، متناسب و ظریف ایسه ، ته‌ئودورا او
 درجه ناموسلی و آغر ایدی . زوئی مسرف ، ته‌ئودورا
 اداره‌لی ایدی ؛ سوزدن حظ ایتمز ، اسراف‌ی اصلاً
 سومزددی . حتی هیچ اولمه‌مشدی . دائماً متواضعانه
 حرکت ایدر ، و کوزل سوز سویلردی . بو ایکی
 ایمپراطورچه هر کون رسمی البسه کیهرک تخت اوزرینه

زمانه کنگه‌یه قدر خلیج ساحلنده، (پتریون) مناسترنده
 یاشامشدی. زوئی، قیز قاردشنی سلطنته اهانت جرمیله
 بورایه قاپاتمش، صوکرآ کیمسه طرفندن آرانمامشدی.
 ۱۰۴۲ اختلالی ته ئودورای ده موقع اقتداره کتیرمشدی.
 ته ئودورانک آرقه‌سنه درحال برسلطنت لباسی کیدیرلمش،
 یالین قیلج‌لر اره‌سند، آلقیش‌لر ایچنده، آیاصوفیه
 کلیسا‌سنه کتیرلمش، ما کدونیا خاندانه صادق بطریق
 طرفندن ایمپراطور یچه‌لنی اعلان ایدلمشدی. بو ائنده
 سرای آلآن مقاومت ایدیوردی. بوتون کون سرای
 جوارنده محاربه ایدیلیور، بو عریده‌لرده اوچ بیک
 کشی تلف اولیوردی. آقشامه طوغرو سرایک
 قاپیلری آچیللمشدی. بوسره‌ده ایمپراطور ایله عموجه‌سی
 بر قایغه بینه‌رک (ستودیون) مناسترینه قاجیورلر،
 بوراده پاپاس البسه‌سی کیه‌رک حیاتلرینی بو صورتله
 قورتارمایه موفق اولیورلردی.

هان بوتون بو خلق، بو مظفریتدن ممنوندی.
 شرکیلر اوقونیور، دانسلر ایدیلیور، آله‌یلر تغنی
 اولونیوردی. فقط عین زمانده مجرملرک جزالاندرماسی ده
 طلب ایدیلیوردی. زوئی، قاردشنی شریک سلطنت
 اولارق قبول ایدیور، فقط مجرملرک عفو جهتی
 التزام ایلوردی. صوکرآ، سرایک بالقوننه چیقارق خلقه

اهالی یه بر بیاننامه ایله اعلان ایلدیکی زمان، بوتون خلق:
 « بز اوقا قاتجینک ایمپراطور لغنی ایسته مه یز . اصل وارث
 مشروعی ، زوئی آننه مزی ایسترز ! قهر اولسون
 قالفاتجی ! » دییه فریاد ایدیوردی . بو فریادی عظیم
 برولوله تعقیب ایلوردی . آرتق هر کس سلاخلانیور ،
 محبس لره هجوم ایدیلیور ، شهر لرده یانغینلار وجوده
 کتیر یلیوردی . نهایت خلق سرایه هجوم ایتشلر ، میخائی
 ارزولرینه رام ایدرک زوئی (بویوک آطه) دن مقدس
 سرایه کتیر تمش لردی . صو کرا ، آرقه سنده راهب
 آلبسه سی اولدینی حالد (هیودروم) ه کوتور مشلردی .
 اهالی ، سوکیلی ایمپراطور پچه لرینی بو حزین قیافله کورر
 کورمز بوسبوتون غلیانه کلش ، ایمپراطوری کفر لره ،
 طاشلرله تحقیر ایتکه باشلامشدی . او درجه ده که ،
 ایمپراطور سرایه دوتر دوتر فرار ایتک ایسته مش ،
 فقط عمو جه سی قسطنطینک اصراری اوزرینه وازچکمشدی .
 بوسره ده آیا صوفیه ده یکی بر حاده حاضر لانیور ،
 زوئینک همشیره سی ته ئودورانک اجلا سی ایچون تدایر
 اتخا ذ اولونیوردی . خلق ، زوئی موقع اقتداره کلیر کلز
 یه بوتون قوتی میخائله تودیعی ایده جکنی آکلامشله ،
 هیچ اولما زسه قاردشی ته ئودورای سلطنته تشریک ایدرک
 ته لکدنک اوکنی آلق ایسته مشلردی . ته ئودورا ، او

دائرہ سنہ قایتمش، کندیس ایلہ آچیقدن آچیغہ اکلنمکہ
باشلامشدی . حتی شهرده حائر اولدیغی شهرتدن
استفاده ایدرک زوئی سرایدن دفع اتمکہ بیلہ قرار
ویرمشدی (۱۰۴۲) .

میخائل ، قرارینی موقع تطبیقہ قویمق ایچون بر
کیجه زوئی توکیف ایتدیرمش ، کندیس زهرله مک
تهمتیه اتهام ایلہ مشدی . زوئی بومفتریاتدن متأثر ،
انکارلر ، فریادلر ایدیور ، فقط هیچ بر تأثیرینی
کورمه یوردی . نهایت ایمپراطورک امریله (بویوک آطه)
مناسترلرندن برینه حبس ایدلش ، آرقه سنہ راهب
آلبسه سی کیمشدی . زوئی ، صاری صاچلرینک غدار
برمقاص ضربه سیله کسیلدیکنی کوردیکی زمان بوتون
امیدلرینک محو اولدیغی حس ایلہ مشدی . میخائل ،
زوئی بو صورتله باشندن دفع ایتدکدن صوکرآ ،
سناتوی طویلامش ، ایمپراطورچهنک عزلی تصدیق
ایتدیرمشدی . فقط خلقتک ماکدونالی خاندانه محبتی
بردرلو دوشونه مه مشدی . زوئینک عزلی خبری شهرده
شایع اولور اولماز عظیم بر واویلا قویلمشدی . همان
هرکس مایوس و متأثر سوقاقلرده طولاشیور ، بالخاصه
قادینلر بومدهش سقوطدن صوکه درجه غلیانه کلیوردی .
اودرجه ده که ، (قسطنطین فوروم) نده شهرامینی وقعه یی

دردنجی میخائلك قاردشی یوآنس بو حادثه یی
 اولجه حس ایتدیکی ایچون لازم کلن تداییری اتخاذه
 ایتمشدی. حتی قاردشك صاغانغنده یکنی میخائلی سلطنته
 تشریک ایتدیرمش، بوتکلیفی زوئی ده قبول ایله مشدی.
 بناءً علیه دردنجی میخائل وفات ایدر ایتیز بشنجی
 میخائلك ایمپراطور اولماسی ایچون هیچ برمانعه تصادف
 ایدلمه مشدی.

بشنجی میخائل بر قالفاتجینك اوغلی ایدی. بو
 سبیدن بیزانسلیلر بیتنده (قالفاتجی میخائل) نامیله
 شهرت بولمشدی. یوآنس، قاردشك وفاتی اوزرینه
 زوئی یه التفاتی آرتدیرمش، کندیس ی اولمادجه
 ایمپراطورلغك اداره اولونامایه جغنی سویله مش، نهایت
 میخائلی ده واسیله وس اعلان ایتدیرمشدی. فقط یکی
 ایمپراطور، کندیسنه لطف ایدنلری پك فنا مکافاتلا-
 ندیرمشدی. اول امرده عموجه سی یوآنسی باشندن
 دفع ایتمش، یرینه دیگر عموجه سی قسطنطینی تعین
 ایله مشدی. صوگرا، زوئی یه فوق العاده التفاتلرده
 یولونمشدی. زوئیدن بحث ایدرکن: « او بنم
 ایمپراطور یچه مدر، حکمدار مدر. بوتون موجودیم
 اونکدر! » دیدیکی حالده، بالآخره زوئی یه بوسبوتون
 ایشدن آل چکدیرمشدی. میخائل، زوئی یی حرم

نهایت اوده عصیان ایتشدی . فی الحقیقه زوئی، شهرده
 حائز اولدیغی نام و شهرته تمامیه واقفدی . بوسیدن
 اولا باش وکیلی زهرله مک ، بوصورتله میخائلنی بسبتون
 کندیسنه بند ایتک ایستتوردی . زوئینک بوتشبتی
 عقیم قالمش، فقط میخائله قارشی حس ایتدیکی اضطرابات
 برقت دها تزايد ايله مشدی . میخائل وجداناً کیتدکجه
 مضطرب اولمایه باشلامشدی . نهایت بواضطراب آلود
 حیاته نهایت ویرمک ایچون مناسترلردن برینه قاپامش ،
 آرقه سنه پاپاس البسه سی کیمشدی (۱۰۴۱) .

بوخبر فلاکت حرمده شایع اولور اولماز ، زوئی
 تأثرندن دیوانه اولمش، حیاتندن زیاده سودیکی زوجنی،
 اسکی عاشقنی صوک دفعه اولمق اوزره کورمک ایسته مش،
 سلطنتنی و شرفنی اونوتارق ، بو حرکتک موقعنه
 قطعاً یاقیشمادیغنی تأمل ایتیه رک مناستر قاپولرینه
 قوشمشدی .

فقط میخائل ایشله دیکی جنایتدن نادم، بوغدارقادیکنک
 هوساتنه تابع اولمقدن بیتاب بولوندیغی ایچون زوئی بی
 قبول ایتمه مش ، کندیسنه پرستش ایدن ، کندیسنی
 جنایتلرینه تشریک ایله ین بوقادینی کورمک ایسته مه مشدی .
 برمدت صوکرا الیم برصورتده وفاتی ، زوئی بی صوک
 املندن ده محروم براقشدی .

زوئینک الكزیاده اعتمادیتدیكى خادم آغالرایله قادینلری ده
 قالدیریور ، یرلرینه کندی اقرباسندن ، اعتماد ایتدیكى
 کیمسه لری قویوردی . میخائل ، زوئی اودرجه صیقی به
 قویمشدى که ، کنديسنى زیارته کلنرك کیم اولدقلى
 تحقیق اولونیور ، ایمپراطوریمچه ایله نه کوروشه جکلری
 سؤال ایدیلیوردی . ایمپراطورك مساعده سی اولمان
 باغچه یه چیقماسنه ، حتی حمامه کیمه سنه مساعده
 ایدیلیوردی . زوئی ، بوخالدن فوق العاده صیقیلور ،
 ینه تسلیمیت کوستیریور ، دوچار اولدیغی حقارتلره
 دائما تحمل ایدیوردی . فقط بالاخره هیچ تحمل
 ایدمه یه جکی بر حال ظهوره کلمشدى ؛ اوده ، میخائلك
 کنديسندن اوزاقلاشما سی ، حتی کنديسنى هیچ
 کورمک ایسته مه سی ایدی . میخائل بو حیاتدن آرتق
 اوصانمشدى . اوتهدن بری دوچار اولدیغی صرعه عاتى
 کیتدکجه ترايد ایدیور ، زوئی ایله برلکده ایشله دکلری
 جنایتدن وجدانا معذب اولیوردی . بوسبیدن سرایه
 دائما پاپاسلری دعوت ایدیور ، کناهلرینی عفو ایتدیرمک
 ایچون آنلره برابر دوشوب قالمیوردی . اکثرا
 پاپاسلرك آیاقلى اوجندن یاتیور ، باشی بر طاشه
 طایایوب یاتیوردی .

زوئی ، میخائلك بو حاللرینه تحمل ایدمه مش ،

صوگرا، ایرتسی کون میخائلك ایمپراطور لغنی سناتویه ده
تصدیق ایتدیرمشدی . بواناده رومانوسک جسدی
آچیق بر تابوت ایچنده ، یوزی طانیلامیه جق بر حالده
مزاره کوتورولیور، (مقدس) سرایک یالیزیلی او طه سنده،
سرای اکابر رجالی کمال حرمتله میخائلك اوکنده
دیز چوکیور، مسعود توره دینک اللرینی او پیوردی .
زونی، یکر می درت ساعت طول قالمشدی .

میخائل ایمپراطور اولدقن صوگرا سرایک روحی،
خادم یوآنس ایدی . یوآنس سرعت قراره ، اقتدار
سیاسی یه مالک ، امور مالییه صوگ درجه واقفدی .
پایتختک و مملکتک احوالنه تمامیه مطلع اولدینی کبی قوه
حافظه سی ده مکملدی . بوسیدن بوتون ذکاسنی قاردشک
سعادتنه صرف ایدیور ، بوتون روحیه آنک رفاهنی
تأمین ایتک ایستیوردی .

میخائل ، ایمپراطور اولور اولماز، زوئینک بوتون
ارزولرینی یرینه کتیرمش، واسیلیسانک خوشنه کیتمک
ایچون هر درلو فداکارلغنی اختیار ایله مشدی . فقط
بالا خره قاردشی یوآنسک تأثیریه تبدیل مسلك ایتمه
مجبور اولمشدی . میخائل ، اول زوئینک کوزده لرینی
برر برر سرایدن آشیرمش ، ایمپراطور یچه یه حرمدن
طیشاری یه چیقما ماسنی تنیه ایله مشدی . بوندن باشقه ،

لزوم کورمه مشدی . زوئی شمدی باشقه شیلر
دوشونیور، میخائی ایمپراطور نصب ایتدیرمک ایچون
تدابیر اتخاذیاه مشغول بولونیوردی .



سرای ارکانی زوئی یه متبادیاً نصیحت ایدیورلر ،
ارباب لیاقتدن بریاه اولمهنه سنی توصیه ایلورلردی . فقط
زوئی متصل عاشقنی دوشونیور ، خادم یوآنس ایسه
زوئی بی بوسبتون فیتیلایور ، « بو ایش تأخر ایده جک
اولورسه ، محو اولدیغمنز کوندر ! » دییوردی .
زوئی بونصیحتلری کاملاً دیکله مش ، نهایت برکیجه
میخائی سرایه کتیرتمش ، ایمپراطور البسه سنی آرقه سنه ،
تاجنی باشنه کیدیرمش ، ایمپراطورک تختنه اوطورارق
کندی ده یانی باشنه چکمشدی . صوگرا ، بوتون حاضر ونه
میخائلاک ایمپراطورلغنی تصدیق ایتلرینی تکلیف ایتدیکی
کبی ، کیجه علی العجله بطریق ده سرایه جلب ایتمشدی .
بطریق ، رومانوسی کوره جکم ظن ایدرکن زوئی ایله
میخائی صیرمه لی البسه ایچنده کورر کورمز تردد
ایتمشدی . فقط زوئی ، کندیسنه ورهبانه پاردرلر وعد
ایتش ، بطریق بو جاذب آلتونلره حسیات دینه سنی
فدا ایله مشدی . زوئی ، بوموفقیتی استحصال ایتدکن

بویوک بر اضطرابه گرفتار اولیوردی . کوندن کونه
 قوتدن دوشویور ، آغزینه برلقمه یمک قویمایوردی .
 هان بر هیچ ایچون حدتلییور ، صیرمه لی البسه ایچنده
 بر اولو چهره سی باغلا یور ، صاحپلری دمت دمت
 دوکولیوردی . احتمالکه زوئی ایله میخائل ، باشلرندن
 رومانوسی دفع ایتک ایچون کندیسنه بر زهر ایچیر مشلردی .
 فقط ایمپراطورک بونکله ده اولمدیکنی کورونجه ،
 خدمتجیلره تنیه ایتمشلر ، ایمپراطور بانیو یامق ایچون
 باشنی صویه طالیدیردینی ائاده ، لزومندن فضله صودن
 طیشاری چیقارتما مالرینی سویله مشلردی . فی الحقیقه
 ایمپراطور بر کون بانیو ایچون صویه کیرمش ، صوده
 لزومندن فضله قالمش ، نهایت بایغین بر حالده طیشاری
 چیقارلمشدی . خدمتجیلر رومانوسی یا تاغنه کوتور مشلردی .
 ایمپراطور بر مدت صوکر ا کندینه کانجه ، آلیله بر
 شیلر اشارت ایتمش ، فقط کیمسه نک برشی آکلامادیغنی
 کورمش ، صوکر ا کوزلرینی ملولانه قاپایارت . تسلیم
 روح ایله مشدی .

زوئی بوفلاکت آننده بیله حسیاتی کتمه لزوم
 کورمه مشدی . فلاکتی خبر آلیر آلاماز ، قوجه سنک
 اولوب اولمدیکنی تحقیق ایچون او طه سنه قوشمش ،
 حقیقته واقف اولدقدن صوکر ا ، یاننده بیله بولونمایه

زوئی ایله میخائل ییتنده کی مناسبت ، بوتون سرای
 خلقنك معلومی اولمشدی . بالطبع بونك یالکز
 رومانوس فرقه وارماشدی . همشیره سی پوخله ریا ،
 زوئی یه دشمن اولدیغی ایچون قاردشنه براز ایشی
 آچش ، فقط ایمپراطور بر درلو اینامامشدی .
 میخائی بر کون حضورینه چاغیروب سؤال ایتش ،
 دلیقانی کلیاً انکار ایله مشدی . اوزمان ایمپراطور ،
 میخائله دها زیاده امنیت ایتش ، حتی کیجه زوئی ایله
 برابر یاتارلرکن ، میخائی یاتاق او طه سنه قدر کتیر مشدی .
 میخائل بو کبی زمانلرده ایمپراطورک آیاقلرینی اونار ،
 آره صره آلرینی زوئینك آیاقلرینه ده تماس ایتدیرمکدن
 خالی قالمازدی ...

نهایت رومانوس ، ایشك تمامیه فرقه وارمشدی .
 فقط ایشی هیچ بیلمز لکدن گه یی دهها موافق
 بولمشدی . رومانوس ، زوئینك طبیعتی بیلوردی .
 میخائی زوئیدن آیراجق اولورسه سرایده پک بویوک
 رذالتلر میدان چیقاجقدی . بو سبیدن زوجه سنك
 یالکز بر کشی ایله مشغول اولماسنی محافظه حیثیت
 نقطه نظرندن دهها موافق کورمش ، نهایت بو مناسبت
 بر نوع رسمیت کسب ایله مشدی .

رومانوس ظاهراً غیر متحسس کورونیور ، فقط باطناً

ایدیور، آره صره حسیاتی ده دوکمه باشلا یوردی .
 نهایت میخائل، قاردشک ایقازی اوزرینه جسارتی
 آرتدیرمش، ملایمانه سوزلردن ایش بوسه لره قدر
 انتقال ایتش، صوکرا دها زیاده ایلریسنه وارمشدی .
 اوزمان زوئی، بوکنج عاشقنه بوتون قلیله مسحور
 اوله رق هر درلو تدیرسز لکلری کوزینه آلدیرمشدی .
 زوئی هر کسک قارشیسنده عاشقی درآغوش ایدیور،
 آنکله دیز دیزه، بر صندالیه اوطوریور، عاشقی بر
 صنم کبی سوسله مکه غیرت ایلوردی . حتی برکون،
 ایمپراطورک تخنه اوطورتمش، باشنه تاج کیدیرمش،
 آئینه ایمپراطورلق عصاسنی ویرمش، کندیسیده
 یانه صوقولارق :

— معبودم، زهره جمالم، کوزلرمک سروری،
 روحمک تسلیسی !

دیه درآغوش ایتمه باشلامشدی . او صره ده
 بالتصادف سرای ارکانندن بری ایچرییه کیرمش،
 بر دنبیره شاشلامشدی. فقط زوئی هیچ طورینی بوزمایارق:
 — بو آندن اعتباراً و بوندن بویله حقیقی
 ایمپراطور بودر !

دیش، میخائلک آیاقلری اوکنده، ایچری کیرن
 ذاته دیز چوکدیرمشدی .

زوئی بی ممنون ایتمه ین یالکمز بومتروکیت دکلدی ؛ نفسی
 حظوظاتنک تطمین ایدیلهمه مسی اونی دهها زیاده متأثر
 ایدیوردی. رومانوس، زوئینک اسرافاتی ده تحدید ایتک
 ایسته مشدی. زوئی، اوزمان کندیسنی اکلندیرمک ایچون
 خارجدن تسلی آرامش، ایمپراطورک اقرباسندن قسطنطین
 نامنده بری ایله، دهاولده ینه بر قسطنطین ایله مناسباتده
 بولونمشدی. فقط بوتوجه اوزون مدت دوام ایتمه مشدی.
 نهایت زوئی، سرای خادم آغالرندن یوآنیسک قاردشی
 میخائلی کندیسنه اک موافق بر عاشق اولق اوزره
 انتخاب ایتمشدی .

میخائل ، پارلاق نظرلری ، نظر فریب رنکی ،
 جاذب اندامیله بوتون شاعرلرک نظر مفتونیتی جلب
 ایله مشدی . اولاً ، حسنی و شبایله ایمپراطورک خوشنه
 کیدن میخائل ، بالاآخره ایمپراطوریچه نکه ده حسیاتی
 تحریک ایله مشدی. زوئی ، اوزمانه قدر خادم یوآنیسدن
 نفرت ایدرکن شمدی اوکا کیتدجه کولر یوز کوسترمکه
 باشلامش ، نهایت قاردشدن پک زیاده حظ ایتدیکنی
 سویله مشدی . میخائل ، اولاً بو قبولدن برشی
 آکلامامشدی . یوزی قیزاره رق ، محجوب بر حالده
 زوئینک حضورینه چیقیور، زوئی اونی کیتدجه تشجیع
 ایتکه غیرت ایدیوردی . بعضاً ظریفانه تبسملر

عائله سنك شان و شرفدن ، كنديسنك درايتندن بحث اولونديغي زمان ، سوينچندن قولتوقلري قاباريردى . نفسى ايچون پك چوق پاره صرف ايدر ، باشقه لرينه ده احمقجه اسرافاتده بولونوردى . زوئی ، عين زمانده ديندار ایدی؛ فقط ديندارلغى اعزه رسملى اوكنده كونلك وموم ياققدن عبارتدى . حكومت ايشلرندن حظ ايتمز ، قادين ايشلرندن ايسه بوسبتون صيقيليردى .

زوئیده اخلاقسزلق ارثى ایدی. بيزانسه سفاهتى ايله شهرت بولان ايكنجى رومانوس ايله ته ثوفانونك يوصاريشين حفيدسى ، كوزللكنه وجاذبه سنه صوك درجه مغرور ایدی . اكثريا كنجلكنك اك پارلاق زمانلرني حرمدہ كچيرديكى ايچون متأثر اولوردى . زوجى رومانوس آر كيروس ، زوئی ايله اولندكدن بر مدت صوكر! كنديلرينه بر وارث يتشديرمك ايسته مش، زوجه سى ايله برابر مراجعت ايتمك نسخه ، علاج براقامشدى . فقط كنديسنك آلتمشنده ، زوئينك آلديسنده اولماسى، يو ارزونك خصوصنه مانع اولمشدى . او زمان رومانوس، زوئی يى بر طرفه براقش، حكومت ايشلريني جديتله ايفايه باشلامشدى .

زوئی ، بو متروكيتدن پك متأثر اولمشدى . فقط

زوئی ایمپراطوریچه اولدینی زمان ، اللی یاشنده ،
 فقط نظر فریب بر حسنه مالکدی . اوزون کیرپیکلر
 آلتنده ایری کوزلری ، خفیف بر انخاپیدا ایدن برونی ،
 نظر ربا صاحلری سیاسنه باشقه بر حلاوت ویریوردی .
 زوئینک رنکی غایت بیاض ، اندامی صوڪ درجه متناسبدی .
 سننی یلمینلر کنديسنی عادتاً کنج بر قیز ظن ایدرلردی .
 اورته بویلی ، فقط متناسب وجودلی ایدی . یتمش ایکی
 یاشنه کلدیکی زمان بيله ، حسننک طراوتی اصلا
 بوزولمامشدی . زوئی ، سرايك آغر و صیرمه لی ألبسه سنه ،
 مجوهرلرله پارلایان تاجلرینه ، غایت ساده برقیافتی ترجیح
 ایدردی . بونکله برابر لوانطیه ، قوزمه تیکه پک زیاده
 دوشکوندی . حبشستاندن و هندستاندن صورت
 مخصوصه ده قوقولر کتیرتیر ، دائره سننک بر قسمنده
 یوتون سنه خدمتچی قیزلره قوقولر اعمال ایتدیرردی .
 اکثریا باغچه ده تفرجلر اجرا ایدر ، طراوت حسننی
 محافظه ایچون صاف هوا تنسی ایتمه غیرت ایلردی .
 زوئی ، صوڪ درجه جاهل ، فقط پک زیاده عصبی
 ایدی . بر چوق دفعه لر ، بعض کیمسه لرك حیات وئمانه
 قرار ویرر ، فقط امور حکومتی ده سورونجه ده
 براقیردی . زوئی ، آبدال ، هوائی مشرب ، مغرور ،
 مداهنه یه صوڪ درجه میال بر ایمپراطوریچه ایدی .

ماکدونیالی خاندان دورنده ، ییزانسک وراثت مسئلهسی ده حل ایدلمشدی ؛ ییزانس اداره سنک قادینلر ائینه کچمه جکته همان هرکس امین ایدی . بو سبیدن ایمپراطور قسطنطین ده قیزی زوئی یه بر قوجه آرامش ، قسطنطین دالاسه نی ، ارمنی زادکانندن برینی انتخاب ایتمشدی . فقط بو ذاتک پایتختدن پک اوزاقلده بولونماسی ، ایمپراطوری بو فکرندن واز کچیرمشدی . نهایت ، شهر امینی رومانوس آرکیروسی مناسب کورمشدی . رومانوس غایت یاقیشیقلی ، آلتش یاشنده ، متأهل بر ذات ایدی . خصوصیه زوجهنه فوق العاده محبتی واردی . زوجهنی ده کندیسنه پرستش ایدردی . ایمپراطور بو مواعی قطعیا نظر اعتباره آلامش ، رومانوسه یا زوجهنی تطلیق ایتسنی ویاخود کوزلرینی اویدیراجغنی سویله مشدی . بو خبر فلاکت ، رومانوسک زوجهنی اوزرنده مدھش بر صاعقه تأثیری اجرا ایله مشدی . زواللی قادین ، زوجنی قورتارمق ایچون هر شیئه تحمل ایتش ، کندیسنی مناستر کوشه لرینه قاپانمش ، رومانوس ده زوئی ایله ازدواج ایتمشدی . اوچ کون صوکر قسطنطین وفات ایدنجه ، زوئی ایله زوجهنی وهمشیره سی ییزانس ایمپراطورلغنی اداره ایتمکه باشلامشلردی .

زوئی

ما کدونیالی خاندانن ایمپراطور سکزنجی قسطنطین پورفیروکه نه طوس، صوکه دفعه اولق اوزره خسته لاندیغی زمان، کندیسنه بر خلف تعیننی دوشونمکه باشلامشدی. او آنه قدر ییزانس تختنه بر خلف تعیننی قسطنطینک عقلنه بیله کلمه مشدی. قسطنطین غایت مسرف، اویونه، هیودروم قوشولرینه مبتلی ایدی. کندیسنی ما کدونیالی خاندانک صوکه وارثی ایدی. فقط اویوندن باش قالدیرامادیغی ایچون اکثریا سفرایی بیله قبول ایتمکی اونوتور، وقتنی اویون ایله، اکلنجه ایله کچیرردی. قسطنطینک اوچ قیزی واردی؛ اوچرده اولنمه مشدی: اودوقسیا، زوئی، تهئودورا. اودوقسیا ذکاجه، حسنجه وسط درجهده ایدی. دها چوجقلغنده یوزی چیچک علتندن خراب اولمش، بیچاره قیز بو پریشان حسنی مناستر کوشه لرنده کیزله مشدی. بناءً علیه قسطنطینک وفاتنده ییزانس تختنه زوئی ایله تهئودورا کچه جکدی. فقط بو تاریخده (۱۰۲۸) زوئی اللی یاشنده، تهئودورا اوندن براز دون بر سنده ایدی.

محبسدن فرار ايدرك (آياصوفيه) يه التجا ايله مشدى .
 فقط يكي ناظر ، واسيل ، كليسا يه قطعياً حرمت ايتمه رك
 ته ئوفانوي آياصوفيه دن چيقارتمش ، ارمنستانه نفى
 ايتمه كه قرار و ير مشدى . ته ئوفانو ، منافسنه كيتمزدن
 اول صوك دفعه اوله رق عاشقى كورمك ايسته مشدى .
 ته ئوفانو ، اوغورنده هر شئي فدا ايتديكى حالده كنديسنى
 آليم بر صورتده ترك ايدن زيميسكه سك قارشيسنه گلير
 كلز عاشقى شدتله تحقير ايتمش ، يومروقلرينى صيقارق
 ناظر ك اوزرينه آتيلمش ، سالوندن كال مشكلات ايله
 چيقارلمشدى . او وقتدن اعتباراً ته ئوفانونك حياتى
 ختام بولمشدى .

ته ئوفانو آلتى سنه منفا كوشه لرند ياشامش ،
 زيميسكه سك وفاتى اوزرينه تكرر قسطنطينيه ،
 چوجوqlرينك ياننه كلشدى . فقط غرورى منكسر ،
 احتراصى منطفى بولوندينى جهتله حكومتده هيچ بر
 نفوذ اجرا ايدمه مش ، سرايك بر كوشه سنده ،
 توجهلردن محروم ، حسنى پريشان بر حالده ترك حيات
 ايله مشدى .



عسکره ایمپراطورک قانلی باشی کوسترلدیکی زمان هرشی سکونت بولمشدی . حتی خاقدده ته ئوفانو کبی حرکت ایتیش ، اوده بوتون موجودیتی ایله زیمیسکه سک آغوشنه آتیلیمشدی .



ته ئوفانو ، جنایتی سترایتمک ایچون هرشیئی احضار ایله مشدی . فقط قسطنطنیه بطریقک اعتراضاته هدف اولاجغنی بردرلوعقلنه کتیرمه مشدی . بطریق ، ایمپراطور ایله صوک درجه طارغین اولدیغی حالده زیمیسکه سک ایمپراطورلغنی تصویب ایتمه مش ، حتی آیا صوفیه کیرمکدن منع ایله مشدی . بونک اوزرینه زیمیسکه س کنديسنک جنایتده مدخلدار اولمادیغنی سویله مش ، حرص سلطنته ، معشوقه سنی ، ته ئوفانوی فدا ایله مشدی . ته ئوفانونک امللری آرتق کاملاً زیروزبر اولمشدی . ته ئوفانو ، عاشقیله ازدواج ایدرک سلطنت سورمک ایسته مشدی ؛ فقط سلطنته خدمت ایتدیکی عاشقی شمدی کنديسنک نکبته سبب اولمشدی .

ته ئوفانو حسنک هنوز زائل اولمادیغنه قائل اولدیغی ایچون عزم و متانتیینه محافظه ایتشدی . یکر می طقوز یاشنده ، بوتون کوزللسکنی محافظه ایدن بوحریرص قادین ، حیاتی رخنه دار ایدن بوسقوطه اصلاً تحمل ایدمه مش ،

کوروشمش ، صوگرا سرایده مسافر قالان بولغار
قادینلرینی براز کوروب کله جکنی سویلیه رک قاپوینی
قایامامسنی رجا ایتمشدی . نیکه فوروس ، زوجه سنک
سوزینی دیکله مش ، یاپ یالکیز قالدجه براز دعا ایتمش ،
صوگرا بیتاب برحالدہ اویقویہ طالمشدی .

ساعت کیجه اوز بره کلمشدی . سوقاقدہ بورام بورام
قار یاغیور ، بوغاز ایچی فیرطینه لرله چالقانیوردی . بو
صره ده زمیسه کس اوافق برقایقله (بوقوله ئون) سراینک
دیوارلری حذاسنه گلش ، کندیسنه اوزاتیلان سپده
کیرده رک ایپله حرم دائرہ سنه چکیلمشدی . سرایه کیر
کیرمز طوس طوغرو ایمپراطورک اوطه سنه کیتمش ،
اوطه یه کیروبدہ ایمپراطوری یاتاغنده بولامانجه دهشت
ایچنده قالمشدی . فقط خادم آغالرندن بری ایمپراطورک
عادتیی بیلدیکی ایچون کوشه ده ، قاپلان پوستی اوزرنده
یاتان ایمپراطوری کوسترمش ، اوزمان نیکه فوروس
قانلی برتهاجم آلتنده ازیلمش قالمشدی . قاتلر ایمپراطوری
زمیسه کسک آیاقلرینه قدر سوروکله مشلر ، صاقلانی
یولمشلردی . نهایت زمیسه کس ، قلیجیله ایمپراطورک
قافاسنی پارچه لامش ، ایمپراطور قانلر ایچنده تلف
اولمشدی . سرایده وقوعه کلن کورولتیلر اوزرینه
خاصه عسکری قوشمش ، فقط ایش ایشدن چکمشدی .

سراینه آلمشدی . ته ئوفانو ، ایمپراطوره عاشقنی مدح
ایتمش ، فقط عینی زمانده قوجاسنک شپه لری ازاله
ایچون زیمیسکه سه اقرباسندن برینی ویرمک فکرنده
اولدیغنی سویله مشدی . نهایت زیمیسکس قسطنطنیه
ککش ، سوکیلیسی ایله سرایده بولوشمش ، ایمپراطور
علینده ترتیبات لازمه اتخازینه باشلامشدی . بوترتیباتک
غایه سی ، ایمپراطوری قتل ایتمکدی . زیمیسکس بوفکرینی
قوددن فعله کتیرمک ایچون غیر ممنون جنراللری الده
ایتمش ، سرای قادینلری ده اغفال ایدلادکن صوکر
سرایه ، ایمپراطور یچه نک اوطه سنه مسلح آدمیر
صاقلانیلمشدی . جنایتدن برکون اول برچوق ارککلر
قادین قیافته صوقولارق ته ئوفانونک دلاتیله سرایه
کتیرلمشدی . ایمپراطور بوتششدن خبردار اولمش ،
سرائی آراندیرمش ، سرای ارکانی کاملاً اتفاق ایتمش
اولدقلری ایچون هیچ برشی بولمور مایه موفق اولامامشدی .
نهایت کیجه اولمش ، ایمپراطوری اولدیرمک ایچون
زیمیسکه سک کله سنه انتظار ایدلمشدی . اوزمان هرکسک
قلبی برقورقو آلمشدی . ایمپراطور ، اوطه نک قاپوسنی
قاپار ویاخود کورولتودن اوپانوبده مقاومت ایدرسه ،
ته ئوفانو بو مانعکده اوکنی آلق ایسته مش ، طوغری
نیکه فوروسک یانه کیتمش ، کندیسيله طاتلی طاتلی

اولمایہ، یاتاغندہ یاتمامایہ، حیاتندن قورقمایہ باشلامشدی .
 حتی بو قورقونک تاثیریلہ (بو قولہ ٹون) سرانی برقلعہ
 حالنہ کتیرمشدی . نیکہ فوروسک تہ ٹوفانو حقندہ کی
 محبتی الآن باقی ایدی . فقط تہ ٹوفانونک آرتق جانی
 صیقلمایہ باشلامش ، بو بزرکینلک نہایت قانلی بر صورتدہ
 نتیجہ لئمشدی .

نیکہ فوروسک یو آنیس زیمیسکس اسمندہ بر یکنی
 واردی . زیمیسکس قرق بش یاشندہ ، قیصہ بویلو ،
 ظریف ویاقیشیقلی ایدی . مائی کوزلری ، صاریشین
 صاحبلی ، اینجہ وظریف بورنی ، جرأتکار نظرلریلہ
 تہ ٹوفانوی تسخیر ایدہ جک اوصافی حازدی . تہ ٹوفانو،
 نیکہ فوروسلہ کچیردیکی مزعج حیات ایچندہ زیمیسکسی
 سومشدی . زیمیسکس غایت حریص ایدی . کندیمی
 وقتیلہ اردودہ خدمت ایتدیکی حالده ایمپراطور طرفندن
 عزل ایدلمش ، بو تحقیرک انتقامی آلمایہ صوک درجہ
 عزم ایتمشدی . خصوصیلہ تہ ٹوفانودن آیری یاشامسی
 قلبنده بویوک برجریحہ آچمشدی .

بوصرہ دہ نیکہ فوروس سوریه دن دوئمش ، اطرافندہ
 کیزلی کیزلی دولابلر چویریلدیکنی حس ایتمکہ باشلامشدی .
 تہ ٹوفانویہ قارشى محبتی باقی اولدیغی ایچون سوکیلی
 زوجہ سنک نفوذینہ تابع اولہ رق زیمیسکسی تکرار

نیکه فوروس ته ئوفانونک پارلاق حسننه فوق العاده
 مجلوب اولمش، اونک ایچون هر شیئی فدا ایتکی کوزینه
 آلدیرمشدی. طبعاً مقتصد و خسیس اولدیغی حالده
 ایمپراطوریچه ایچون الک پارلاق مجوهراتی، الک خارق العاده
 تزیناتی آلمقدن کری طور ماممشدی. ایمپراطوریچه یی
 عادتاً زیتلره، شعله لره بوغمشیدی. ایمپراطوریچه
 ایچون دنیای کوزی کورمه یور، دیزی دیندن هیچ
 بر لحظه آیرملق ایسته میوردی. اردو سیله برابر حرکت
 ایله دیکی زمان ایمپراطوریچه یی ده یاننده کوتوری میوردی.
 نهایت ایکنجی عشقی، عسکرلکی، برنجیسنه غلبه
 ایتمشدی. نیکه فوروس، عربلر، بولغارلر و روسلرله
 محاربه ایتک ایچون حدوده قوشیور، بوسفر ته ئوفانونی
 برابر کوتورمه یوردی. صوکر، ایمپراطورلق
 وظیفه سنی محق بر صورتده ایفا ایتک ارزو ایله دیکی
 ایچون ده خلقک توجهنی ضایع ایدیوردی: اهالی،
 ویرکیلرک آرتما سندن؛ رهبان، نفوذلرینک قیرماسندن
 شکایت ایدیور، بطریق آچیقندن آچیغه ایمپراطوره
 معارض بولونیوردی. نهایت پایتختده عربده لر وقوعه
 کلش، ایمپراطور خلقک تحقیراتنه هدف اولمش، حتی
 طاشلامشدی. بو حقارتلر، نیکه فوروسک دیندار قلبنده
 بویوک بر اثر بر اقمشیدی. نیکه فوروس کیتدکجه مغموم

شکله قويماق ايچون ازدواجلىرى يېڭى كليساده پارلاق بر صورتده اجرا ايدلمشدى .

نيكه فوروس بو ازدواجدن فوق العاده ممنون اولمشدى . آرتق اسكى شدتلىرى ، دىنى وعدلىرى كاملاً اونوتمشدى . آينوروز راهبلىرىنن آناستاش ، ايمپراطورك نقض عهدايتىش اولماسنه صوك درجه حدت ايدرك پايتخته كلىش ، ايمپراطورى كنديسنه خاص بر طورله آزارلامشدى .

ايمپراطور ايسه ته ئوفانو ايله قارداش كې ياشايدىغى ، ازدواجنىڭ سياسى بر مقصده مبتنى اولدىغى ، امور حكومتى يولنه قوياق قويماق تكرر ارمناستره عودت ايدىجى يېڭى ايدرك سويله مشدى . نيكو فوروسك ازدواجى پايتخته ده قىل و قالى موجب اولمشدى . حتى نيكو فوروس ، ته ئوفانونىڭ چوچقلىرىن برينه و قتيله صاغدىچلىق ايتدىكى ايچون بو ازدواجك كليساجه ممنوع اولاجى بيله ايلرى سورولش ، نيكو فوروس كلىسا طرفندن اتهام ايدلمشدى . يېڭى ايمپراطور ، نفسانى هوساتنه هر شىئى فدا ايتىش ، يالانچى بر شاهد طوتارق چوچوغىك صاغدىچى كندى اولمايدىغنه يېڭى ايتدىر مشدى . فقط بو غير مشروع ازدواج نهايت پك وخيم بر صورتده نتيجه لىنمشدى .

تەئۇفانونك جاذب سیاسی بو وظیفه نك ایفاسنی فوق العاده تسهیل ایدە بیلیردی . تەئۇفانو ، درحال نیکه فوروسی پایتخته کتیرتمش ، کوزلرینك جاذبه سیله قلبنی تسخیر ایدەرك بوتون آرزولرینه موفق اولمشدی . تەئۇفانو نیکه فوروسی اصلا سومه مشدی ؛ فقط منافعی محافظه واحتراصنی ترویج ایتدیرمك ایچون نیکه فوروسك بویوک بر قوت تشکیل ایله دیکنی آکلامش ، اك صوکنده کنديسیله ازدواجه قرار ویرمشدی . تەئۇفانو بو ائنادە ناظر برینغاس علیهنده برچوق دسائسه آلت اولمش ، هیچ برنده کنديسنی میدانە چیقارما مشدی . نهایت نیکه فوروسله ازدواج ایدەرك بوتون مقصدلرینه نائل اولمشدی .

نیکه فوروس (قیصری) اردوگاهنده ایمپراطور اعلان اولوندقدن صوکر قسطنطنیه یه پارلاق بر صورتده داخل اولمشدی . بوتون خلق یکی ایمپراطوری آلقشلا یور ، آیاصوفیه کلیسانك اوکنده کچه جک یر بولونموردی . نیکه فوروس ، آئنده موم اولدینغی حالده کلیسایه کیرمش ، رسم تتوجی اجرا اولندقدن صوکر (مقدس سرای) ه داخل اولمشدی . نیکه فوروس ، تەئۇفانویه صوکه درجه مجلوب اولمشدی . آره لرنده ایکی آیدنبری مناسبت جاری اولمغه باشلامشدی . فقط بومناسبتی مشروع بر

ایلمشدی . عربلردن (کرید) ی استرداد
ایتمش ، مظفر اردوسیلہ کیلیکیا حوالیسنہ قدر
ایلریلمشدی . عسکرلکده ، اردو ادارهسندہ بویوک
بر مهارتہ مالکدی . اردوسنک صوک درجہ محبتی
قازاتمیش اولدینی ایچون یزانس ایمپراطورلغندہ اک بویوک
قوتہ مالک دیملدی . نیکہفوروس الی بر یاشندہ ،
قیصہ صاقللی ، متفکر و اندیشہناک سیمالی بر ذات ایدی .
طبیعتی سرت وخشین اولدینی کبی صوک درجہده
سکوتی ایدی . زوجہسنک و اوغلنک وفاتندن صوکرا
متصوفانہ بر حیات امرار ایتکک باشلامشدی . کشیشلرله
کوروشمکدن حظ ایدر ، مناستر حیاتندن ذوقیاب
اولوردی . ایکنجی رومہنک وفاتندہ نیکہفوروسک النده
مدہش بر سلاح بولندینی ایچون حکومتی ایستہدیکی
نی آده ایدہ بیلیردی . حتی ناظر برینغاسک کندیسنہ
خصومت ایتدیکنده واقفدی ؛ فقط طوغرو وعغیف
برعسکر اولدینی ایچون حکومتہ قارشى هیچ بر تشبثده
بولونمامش ، کندیسنی اک زیاده تحریک ایدن ، ینہ
تہ ٹوفانو اولمشدی .

ایکنجی رومہن وفات ایدنجه ، تہ ٹوفانو نیکہفوروسک
بویوک بر قوت صاحبی اولدینی ، برینغاسک نفوذینی
بو واسطہ ایلم قیرمق ممکن اولاجغنی تماماً آکلامشدی .

بر مناستره قاپاشمشی. یالکز، قان والدہ سنک سرایدہ
 قالمسنہ مساعده ایتش، اودہ بر قاج آی صوکرا
 قهرندن وفات ایتشدی. کوروچہ لری ایسہ مناسترک
 قارانلق کوشہ لرنده صاحب لریک طوتام طوتام کسلدیکنی
 کورمشلر، او دقیقه دن اعتباراً اونلرده معناً اولدکلرینه
 قائل اولمشلردی. تہ ئوفانو بوتون بو ظلملری مظفریت
 عد ایله مشدی.

ایمپراطور رومہن آنسزین وفات ایتدیکی زمان (۹۶۲)
 تہ ئوفانو، ایکسی اوغلان، ایکسی قیز، درت چو جنی ایله
 یکر می ایکی یاشنده طول قالمشدی. او زمان درحال
 ایکی اوغلی نامنه اجرای حکومتہ باشلامشدی.
 او صیراده، تہ ئوفانو کبی حریص بر قادین ایچون
 اداره حکومت پک مشکلدی. تہ ئوفانوک ناظری،
 ژوزہ ف برینگاس ایدی. بو ذات، رومہن زماننده،
 حکومتی مستبدانہ اداره ایتشدی. برینگاسک تہ ئوفانو دن
 اداره حکومتی استرداد ایتسی قابلدی. دیگر جہتدن
 آنا طولیدہ مظفر بر قوماندان، نیکہ فوروس فوقاس
 واردی کہ، بو ایکی سیما، تہ ئوفانو ایچون بویوک
 بر اہمیتی حائزدی.

قبادوقیالی نیکہ فوروس فوقاسی موفقیات
 و مظفریاتی ایله بویوک بر نفوذ اکتساب

ته ئوفانو وجهاً غایت ظریف اولمقله برابر اخلاقاً
 صوك درجه ضعیف ایدی . حسنی کدکملر تسخیر
 ایده جك درجه ده ایدی . فقط طبعاً دوچار فساد
 اولمشدی . حتی ییزانس تختنه بر آن اول جلوس ایتك
 ایچون قوجه سیله برلك اولارق ایمراطوری زهرلمكه
 قدر جسارت کوسترمشدی . ته ئوفانو انسان زهرلتمكده
 او درجه ایلری یه کیتمشدی که ، کندی اولادلرینی بیله
 زهرلتمکدن کری طورمامشدی .

ته ئوفانو ییزانس تختنه جلوس ایتدیکی زمان ، ایکنجی
 رومه نك افکاری اوزرینه بویوك برنفوذ اجرا ایدیوردی .
 بو نفوزه هیچ کیمسه نك اشتراك ایتسنه راضی اولمدینی
 ایچون اداره سابقه دن قالان بوتون رجال حکومتی
 دیکشدرمشدی . فقط اك زیاده اهمیت ویردیکی شی ،
 سرایدن قائن والده سی ألهن ایله بش کورووجه سنی
 چیقارتمق اولمشدی .

ته ئوفانو نك کورووجه لری غایت ظریف ، بابالرندن
 غایت ای تربیه کورمش قیزلردی . حتی بابالری نك زماننده
 سیاسی ایشلره بیله قاریشدقلری اولمشدی . ایچلرندن
 آغات ، باباسنه کاتبلك وظیفه سی بیله ایفا ایتمشدی .
 ته ئوفانو بو قیزلری بر درلو چکه مه مش ، یالوارمالرینه ،
 یاقارمالرینه ، کوز یاشلرینه قطعاً اهمیت ویرمیه رك هپسینی

کنیش اوموزلی ، سویملی سیمایه مالک بر کنجدی .
 سوزلرنده بر جاذبه ، بر ظرافت حس اولنوردی . آوه
 واسپوره صوکه درجه مراقلی ایدی . آرقاداشلرینک
 فنا سوزلریله عامل اولدینی ایچون باباسنک غیرت
 وفدا کاریسنی دایما عقیم بر اقیردی . باباسی غایت دیندار ،
 مراسمه صوکه درجه رعایتکار ایدی . اکثریا اوغلنه
 نصیحت و یردیک زمان : « ایشته بو سوزلریمه رعایت
 ایدرسهک روما ایمپراطورلغنی حسن صورتله اداره
 ایدرسک ! » دیردی . حتی اوغلنک تحصیل و تربیه سنی
 اکمال ایچون (ایمپراطورلغک اداره سی) نامیله برده اثر
 وجوده کتیرمشدی .

او صیراده رومه ن هنوز اون سکز یاشنده
 بولوندیغی ایچون باباسنک وصایاسنه هیچ اهمیت
 ویرمه مشدی .

رومه ن ، ته ئوفانویله اولندکدن صوکر ا بر اوغلی ،
 ایکنجی واسیل ، دنیا به کلشدی . ته ئوفانو چوجنی
 طوغوردقن صوکر ا سرایده بر قات ده ا صاحب نفوذ
 اولمش ، یدنجه قسطنطینک وفاتی اوزرینه قوجه سی
 ایکنجی رومنه بیزانس تختنه جلوس ایتمشدی . او
 زمان ته ئوفانو اون سکز ، ایمپراطور یکرمی بر
 یاشلرنده ایدی .

ته ئوفانو

بیزانس ایمپراطور یچہ لری آراسندہ ته ئوفانو دہ ته ئودورا
درجہ مندہ شهرت قازانمشدی . ته ئوفانو ، فوق الطبیعہ
کوزللیکی ایله اوچ ایمپراطورک قلبنی تسخیر ایتمش ،
یاشادیغنی فحش آلود حیات ایله ته ئودورایہ جدأ رقابت
ایله مشدی .

ته ئوفانو ، یدنجی قسطنطینک اوغلی ، کنج رومنه
ازدواج ایتمشدی (۹۵۶) . غایت اسکی واصل بر
فاملیایہ منسوب اولدیغنی جہتله ایمپراطور ایله زوجہ سی
اوغلارینه بویله مستثنی بر قادین بولدق لری ایچون پک
زیاده ممنون اولمشلاردی . فقط بیزانس مؤرخلرینک
روایتہ کوره ته ئوفانو بر میخانہ جی قیزی ایدی . اصل
اسمی آناسطازو اولدیغنی خالدہ ازدواجندن صوکرادہا
طنان بر اسمله ، ته ئوفانو تسمیہ ایدلمشدی . ته ئوفانو
خارق العادہ جاذبہ دار ، پارلاق بر حسنہ مالکدی .
ظرافت اندامی ، طور و اداسیله بوتون قادینلره فائقدی .
ته ئوفانو بو مستثنی کوزللیکی ایله رومہ نی تسخیر
ایله مشدی . اساساً رومہ نده غایت یاقیشقلی ، ایری یاری ،

ضربه‌سی ، ته‌ئودورانك نفوذ و موجودیتنه قارشى قطعى
 وائیم برضربه یرینه قائم اولمشدى . ته‌ئودورا بوضربه‌نك
 آجیسنی تماماً حس ایتمشدى . اوكون بارداسك قانلى
 جسدی سرای قوریدورلرنده یاتارکن ، کورولتولر
 ایمپراطوریمچه‌نك اوطه‌سنة قدر چیقمايه باشلامشدى .
 ته‌ئودورا بو قانلى وقعهدن صوك درجه دلگیر اولمش ،
 قاتلرله لغتلولونفرتلر یاغدیرمش ، بوحرکتی ايله قاردشى
 بارداسك عداوتی جلب ايله‌مشدى . آرتق ته‌ئودوراده
 یالکز براقلمش ، قیزلری بربررمناسترلره قاپادلمشدى .
 نهایت صره‌کندیسنه کلش ، ته‌ئودورا بیهوده مقاومتلره
 حکومتی ضعفه دوشورمك ارزو ایتدیکندن سلطنتی
 ائناسنده تصرف ایتدیکی پاره‌لری سناتویه تسلیم ایدرك
 (غاستریا) مناسترنده کوشه‌کزین عزلت اولمشدى .

ته‌ئودورا، مناسترده‌قیزلریله برابر دیندارانه برحیات
 امرار ایتمشدى . قاردشنة قارشى قلبنده برکین
 یسله‌دیکی جهتله بارداسی اولدیرتمك ایچون سرای ارکانی
 ايله اتفاق ایتمش ، فقط بوتشبنده موفق اولامامشدى .
 اوزمان ته‌ئودورانك بوتون اموالی مصادره ایدلمش ،
 دیندارته‌ئودورا، مناسترك مظلم اوطه‌لرنده ، کین واحتراس
 ایچنده ترك حیات ايله‌مشدى ...



قیافته سوقق ، کریه و منافی آداب الہیلر او قویارق
سوقاق سوقاق طولاشمق ، حضرت عیسانک تقلیدی
یایمقدی . بعضاً سالونه بطریق قیافتده آدملا و طور تور ،
آنه سی ته ئودورای قاندریوب سالونه کوندریر ، بطریق
الہیسی آلتدن سرای مسخر دلرندن بری اورتایه
حقیقجه قهقهه سندن باییلردی .

ایمپراطوریچه نك قاردشی بارداس ، یکتنك بو
ضعفلرینی بیلدیکی جهتله ، کندی عفو ایتدیرمه موفق
اولور اولماز ، کنج ایمپراطورک حالت فکریه سندن
استفاده ایتش ، آنی دائماً خصمی ته ئوقیتسطوس علینه
تشویق ایله مشدی . نهایت ته ئوقیتسطوسک سرایدن
تبعیدینه قرار ویرلمشدی . برکون ناظر ، ته ئودورانک
یانه چیقارکن سرایده توقیف ایدلمش ، ته ئودورا
وقعه دن خبردار اولور اولماز ، صاحلی پریشان
سالوندن طیشاری اوغرامش ، ایمپراطوریچه نك بو حالی
ناظرک بوسبوتون فلا کته سبب اولمشدی . آرتق
سرای خلقی ته ئوقیتسطوسی صاغ براقدقلری تقدیرده
ایمپراطوریچه نك اونی تکرار مقامنه اصعاد ایده جکنه
قائل اولمشلر ، ناظرک وجودینی بسبتون اورتادن
قالدیرمایه قرار ویرمشلردی .

ته ئوقیتسطوسک صوک دفعه اوله رق بیدیکی قیلیج

ارزولرینی یرینه کتیرمک ایچون بوذاتی آلدہ ایتمش ،
 قیزلرندن برینی کندیسنه تزویج ارزوسنده بیله
 بولونمشدی . ته ئوقیتسطوس بوفرستدن بالاستفاده
 رقیبلرینی برطرف ایتمکی تصور ایله مشدی . ایمپراطوریمچه نك
 قاردش لرندن په تروناس ایله بارداسی سرایدن
 اوزاقلاشدیرمق ایسته مش ، فقط کنج ایمپراطوردن ،
 اوچنجی میخائیلدن کوره جکی معاملہ یی بر درلو
 دوشونه مه مشدی . بو هنکامده ، ایمپراطور میخائل بویومکه
 باشلامشدی . ته ئودورا ایله ناظری ، کنج ایمپراطورک
 تحصیلنه صولک درجه اعتنا ایتدکلری حالدہ هیچ بر نتیجه
 آلدہ ایتمکه موفق اولامامشلردی . ایمپراطورک اک زیاده
 مراق ایتدیکی شی ، آوه کیتمک ، آته بینمک ، یاریش یاپمق ،
 تیاترولرده و کورشلرده بولونمقدی . حیات خصوصیه سی
 ایسه بوسبوتون ملوئدی . بوتون کیجه لری سفاهت
 عالمرنده کچیرر ، عیش و عشرتله مشغول اولوردی .
 ته ئودورا ایله ناظری ، ایمپراطورک بو حالنه واقف اولدکلری
 ایچون کندیسینی اولندیرمک ایسته مشلر ، اودوقسیا
 اسمنده بر قیز آلمشلردی . فقط ایمپراطور بر هفته ایچنده
 زوجه سندن اوصاتمیش ، اسکی دلیلک لرینه تکرار دوامه
 باشلامشدی . میخائل ، سرایده غایت سفیهانه بر حیات
 امرار ایدیوردی . یکانه اکلنجه سی دوستلرینی پستقوس

دوشونمىشدى . فقط بطريق مه طودىوس ، كلىسانك
 آنجق بر حیات كىمسه لرى عفو ایده بيله جكنى ، كناه
 اچنده وفات ایدنلرى عفو ایتك حقنى حائر اولمديغنى
 بیان ایدنجه ، ته ئودورا بريالان اويدورمش ، ايمپراطورك
 صوك دملرنده استغفار ايتديكنى سويله مش ، بوصورته
 قوجه سنى ده عفو ايتديرمكه موفق اولمشدى . ته ئودورا ،
 حقيقى بر اورتودوقس ايدى . عزم و متأتى ، تدابير
 سياسيه سييله شهرت بولمشدى . حتى بولغارلرك براستىلاسى
 هنگامنده بولغار قرالنه خبر كوندرك : « برقادينه غلبه
 ايدرسهك بو غلبه نك هيچ بر قيمتى اولماز . فقط شايد
 مغلوب اولورسهك ، اوزمان عالمه رذيل اولورسك ! »
 ديمشدى . ته ئودورا اون درت سنه مدت حكومتى
 حسن صورته اداره ايتمشدى . دينى منازعه لر اورتادن
 قالقمش ، حزرلرله بولغارلره اينجىلى تعميم ايله مش ،
 عربلره قارشى سوركلى موفقيتلىر استحصال ايتمشدى .
 ته ئودورا ، غايت مقتصد ايدى . حكومتك احوال
 اقتصاديه سنى حمايه ايلديكى كى بالذات تجارتلده
 مشغول اولوردى .



ته ئودورانك زماننده حكومتك اك صاحب نفوذ
 آدمى ، سراى ناظرى ته ئوقتيستوس ايدى . ته ئودورا

محتشم بر آلايله آياصوفيه کليسا سانه کلمشى . او آقشام
(مقدس سراي) ده راهب لره مکلف بر ضيافت کشيده
ايدلمشى . بوتاريخدن اعتباراً کليسا منازعه لری اورتادن
قالقمش ، کليسانک استقلالى فکر لری زائل اولمش ،
کليسا حکومته مطيع ، ایمپراطورک نفوذ روحانی سانه
تابع بر حالده قالمشى .

بیزانس سراینده اعزه تصاویرینه حرمت باقى اولدیغی ،
کبی بوتون ایمپراطورلقدده عین تمایل موجوددی .
أفروزی ، مناسترکوشه لرنده ته ئودورا کبی عین حسیاتی
پرورده ایتمکده ایدی . حتی کنديسنى زیارت ایتمک
ایچون ایمپراطورک قیزلری کوندرلیدی زمان أفروزی
اونلره دائم المقدس تصویرلردن بحث ایدردی . ایمپراطور
اکثریا بونلری صیقیشدیرر ، آغز لرندن سوز آلمق
ایستردی . نهایت برکون موفق اولمش ، ایچلرندن
اک کوچوکى مناسترلرده کنديلرینه جیجی هدیه لر
ویرلیدیکی ، یمشایریدرلیدیکی ، حتی آنه سنک ایچی
بیکرله طولو بویوک برچکمه سی بولوندیغی ، اکثریا
همشیره لریله برابر بو بیکلری اوپدیکیکی ، آنلرده
اوپدیردیکیکی حکایه ایتمشى .

ته ئودورا ، کليسا اوزرنده بوصورتله نفوذ قازانقدن
صوکر قوجه سنک ده کناهلرینی عفو ایتدیرمه یی

اوغلنه وصایت ایتیش ، اسکی دورک بوتون رجانی ،
بالخاصه سرای ناظری ته ئوقیتیسطوسی مقامنده ابقا
ایله مشدی .

ته ئودورا، تصاویر اعزّه طرفداری اولدینی کبی، ناظری ده
عین حسیاته مالکدی . بوسبیدن ایکسی ده اورتودوقسلنی،
تصاویر اعزّه عبادتی احیایه تشبث ایتیشلردی .
ته ئودورانک زوجنه صولک درجه محبتی واردی . خاطره سنه
پک زیاده حرمت ایدر ، وصیتلرینی دایما یرینه کتیرمک
ارزو ایلردی . تصاویر اعزّه عبادتی احیا تصورنده
بولوندینی حالده تردد ینه کندینی قورتاراماشدی .
فقط ناظرلری احوالک مهالکنی آکلاتمشلر، رأیلرینه
اشتراک ایتدیکی تقدیرده داخلی براختلال چیقابیله جکنی،
بو اختلال نتیجه سنده اوغلنک تخت اقبالی پریشان
اولاجغنی سویله مشلردی . ته ئودورابوفلاکت قارشیسنده
هر شئی اونو تمش ، اعزّه تصویرلرینه عبادتی احیایه
قرار ویرمشدی . بوقراری متعاقب اتخاذاولونان تدبیرلر
شایان عبرت ایدی : اعزّه تصاویرینه عبادت یوزندن
حبس اولانلره مظلوم نظریله باقیلیور ، منفیلر کرییه
چاغریلیور ، کلیسالرده آیینلر اجرا اولونیوردی .
ایمپراطور یچه بوتون کیجه (ولا کرنا) کلیساسنده عبادت
ایتیش ، ایرتسی صباح پسقپوسلر و کشیشلردن مرکب

قیزلرله برابر آینه یه باقیوردم . یوزلری آینه یه عکس
ایتمشدی . جوجه او طه یه کیردی . بونلری رسم ظن
ایتمش ، کلش ، سزه یتیشدیرمش ! « دیر . ته ئوفیلوس
براز سکونت بولور ، ایشی آکلامازلغه کلیر ، حادثه ده
بو صورتله بر طرف اولور . مع مافیه ته بودورا بر کون
جوجه نی یاقالار ، تمیز بر قیر باج آتار ، بردها حرمه آیق
باصمامسنی تنیه ایدرک حرصنی تسکینه موفق اولور .
بو وقعه اوزرینه ته ئوفیلوسک جانی صیقلمش ،
بوندن بویله قیزلرینک مناستره کوندرلمسنی تنیه ایه مشدی .
ایمپراطورک شو صورتله حرکت ایتمه سندن هیچ بر تأثیر
حاصل اولمایه جنی طبعی ایدی . چونکه اطرافنده کیلر ،
ناظرلر ، مشاورلر ، هپ اعزه تصاویرینه عبادت
ایدیورلر ، بو حسلرینی صوکه درجه کیزلی طوتیورلردی .
بونو ایمپراطورده آکلامشدی . حتی اولوم دوشکنده
یاتارکن ، زوجه سنی و سرای ناظرینی چاغیرمش ، تعقیب
ایتدیکی سیاستی وفاتندن صوکره دیکشدریمیه جکلرینه
دائر کندیلرینه پارلاق بریمین ایتدیرمشدی .



ته ئوفیلوسک خلفی اوچنچی میخائل ، هنوز درت
یاشنده بر صبی ایدی . بوسبیدن ته ئودوراده ، ایردن کبی ،

غیر تکریدن هیچ بر ثمره حاصل اولمامشدی . ته ئوفیلوس
 پک سرت ایدی . بر کره کوزلرینی قاپایوب ده باغیرمایه
 باشلادیمی ، ایمپراطوریچه قطعاً اصرار ایده من ، حتی
 کندی بیله ایمپراطوره قارشى حسیات دینه سنی صاقلامایه
 مجبور اولوردی . اکثریا ، اوزرنده طاشیدینی اعزه
 رسملرینی کمال دقتله صاقلار ، صندوقلرده حفظ ایدر ،
 بویوزدن ایمپراطورله طاریلدقلى ده واقع اولوردی .
 برکون ایمپراطورک مسخره لرندن بر جوجه ، ایمپراطوریچه
 اعزه یه عبادت ایتدیکی صره ده آنسزین اوزرینه کلیر .
 جوجه ، طبعاً غایت مراقلى اولدیغی ایچون ایمپراطوریچه
 بور رسملره نیچون بویله دقتله باقدیغنی سؤال ایدر .
 ته ئودورا ایشی بلای ائمه مک ایچون : « بونلر بنم بیکلرم .
 چوق کوزل شیلرده اونک ایچون پک زیاده سویورم ! »
 دیر . جوجه دقیقه فوت ایتمز ، وقعهی درحال ایمپراطوره
 آکلایر ، ایمپراطوریچه نک یاصدیغنی آلتنده بیکلر
 بولوندیغنی سویلر . ته ئوفیل ایشی آکلار . امرلرینه
 سراینده بیله اطاعت ایدلمدیکنه فوق العاده جانی صیقیلیر .
 درحال حرمه کیدر . زوجه سیله شدتلی بر غوغا ائتمکه
 باشلار . فقط ته ئودورا قادیغنی اثبات ایدر ، بو
 ایشیدن ده صیریلغه موفق اولور : « امین اولکیز ،
 بونلر قطعاً خاطریکزه کلن شیلر دکل . یانمده کی

په‌تروناس ایله برداسه رتبه‌لر ویرنش ، اکلنجه‌لر
ترتیب ایدلمشدی .



یکی واسیلیسا، ته‌ئودورا، آناطولیده، (پافلاگونیا) ده
طوغمشدی . عائله‌سی نایت دیندار ایدی . او دورده
اعزه تصاویرینه عبادت پک زیاده انتشار ایتمشدی .
ته‌ئودورانک اقباسی تصاویره حرمت ورعایتده پک
زیاده ایلری کیدنلردن ایدی . ته‌ئودورا بویاه بر محیط
ایچنده یاشادینی جهته، تصاویره صوگ درجه حرمت
ایدردی . ته‌ئودورا ایله زوجی بیننده یکانه اختلافی ،
ایشته بونقطه تولید ایله‌مشدی . فی‌الحقیقه بیزانسه
تصاویر اعزه مجادله‌لری اپی زماندن ، یکریمی سندن بری
باشلامشدی . حتی بومسئله سیاسی بر شکل آلمش ، کلیسا
ایشلرینه مداخله حقنی طلب ایدن حکومتله ، حریتته
حکومتی مداخله ایتدیرمک ایسته‌مه‌ین کلیسا بیننده دهشتلی
براختلاف قاپوسی آچمشدی . میخائل ، تصاویر اعزه
طرفداری خصم‌لرینی بلاترحم محو ایتمشدی . یکی
ایمپراطور ، ته‌ئوفیلوس ، غایت ذکی ، عزم قوی صاحبی
بر ذات اولدینی جهته اوده باباسنک اثرینه اقتفایله‌مشدی .
بوسبیدن ته‌ئودورانک ، طرفدارلرینی التزام خصوصنده کی

دوام ایدن عادتلرینہ تبعاً، ہر طرفہ، بوتون ولایتلرہ مأمورلر کوندرلمش، ایمپراطورلغک اک دلبر، اک حسنا قیزلرینک پاختہ کتیرلمشی امرایدلمشدی. بو قیزلر کاملاً قسطنطنینہ یہ کتیریلہ جک، کنج ایمپراطور ایچلرندن برینی زوجہ لکہ انتخاب ایدہ جکدی. فی الحقیقہ ایمپراطورلقده کی اک کوزل قیزلر کتیرلمش، ایمپراطور بونلری بویوک برہیجان ایلہ تماشا ایتمکہ باشلامشدی. نہایت ایچلرندن قازییا اسمندہ برقادین نظر دقتی جلب ایلہ مشدی. تہ ئوفیل، کنج قادینک یاننہ کلش، ہیجانندن نہ سویلیہ جکنی شایرمش، اک صوکنده بر سوز اولمق ایچون: « بزه بوتون فناقلر قادین یوزندن کلیر! » دیمش، قازییا صوک درجہ حاضر جواب اولدینی جہتلہ: « اوت، فقط بوتون ایسلکلرده قادین یوزندن اولور! » طرزندہ مقابلہ ایتمشدی. ایمپراطور، کنج قادینک جوابندن متأثر اولہرق انتخابدن صرف نظر ایتمش، تہ ئودورا اسمندہ کنج وکوزل بر قیزی انتخاب ایلہ مشدی. ایمپراطورک بواختابی قازیاییک متأثر ایتمشدی. قازییا، مناستر کوشہلرینہ چکیلہرک حیاتی دینی شعرلر انشادیلہ یکیرمش، رقیبہ سی تہ ئودورانکده (دافنہ) سراینده، (سنت ائیہن) کلیسا سنده رسم تتوجی اجرا ایدلمش، آلایلر یاپیسلمش، ایمپراطور یچہنک ایکی قاردشی،

دیندار ته ئودورا

ییزانس ایمپراطوری ایکنجی میخائل وفات ایتدیکی
زمان (۱۸۹۲)، زوجہ سی آفروزینی اوغلی ته ئو فیلوسه
وصایت ایتک مجبوریتمده بولونمشدی . آفروزینی، غایت
دیندار ایدی . بویوک آنه سی ایره نك امریله باباسنك
کوزلری اویولمش ، کندیسى ایردن دورینی املا ایدن
فاجعه لردن تنفر ایدرك عالم ازوای ترجیح ایله مشدی .
آفروزینی، بویوک آطه مناسترلردن برینه چکلمش، حیاتی
دیندارانه بر سکون ایچنده کچیرمکه باشلامشدی . فقط
بو ائنده ایکنجی میخائل کندیسنه دلداده اولماسی ،
دلبر آفروزینینك مناستر کوشه لرینی تحت سالونلرینه
تحویل ایتمه سنه مجبوریتمده حاصل ایله مشدی . آفروزینی
بو محترم حیاتی پک آز بر زمان یاشامش ، قوجه سنك
وفاتی اوزرینه تکرار کوشه عزله چکیلیمشدی .

آفروزینی، مقصدینی تأمین ایچون کنج ایمپراطوری ،
اوکی اوغلانی اولندیرمك آرزو ایتمشدی . ایمپراطوری
اولندیرمك ایچون هر طرفده . بویوک بر فعالیت حکم
فرما اولمغه باشلامشدی . ییزانس سرائینك عصرلردن بری

سراینده او طور تو لماسنی رجا ایله مشدی . نیکه فوروس ، ایرەنە احترامده قصور ایتمه مش ، کندیسنه بر چوق وعدلرده بولونمشدی . فقط آز بر زمان صو کرا وعدلرینی اونو تارق اختیار ایمپراطور یچه یی قسطنطینیە دن اوزاقلرە ، بویوک آطه نک یشیل چاملقلری آلتندە ، مرمرە نک مائی طالعه لرینه ناظر مناستره کوندرمشدی . صو کرا ، بونکله ده قناعت ایتمه مش ، ایرەنک حیلە سندن و دسیسندن اندیشه ناک اولارق کندیسنی مدلی یه نفی ایتدیرمشدی . ایرەن بوراده ، هر شیدن ، حرص اقبالدن ، تحت سلطنتدن محروم ، ایشله دیکی جنایتلرک خاطرە سیله دمکدار اولمشدی . وفاتندە ، جسدی اولا بویوک آطه مناسترینه ، صو کرا قسطنطینیە ده (سنت آپوטר) کلیسانه نقل ایدلمشدی .

ایرەن ، سیاسی ، حریص ، دیندار و حیلە کار بر ایمپراطور یچه ایدی . اداره حکومت خصوصندە استحصال ایله دیکی نتایجله اجرا ایله دیکی جنایتلری اصلا تلافی ایدە مه مشدی ...



مقدس سرایک قاپیلرینه طایانمشلر ؛ جبر ایله ، تهدید ایله نیکه فوروسک ایمپراطورلغنی اعلان ایتدیرمشلردی . صوکر ا اختیار ایره نی صیفیه سنده یا قالا یارق قسطنطنیه یه ، مقدس سرایه کتیرمشلر ، او صباح آیا صوفیه کلیسا سنده یکی ایمپراطورک تتوج مراسمنی اجرا ایتدیرمشلردی . فقط بو حرکتلریله ایره نك نفوذینی قیرمایه موفق اولامامشلردی . هر کس یکی ایمپراطوری تلغین ایتمش ، کچن دوری کمال تحسیرله یاد ایتمکه باشلامشدی . بیزانس خلقی بو غیر مأمول تبدله بر درلو اینامامشدی . همان هر کس بو مدهش تحولاتی بر رؤیا ، بر خیال کاذب عدا ایتمشدی .

ایره ن ، بو سفرده بویوک برضعف ، فقط دینی بر ضعف کوسترمشدی . رسم تتوجک ایرتسی صباحی نیکه فوروس یا لاندن کوزلری یا شارمش بر حالده قارشیسنه چیقدینی ، حرکتدن کندینی معذور کوسترمه یه چابالادینی زمان ، ایره ن هیچ شکایت و اعتراض ایتمه دن مقدرات آلهیه راضی اولمش ، نیکه فوروسک تقدیر آلهی ایله انتخاب اولوندیغنه اعتقاد ایدره رک تختنی ، سلطنتنی ، حرصنی ، حاکمیتنی ترک ایله مشدی . حتی نیکه فوروسک طلبی اوزرینه ثروت و خزائنای ده تسلیم ایتمش ، یا لکیز کندیسک صیفیه سنده ، (نه له و ته ریون)

خسته و اختیار بولونماسی بو املی بر درجه‌یه قدر تقویه ایدیوردی . فقط ایره‌ن ، قانله ، جنایتله آلدله ایتدیکی تحت اقبالی صوڪ راده‌یه قدر محافظه‌ده ثبات ایله یوردی . سرای بو تحت و سلطنت احتراصلریله آلت اوست اولیوردی . ستاورا کیوس ، آئه تیوسی محو ایتمک ایچون اسرارینی افشا ایدیور، عینی سلاحی آئه تیوس‌ده رقیبینه قارشی استعمال ایله یوردی . او زمان ایره‌ن ، بو ایکی حریص ناظر آراسنده متردد، ضعیف و ناتوان آلرلیه تحت حاکمیته صاریلش، نه یاپاجغنی بیلمه یوردی . ایره‌ن ، بو صیراده شارلمان ایله مذاکره ایدهرک ایکی ایمپراطورانی برلشدیرمک عزمنه دوشمش ، فقط او اثناده ستاورا کیوسک وفاقی آئه تیوسک تزید نفوذ ایتمه‌سنه ، ایره‌نک بوتون تشبثلرینک عقیم قالاسنه سبب اولمشدی . بو آراق ناظرلردن نیکه فوروس‌ده خلقلک خشنودسزلغندن استفاده ایدهرک تصاویر اعزده دشمنلریله برلشمش ، اختیار ایرندن انتقام آلمق ایچون قوتلی بر فرقه تشکیل ایله مشدی .

قسطنطینیته‌ده بو عصیانلر حاضرلاندیغنی هنگامده، ایره‌ن صیفیه‌سنده بولونیوردی . قیام ایدنلر آراسنده اعزده تصاویرینه دشمن ضابطلر، ندیملر، ملکی مأمورلرده واردی . بوتون بو قافله ، کیجه ساعت اونه طوغرو

ألبسه سیله خلقه آلتونلر صاچارق کندیسنک آرتق ذروء
اقبال وعظمته صعود ایله دیکنی کوسترمشدی . عینی
زمانده حاکمیتنی تقویه دن ده خالی قالماش ، قوجاسنک
قاردش لرنده اوافق بر علامت عصیان حس ایدر ایتمز
جمله سنی دها اوزاقلره ، آتیه نفی ایتمشدی . کذا
کلیسای صوڪ درجه حمایه ایتمش ، کشیش طاعنده کی
(صاققودیون) مناستری ایله پایتخته کی (سطودیون)
مناستری ایردن زماننده اک پارلاق بر دورده واصل
اولمشدی . ایردن بونکله ده اکتفا ایتمه یوردی : ویرکیلری
آزالتیور ، لهجه یی اصلاح ایدیور ، کمرک رسملری
تزیل ایله یوردی . قسطنطنیه اهالیسی ، بو اجرا آتدن
منون ومسرور ، ایمپراطوریمچه یی کال صمیمتله
آلقیشلا یوردی .

فقط اختیار ایمپراطوریمچه نك اطرافنده ینه آلتدن
آله عصیانلر وحیله لر حاضر لایمايه باشلامشدی . ایردن
زفات ایده جك اولورسه تخت سلطنت منحل قالاجقدی .
قسطنطینك ایلك ازدواجندن ایکی قیزی واردی ؛
ایکنجی ازدواجندن اولانلر ایسه ولد غیر مشروع
تلقی ایدیلیوردی . بو سببدن ، حکومتی اداره ایدن
ایکی ناظر ، ستاوراکیوس ایله آئه تیوس ، بیزانس
تخته کندی اقرباسنی کچیرمک ایسته یورلردی . ایردنك

دوکه‌م‌شدی . متعصبلر بو فلاکتی الهی بر مجازات
تلقی ایتملر ، واسیلیرسا ایره‌نی دینی همتدن طولای
تجیل و تکریم ایله‌م‌ش‌ل‌ردی . یالکز بریزانس مؤرخ،
ته‌ئوفانوس، بوجازاتک شدتی قلباً حس ایدرک‌ش‌و‌صورتله
تصویر ایله‌م‌شدی: « کونش تمام اونیدی کون ظلمت‌لر
ایچنده قالارق هیچ بر ضیا نشر ایتمه‌م‌شدی . او
درجه‌ده‌که ، کیلر روی دریاده نره‌یه کیده‌جکلرینی
شاشیرم‌ش‌ل‌ردی . هرکس کونشک ابدال ضیا ایتمه‌مه‌سنی
ایمپراطورک کوزلرینه میل چکیل‌مه‌سنه عطف ایدیوردی .
ایشته ، ایمپراطورک آنه‌سی ایره‌ن بو صورتله تخته
جالس اولم‌شدی . »



ارتق ایره‌ن مرادینه نائل اولم‌شدی . شیمدی
یالکز باشنه سلطنت سوریور ، ایسته‌دیکنی اجراده
سربست بولونیوردی . فقط بو سفرده مظفریتدن
وحا کیتدن سرمست اولمش ، ییزانس تاریخنده مثلی
سبق ایتمه‌دک احواله جرأت ایله‌م‌شدی . ایره‌ن کندیسنه
(ایمپراطور) نامنی ویردیرم‌شدی . صوگرا ، درت
بیاض آت قوشولو بر آرابا ایله (سنت آپوتر)
کلیس‌اسندن سرائنه کلش ، مجوهرلر و صیرمالرله مزین

مراجعت ایتمشدی . ایمپراطور ، مغلوب و منهزم ،
 هیودوروم دن کچدیکی صرهدده ، بوتون عسکر اطرافنی
 احاطه ایتمک ایسته مشدی . قسطنطین ، باشنه کله جک
 فلاکتی ادراک ایتدیکی ایچون درحال بر قالیغه بینهرک
 آناطولی ساحلنه فرار ایتمشدی . ایرن ، بوتشبتک
 عقیم قالدیغنی کورونجه چیلدیراجق کبی اولمشدی . او
 زمان قادینلق ضعیفی بوتون اعصابنه استیلا ایتمش ،
 اوغله یالوارمق ، کندیسنی عفوایتدیرمک ایسته مشدی .
 فقط حرص سلطنت قلبنده انظفا ناپذیر بر آتش حصوله
 کتیردیکی ایچون تأمین منفعت اوغورنده صوک غیرتی ده
 صرف ایتمک ارزوسنده ایدی . ذاتاً سرایده بر چوق
 کشیلر کندیسنه طرفداردی . ایرن ، بونلرک کندیسیله
 متفق اولدقلرینی ایمپراطوره بیلدیره جکنی سویله مش ،
 اوزمان ایردنک حریص متفقلری ایمپراطورلرینی یا قالا یه رق
 مقدس سرایه ، طوغدیغنی او طه یه قاپاتمشلر ، ایردنک
 امریله کوزلرینی اویدورمشلردی . صوکر ا زوجیه سی
 ته ئودورای ده یاننه صالیورمشلردی . قسطنطین ، سرایک
 بو محتشم و مزین او طه سنده زوجیه سی و اولادلرینی
 کورمکدن محروم ، آنه سنک احتراصاتنه قربان اوله رق
 سنه لرجه علیل و مظلم بر حیات امرار ایتمشدی . ایمپراطورک
 بوفلاکتی ایچون هیچ کیمسه بر داملا کوز یاشی

بر درجه‌یه کتیر مشدی. بوتون ره‌بان صنفی ایمپراطورک
 علیهنه قیام ایله مشدی. راهب‌لر ایمپراطوری یوزینه قارشی
 تحقیر ایدیورلر، سراینه کله‌رک تجاوزه بولونیورلردی.
 ایره‌ن، مظفریتدن امین ومفتخر، قوردیغی پلانلرک
 نتیجه‌سنی کمال سرور ایله تماشا ایدیور، فقط فرصتدن
 استفاده ایتکدن ده خالی قالمایوردی.

ایمپراطور راهب‌لری یاتیشدیرمق ایچون بروسه‌یه،
 کشیش طاغی مناسترینه کتیدیکی صروده، ایره‌ن ده پلانلرینی
 حاضرلامقدن کیری طورمامشدی. ایمپراطور یچه
 ته‌ئودورا حاملدی. حملنی وضع ایتک ایچون مقدس
 سرایه کلشدی. قسطنطین، چوجغناک طوغدیغنی خبر
 آلیر آماز قسطنطنیه‌یه دونمش، آرتق ایره‌ن مانوره‌لرنده
 کاملاً سربست قالمشدی. ایره‌ن، هدیه‌لری، وعدلری،
 حسنی، شخصی جاذبه‌لری واغفال‌لریله خاصه ضابطانک
 اک ایلری کلنلرینی الده ایتمشدی. ایردنک مقصدی قانلی
 برضربه حکومت یایمق، کندیسینک یالکیز باشنه سلطنت
 سورمه‌سنی تأمین ایله مکدی.

فقط یالکیز مهم برنقطه واردی؛ اوده ایمپراطورک
 نفوذ عسکرینی قیرمقدی، ایره‌ن اوسنه قسطنطینک
 عرب‌لره قارشی سفر اجرا ایتسندن استفاده ایله مش،
 سفرده موفقیتسزلک تولیدی ایچون الدن کلن دسائسه

دیلمی کسدرتمش ، بوصورتله خلقی اوغلی قسطنطیندن
نقرت ایتدیرمشدی . فقط ایردن بونکله ده قناعت
ایتمه‌مشدی . قسطنطین، زوجه‌سنی هیچ سومز ، دائماً
مترس‌لرله یاشاردی . ایره‌نک سرایه عودتندن صوکر
معیت قیزلرنندن ته‌ئودورا اسمنده برقیزه دلداده اولمشدی .
ایردن اوغانی تشویق ایدرک زوجه‌سندن آییرتمش ،
پایتخته رذالت چیقارتمش ، اوغلنک نفوذینی بوسبوتون
قیرمق ایچون بو قیزله ازدواجنه یاردیم ایتمشدی . ایره‌نک
بو یولانلری اجرا ایتدکن صوکر امید ایتدیکی نتیجه
تماماً حاصل اولمشدی . قسطنطینک ازدواجی بوتون
رهبان هیئتنی آیاقلاندیرمشدی . بو عصیان‌ی برطرفدن
ایردن ده تشویق ایتمکن خالی قالمامشدی . قسطنطین
کمال سکونت واعتدال ایله عصیان‌ی باصدیرمایه چالیشمش ،
زناکت و حسن معامله ایله راهب‌لری تسکینه غیرت
ایله‌مشدی . فقط تشبثلرندن هیچ بر ثمره حاصل
اولمامشدی . اودرجه‌ده که ، راهب‌لردن بری فوق‌العاده
اصرار ایدرک : « بواغورده ایجاب ایدرسه ، قنمزی
دو کمه‌یه حاضر ز ! » دییه باغیرمشدی . امپراطور بو
اصراره قارشى تحمل ایدمه‌میش ، رهبان صنفی علیمنده
جبر استعمالنه قالمیشمش ، حبسلر ، قیالر ، طایاقلر
بربرینی ولی ایتمشدی . بوشدت ، احوالی دها وخیم

بونك ايچون بويوك بر احتياط وغيرته احتياج مس
ايد يوردى . ايمپراطور قسطنطين ، جسور ، عزم قوى
صاحبى ، مقتدر بر ايمپراطوردى . عمومك محبتنى جلب
ايله ديكي كې كليسانك ده حرمتنى اكتسابه موفق
اولمشدى .

واقعا ايمپراطور كسفاهتندن ، ذوق وصفايه ابتلا سندن
بحث ايد يوردى . فقط بو ، صرف دشمنلرينك اسناد اتندن
عبارتدى . ايره‌ن ، اوغلنى هر كسك كوزندن دوشورمك
ايچون ، اول قسطنطينى مدافعه ايدرك تخته چي قماشنه
سبب اولان آناتولى قوماندانى ايله بوزوشدير مق ايچون
اوغلنى قيشقيرتمغه ، ثانياً جنرالى حبس ايتديرمكه ، حتى
كوزلرني اويدورتمايه موفق اولمشدى . ايره‌ن بو صورتله
حركت ايدرك سلطنته تجاوز ايدن بر آدمدن هم انتقام
آلمش ، هم ده قسطنطينك يكانه استنادگاهى اولان
ارمنستان اردوسنى عليه تشويق ايله مشدى . فى الحقيقه
اردو عصيان ايتمش ، بو عصيانى باصدير مق ايچون
واسيله وسك كيتمه سنه ، اردويه قارشى ظلملر اجرا
ايتمه سنه لزوم حاصل اولمشدى . ايره‌ن بو كاموفق اولدقدن
صوكر ، اوغلنى اهاالينك كوزندن دوشورمك ايچون
عموجه لرني عليه تشويق ايتمش ، صوكر اوغلنه نصيحت
ويره رك اك بويوكلرينك كوزيني اويديرمش ، دردينك

اوزمان ایرہنک بوتون دوستلری حقارت آلتندہ ازیلمش لردی .
 ناظر ستاورا کیوس ، صاحبلری کسیلہ رک ارمنستانہ نفی
 ایدلمش ، کندی دہ (تہلہ وتہ رییون) سراینہ چکلمکہ
 مجبور اولمش ، نفرت ایتدیکی آدملرک کنج ایمپراطورک
 اطرافہ طوپلاندقلرینی کین وعداوتلہ سیرایتمکہ باشلامشدی .
 قسطنطنین ، آنہ سندن دائما فلاکت کوردیکی حالہ
 ایرہنہ قارشى هیچ برعداوت اظهارایتمہ مشدی . ایرہنک
 سقوطندن برسنہ صوکرا ، ایمپراطور آنہ سنک رجا
 وابرمانہ طایانامایہ رق کندیسنہ تکرار واسیلینسا نامنی
 ویرمش ، مقدس سرایہ کتیرتمش ، کوزدہ سی ستاورا .
 کیوسی دہ عفوایتمشدی . فقط ایرہن ، بودفعہ قلبی حرص
 انتقام ایلہ پرغلیان اولدینگی حالہ ، رأس کارہ چکمشدی .
 شمدی او ، کندیسنہ اہانت ایدنلری ظالمانہ اورمق ،
 اونلردن قانلی بر انتقام آلمق ، حریصانہ امللرینہ سد
 چکنلری برر برر تپہلہ مک ایستہ یوردی . ایرہن ،
 آرتق امللرینہ موفق اولہ جفنہ مطمئن ، برآن اول
 ارزوسنہ نائل اولمق ایچون اوغلنہ حقارتلرایدرک عمومہ
 قارشى نفوذینی قیرمایہ باشلامش ، فقط بوتشبتک بردنبرہ
 حصولہ کلہ میہ جکنی آکلاینجہ ، انتقامنی یرینہ کتیرمک
 ایچون اننازک حیلہلر ترتیبی ایلہ مشغول اولمای
 کوزہ آلدیرمشدی .

قسطنطینک بوتشبی خبر آلینیر آلیماز، ایره‌ن بوضربه‌نک
 طوغرودن طوغرویه کندی حاکمیتنه قارشی اولدیغنی
 حس ایله‌مشدی . او تارینخدن اعتباراً حرص تحکم
 قلبنده کی شفقت مادرانه‌یی اولدیرمش، اوغلنی ومتفق‌لرینی
 بی‌رحمانه ضربه‌لر آلتنده ازمشدی . او درجه‌ده‌که ،
 متفق‌لرینی محبس‌لره ، منقاره کوندرمش ، اوغلنی عاصی
 بر چوجوق کبی قیرباج آلتنده اینله‌تمش ، صوکره ،
 مظفریتدن امین ومفتخر ، فاحیلرک وکاهنرک تخت
 وساطت وعدلریله مطمئن اوله‌رق یاشامشدی . فقط
 عسکرلرینه یمین ایتدیرمه‌یی ده اونو تمایارق بوتون
 اردونک تحلیفنی اجرا ایتدیرمشدی . تحلیف شو صورتله
 اولمشدی : « سن یاشادیغک مدتجه ، اوغلکی اصلا ایمپراطور
 طانیما یا جغز ! »

ایره‌نک بو تشبثی عقیم قالمشدی . آناطولی
 عسکرلری ایمپراطور قسطنطین لهنده عصیان ایتشلردی .
 ارمنستان قول اردوسنده ظهور ایدن عصیان دیکر
 اردولرده سرایت ایتمشدی . شمدی بوتون عسکرلر
 آلتنجی قسطنطینک محبسدن چیقاریلوب ایمپراطور اعلان
 ایدلمسنی ارزو ایدیورلردی . ایره‌ن ، قادیلق ضعیفه
 بو عصیاندن قورقش ، عسکرلرک ارزوسنه تابع اولمش ،
 اوغلنی عفوه ، سلطنتدن فراغتیه راضی اولمشدی .

اولدینی صردهده، احتراصاتنه یکی بر مانع ظهور ایتمه که باشلا یوردی: آلتنجی قسطنطین آرتق بویومش، اون یدیسنه کلمشدی. شمدی، اجرای سلطتی ارزو ایدن اوغلی اید، تحکمه صوکه درجه حریص والدوسی بیتنده مجادله باشلا یه جقدی. فقط ایردن، حرصی یرینه کتیرمک، قلبندن ارزوی تحکمی حیقار مامق ایچون اوغلی ده فدا ایده بیلوردی.

قسطنطین اون یدیسنه کلدیگی حالد ایردن کندیسنه الان چوجوق معامله سی ایدی یوردی. سلطنتک ایلاک زمانلرنده اوغله شارمانک قیزی آلمق ایسته مش، فقط شارمانک دامادینه ظهیر اوله رق سلطنته ضربه اورماسندن اندیشه ناک اولدینی ایچون بواز دو اجدن واز چکمشدی. صوکر اوغله باشقه برینی، قسطمونیده طوغمش، ماری اسمنده بر ارمی قیزی انتخاب ایتش، اوغلی زورله اولندیرمکه موفق اولمشدی. ایردن اوغله بو درجه تحکم کوستردیکی کبی، کندیسنی هیچ برایشه قاریشیر مامایه ده صوکه درجه اعتنا ایدر، ایمپراطوری دوستدن، نفوذدن محروم بر حالد سراینه قاپاردی. ناظری ستاورا کیوس، ایستدیگی کبی، مغرورانه، ابلهانه اداره حکومت ایدردی. نهایت قسطنطین بو تحکمه مقاومت ایده مه مش، آنه سنه قارش عسیان ایتمشدی.

وارسه جمله‌سنه مراجعت ایتمشلردی. اوزمان، پایتختده بولونان عسکرلره دائماً رقابت کوزیله باقان آناطولی عسکری پاره ایله اُلده ایدلمشدی. عربلره قارشی سفر اعلان ایدیلهرک خاصه عسکرلری سوق اولونمش، یرلرینه صداقتلرینه شبهه ایدیله‌ین عسکرلر کتیرلمشدی. صوکره، حدوده سوق اولونان عسکرلری زبون براقق ایچون ماللری مصادره اولونمشدی. ایره‌ن بوصورتله تشبثاتنک اساسلرینی تقویه ایتدکن صوکره ازنیکده بر مجلس روحانی عقد ایتدیرمش (۷۸۷)، ۷۵۳ ده تصاویر اعزه‌ علینده ویریلن مقرراتی فسخ ایتدیره‌رک تصاویر اعزه‌یه عبادتی تأسیسه‌موفق اولمشدی. صوکره، مجلسک قسطنطنینه‌ده (ماغناورا) سراینده وقوع بولان صوکره‌ انقصادنده، ایره‌ن اک زیاده سودیکی اعتقاداتی تأسیسدن متولد بر سرورایله کلیسامقرراتی امضالامشدی. ایره‌ن، آرتق پک ممنوندی. کلیساییده، احتراصات دینه‌سنیده تماماً ممنون ایتمشدی. احتراصاتنه مانع هر نه موجود ایسه آیقلری آلتنده قیرمش، تشبثاتندن ممنون ومظفر چیقمشدی. هرکس ایره‌نی مظفر بر واسیلایسا کبی سلاملایور، (حضرت یسوعک استنادی) صفتیله تجیله مسارعت کوستیریوردی.

ایره‌ن تصاویر اعزه طرفدارلرینه قارشی مظفر

احراز ایدرک بطریقاً مقامه صعود ایله مشدی .
ایردن ، بو قیمتدار متفق ایله آرتق آلتدن آله
حرکت ایده بیلیدی . حتی مضفریته شمیدین اعتماد
کوستریله رک ایمپراطورلغک بوتون پاپاسلری قسطنطنیه یه
دعوت ایدلمش ، بشنچی قسطنطنیک خاطر دهنه حرمت
ایدن برصنف رهبانک مخالفت جهتنی التزام ایده جکلری
خاطره کتیرمه مشدی . فقط مجلس - فاتح جوارنده -
سنت آپوتر کلیسا سنده انعقاد ایدرایتمز ، یاپیلان خطانک
فرقه واریلشدی . ایردن ، اوغلی ایله برابر بو مجلسده
حاضر بولوندینی صروده دعالر اوقونمایه باشلامش ،
بو ائئاده عسکرلرک مسلح بر حالد کلیسایه هجومی
ایشه باشقه بررنک ویرمشدی . ایردن ، قارغشه لغی
تسکینه صوک درجه همت ایتمشدی . فقط بو همتدن
هیچ نتیجه حاصل اولمامشدی . تصاویر اعزیه طرفداری
راهبره حقارتلر ایدلمش ، جمله سی کلیسادن چیقارلمش ،
اعزیه تصاویرینه دشمن اولانلر غالبیت آوازده لریله نشئه
وموفقیتلرینی ابرازدن کری طور مامشلردی .

ایردن بو تشبهنده پک عجله ایتمشدی . فقط صوکره ،
دها عاقلانه ، دها مدبرانه حرکت ایتکی دوشونمشدی .
واسیایسا ایله برابر ناظری ، مقصدلرینه موفق اولمق ،
تصاویر اعزیه ی احیا ایتک ایچون نه قدر حیل و دسیسه

دیندارلر گروهی ، ایمپراطور یچه لرینک بو دینی
مسامحه لرندن پرشوق و سرور ، ایره‌نک سلطنتی غیر
مأمول بر معجزه کی بحیل ایدیورلردی .

بوانداده ایره‌ن ، ماهرانه بر دسیسه تعقیب ایدرک
بطریق‌لکی ده نفوذی آلتنه آلمایه موفق اولمشدی . بطریق
پول ، اعزه تصاویرینه قارشی ایشله‌دیکی کناهرلدن
متأذی اوله‌رق کوشه عزاتی اختیاره قرار ویرمش ،
اوزمان ایره‌ن منحل‌قالان بطریق‌لک مقامنه معتمدلرندن
برینی ، رهبان صنفی ایله هیچ مناسبتی بولونمایان سرای
کاتبلرندن طارازیوسی تعیین ایله‌مشدی . طارازیوس
غایت ماهر ، هر یوله کلیر بر ذات اولدیغی ایچون ایره‌نک
کندیسنه تحمیل ایتدیکی وظیفه‌ی شایان حیرت بر
صورته ایفا ایتمشدی . طارازیوس ، ایره‌نک آمانی
تقویه ایچون اولابوتوجیهی قبول ایتیه‌یوز کی کورونمش ،
ایمپراطور یچه‌نک اصراری اوزرینه قبول ایتمشدی .
عینی زمانده خلقه‌ده بو تعینی مصیب کوسترمک ایچون
کلیسانک اَلم برحاله اولدیغی ، شرق و غرب کلیسالی
بیننده کی اختلافک پک زیاده کسب شدت ایلدیکنی ،
۷۵۳ ده تصاویر اعزه علیهنده عقد اولونان مجلس
روحانینک کأن لم یکن حکمنده بولوندیغی بیان
ایتمش ، صوکرأ مناصب روحانیه‌نک کافه‌سنی بردن

صلحیه بی مذاکره ایتمش ، اسلاولر عصیان بی یاتیشدیر -
 مشدی . ایرهن ، یکانه استناد کاهنک نفوذ مغویسنی
 آرتدیرمق ایچون (هیودروم) ده پارلاق برظفر آلا بی
 ترتیب ایتدیرمشدی . استاورا کیوس ، ایمپراطوریمچه نك
 حمایه سنه استناد ایدرک بعض مناسبتسنر حالدرده بولونمش ،
 فقط ایرهنك نفوذیه برابر کند ی نفوذینك ده تدنی
 ویاترق ایتدیکنی کورمشدی .

ایرهن ، سرای رجانی ارزوسنه کورده کیشدیردیکی کبی
 ایمپراطورلغك عمومی سیاستنی ده تبدیل ایله مشدی . بو
 صرده شرق محاربه لری بیتمشدی . ایرهن ، شمدی غربده
 پاپالغه یاناشمشق ایسته یور ، شارلمان ایله مقاوله عقدینی تصور
 ایدیوردی . خصوصیه دینی مسائله اهالی یه قارش ی بویوک
 برمساحه ده بولونیوردی . ایرهنك بو مساحه سی پك زیاده
 نظردقتی جالبدی . آرتق دیندار کیمسه لر سر بست سر بست
 حسلرینی آکلاتیورلر ، سلامت ابدیه یه مظهر اولق
 ایسته ینلر گوشه ازوایه چکیلیورلر ، مناسترلر اسکی
 رونقلرینی اکتساب ایله یورلردی . قسطنطنیه یکیدن
 کشیشلرله طولمایه باشلامشدی . دیگر طرفدن ایرهن ،
 دور سابقك دینه قارش ی تجاوزلرینی ده برر برر تعمیر
 ایدیور ، دردنجی له ئونك آیاصوفیه دن قالدیردینی
 تاجی محتشم بر آلا یله یرینه وضع ایله یوردی . او زمان

ایشته ایره‌ن ، بوتون ذکا و مهارتی بو واسطه‌لری تدارک
 خصوصنده کو سترمشدی . ایره‌ن ، رقیب‌لرینک بر قسمی
 جبر و ظلم ایله قیرمش ، بر قسمی حلم و سکونتله بر طرف
 ایتشدی . بشنچی قسطنطینک اوغلارینی تخته اجلاس
 ایچون خفی بر جمعیت تشکیل ایدلمشدی . ایره‌ن بو
 فرصدن استفاده ایدرک قوجاسنک قاردش‌لرینی دائرة
 انقیاده دعوت ایتمش ، آياصوفیه کلیسا سنده اجرا ایدیلن
 ییل باشی مراسمنده کافه‌سنی حاضر بولونمایه اجبار
 ایله‌مشدی . دیگر طرفدن سرای رجانی‌ده برر برر
 دکیشدیرمکه باشلامشدی . ایره‌ن ، بوتون مناصبی‌کندی
 آدم‌لرینه ویریور ، قاردشی ، یکنی ، سائر اقرباسنی
 برر مهم موقعه اصعاد ایدیوردی . اختیار قسطنطینک
 جنرال‌لرینی برر برر عزل ایدیور ، رینه سرای خادم
 آغالینی ، اک شایان امنیت کوردیکی کیمسه‌لری تعیین
 ایله‌یوردی . ایره‌ن حکومتک اک مهم مواقعه‌بو کی ذواتی
 تعیین ایتمش ، ایچلرندن استاورا کیوسی ناظر انتخاب
 ایله‌مشدی .

استاورا کیوس ، ایره‌نک اک زیاده اعتماد ایتدیکی
 بر ذات اولدینی ایچون آز زمانده سرایک اک صاحب
 نفوذ رجالی میاننه داخل اولمشدی . عسکرلک و دیپلوماسیده
 مهارت کامله صاحبی اولان بو ذات ، عرب‌لرله شرائط

هیچ سس خیقارمادن متوکلا نه تسلیمیت کو سترمشدی .
ایردن ، مغلوبیت حالنده زبون ، مظفر اولدیغی زمان
ظالم ایدی .

دردنجی له ئون وفات ایتدیکی زمان ایردن بوتون
نفوذ واقتداره صاحب اولمش دیمکدی . فقط اطرافنده
مدهش رقابتلر ، ظالمانه احتراصلر حکمفرما اولیوردی .
سرایده ، قوجاسنک قاردشلی کنیسنه دائما رقابت
ایدیورلردی . بشنجی قسطنطین ، وفاتندن اول ، مشروع
حکمدار علینه قیام ایتیه جکلرینه دائر بوتون چوققلرینه
یمین ایتدیرمشدی . فقط دردنجی له ئون ایمپراطور
اولور اولماز ، هپسی ده یمینلرندن دونمشلردی . ایردن ، بو
رقابتدن پک زیاده اندیشه ناک اولیوردی . چونکه
بوتون سرای رجالی تصاویر اعززه طرفدارلرندن
مرکبدی . کلیساده بیله تصاویر اعززه طرفدارلری
بولونیوردی . ایردن ، بو هیئتله ، بو فکرده بولونان
رجال حکومتله ، بالطبع هیچ برایش یاپامازدی . کذا
اونلرده ایمپراطور یچه نک حسیاتنه اعتماد ایده میورلر ،
پایتخته یکی برار تجماع وقوعه کله جکندن قورقورلردی .
بو سببدن ایمپراطور یچه ، دیندارانه حسیاتی قوه دن فعله
کتیرمک ، احتراصاتنک بوتون خوالارینی عقیم بر اقامق
ایچون ، باشقه استنادلره ، باشقه معاونتلره محتاج بولونیوردی .

ایچون، تعقیب ایلدیکی مقصده کال عزم ایله توجه ایلش، هیچ بر مانعه اهمیت ویرمه‌مشدی. ایره‌ن، مغرور و حریص، ظالم و حدید ایدی. طبعنده شدتلی بر عناد موجود اولدینی ایچون وصولنی ارزو ایتدیکی غایه‌یه کال عزم ایله یورردی. خصوصیه دیسیسه ترتیب ایتکده مهارت کامله صاحبی ایدی. طبعاً بو اوصاف و ماهیتی حائز اولدینی کبی، ظاهر آده زینت و احتشامه میالیدی. مدبدب آلایلر، محتشم بنالر، عظمت و سلطنت، افکاری اوزرنده درین بر جاذبه تأثیری اجرا ایدردی. چونکه ایره‌ن، هر شیدن اول، بر قادیندی.

ایره‌نده بویوک بر ذکا واردی. اکثریا بوتون معاملاتنده حیه کار بر قادین شیطنتی کوستر، بعضاً قادینلق ضعفنه مجلوب اولور، بر شیئه موفق اولمادن اعلان مباهات ایدردی. ۷۹۷ ده اوغلنک سقوطنی تأمین ایدن ضربه حکومتی احضار ایلدیکی زمان، تام نتیجه قطعیه حصوله کله جکی صروده کندینی غائب ایتش، دهشتلی بر قورقویه کرفتار اولمش، بوتون آنترقه لرینک عقیم قالدیغنه ذاهب اوله رق تذلل ایتک، تصورندن واز چمک ایسته‌مشدی. ده‌ها صوکر، کندی علیهنده اتفاقلر عقد ایدیله، رک سقوطنه چالیشلدینی ائنده، ایره‌ن

هنوز کنج بریاشده بیزانس سرایلرینک متفسخ محیطه
 آتیلدینی حالدہ عفتنی دائماً محافظہ ایلہ مشدی . ایردن
 دیندار ایدی . یکانہ ارزوسی ، افکار و دماغی اوزرینہ
 اجرای تأثیر ایدن یکانہ حرصی ، سلطنت و تحکم
 ایدی . بوتمایلات اونی دائماً زبون براقشدی . ایردن
 کنج و کوزلدی ؛ فقط حاکمیت آلتندہ یاشاماق ،
 روحنی معنوی بر جاذبہ اسیر ایتہمک ایچون هیچ
 کیمسہ یی سومہ مشدی . ایردن اولاد صاحبی ایدی ؛
 لکن حرص سلطنت اونده محبت مادرانہ یی بیله محو
 ایتمشدی . ایردن ، تصور ایتدیک ی غایہ وصول ایچون
 ہر شیئی مباح کورردی . کتم حقیقت ، ظلم ، اہانت
 اونک نظرندہ اک مشروع وسائطدن معدوددی . ایردن
 بوتون قابلیت فکریہ سنی ، بوتون غرور نفسانیسنی
 یالکز بر نقطہ یی توجیہ ایتمشدی ؛ اودہ سلطنت سورمکدی .
 حتی دیندار لغنی بیله بوتمایلنہ آلت اتخاذایلہ مشدی .
 ایردن ، کندی فکرنجہ ، ارادۃ الہیہ یی یرینہ کتیرمک
 ایچون برواسطہ ایدی . دنیادہ ایفا ایدہ جکی بر وظیفہ
 وارسہ ، اودہ دینی محافظہ ایتمک ، هیچ بر کیمسہ یی اوکا
 تجاوز ایتدیرمہمک ایدی . بوسبیدن ، منافع شخصیہ
 ایلہ حب سلطنتی حسیات دینہ ایلہ مزجہ موفق اولمشدی .
 حقوقہ و وظیفہ سنہ قطعی براعتاد حاصل ایتمش اولدینی

قطعياً قبول ایله‌میه‌جک‌نه‌ دائر پارلاق برده‌ یمین‌ ایت‌شدی .
ایره‌نک‌ بوی‌مینی‌ ظاهری‌ ایدی . چونکه‌ اختیار قسطنطینک‌
وفاتیه‌ زوجی‌ دردنجی‌ له‌ئون‌ ایمپراطور اولور اولماز ،
قوجاسی‌ اوزرینه‌ اجرا ایلدیکی‌ نفوذ سایه‌سنده‌ اسکی‌
شدت‌لری‌ تخفیف‌ ایتدیرمکه‌ موفق اولمشدی . ذاتاً
سرایده‌ بر چوق‌ قادی‌نلر تصاویر اعزیه‌ کیزی‌ کیزی‌
عبادتده‌ بولونیورلردی . ایره‌ن ، آرتق‌ بونی‌ بوسبوتون
آچیغه‌ اورمشدی . بر کون‌ قوجاسی‌ ، ایره‌نک‌
اوطه‌سنده‌ اعزه‌ تصاویرینه‌ تصادف‌ ایتش ، زوجه‌س‌نک‌
بوحرکت‌دن‌ صو‌ک‌ درجه‌ متأثر اولمشدی . ایره‌ن‌ یالانلر
و تاویل‌لرله‌ ایشی‌ قایتمق‌ ایسته‌مشدی . فقط له‌ئون ،
ایره‌نک‌ یالانجی‌ ییمینلرینه‌ اصلاً قانماش ، زوجه‌س‌نه‌
قارشی‌ صوغوق‌ معامله‌ ایتمکه‌ باشلامشدی . نهایت ،
له‌ئونک‌ آنی‌ برصورتده‌ وفاقی‌ ایره‌نی‌ سربست‌ براقشدی .
بیزانس‌ تخت‌نه‌ کچه‌جک‌ ایمپراطور آلتنجی‌ قسطنطین‌ هنوز
اون‌ یاشنده‌ ایدی . ایره‌ن ، اوغلنک‌ وصیه‌سی‌ وعینی‌
زمانده‌ نائبه‌ سلطنت‌ اولدیغی‌ ایچون‌ آرتق‌ بوتون
ایمپراطورلغی‌ یالکنز باشنه‌ اداره‌ ایده‌جکدی ...



ایره‌ن ، ملاح‌ت‌ وجهیه‌ مالک ، عقیف‌ برقادیندی .

قوته قارشی اولانجه عزیمله مجادله یه باشلامشدی .
ایمپراطورک امری ایله بعضاً جبری، بعضاً قانلی اجرا آتده
بولونلش، مناسترلردن کشیشلر طرد ایدلش، حبسلرده،
منقارله کوندرلمشدی . بیزانسه همان هیچ بر کشیش
قالمامشدی . بیزانس خلقی فیکراً متعصبیدی . بوسبیدن
تصاویر اعزه مجادله سنده ایکی فرقه یه آیرلمشدی . بر
طرفی مأمورلر و کبار صنفی ایله اردو، دیگر طرفده
رهبان، عوام طاقی، اهالی وقادینلر تشکیل ایدیوردی .
خصوصیه قادینلر عبادت مراسمنک پارلاقغنه، کلیسارک
زینته مجلوب اوله رق کندیلرنجه معجزه نما، محترم عد
اولونان تصویرلردن بردرلو واز کچه میورلردی .

بوطبقه یه ایرنده داخل اولمشدی . حتی ایردن،
فضایه اوله رق آتنده، تصویرلر وهیکلله اک زیاده
پرستش ایدیلن بر شهرده دنیا یه کلشیدی . ایره نک
تصاویر اعزه یه محبتی اولدیغنه هیچ شبهه یوقدی . فقط
بیزانس سراینه داخل اولدینی زمان تصاویر اعزه
مجادله لری پک زیاده شدت کسب ایتمشدی . قسطنطین
کبی تصاویر اعزه دشمنی بر ایمپراطورک قارشیسنده
ایره نک افشای حسیات ایده میه جکی طبیعی ایدی .
بوسبیدن ایردن، دینی وحسیاتی هر کسدن صاقلامش،
حتی قان پدینک اصراری اوزرینه، تصاویر اعزه یی

بوسبوتون تبدیل ماهیت ایله مشدی . بشنچی عصرده کی
 آتنه ایله یدنجی عصرک آتنه سی بینده پک بویوک فرقلر
 حاصل اولمشدی . دور قدیم مدینتک بو محتشم پایتختی
 آرتق بردارالفنون شهری ، علوم وقنون مقری ، اسکی
 محررلرک ، مشهور حکیملرک خاطرده سیله مشبوع بر
 شهر دکلدی ؛ آتنه ، ایرەنک یاشادینی دورده ، اوافق ،
 ساکن ، دیندار بر بلده حالنه کلمشدی . آتنه نک بو
 محیطی ایرەنک افکار و دماغی اوزرنده بویوک بر تأثیر
 اجرا ایله مشدی . ایرەن ، بو تأثیرک نتایجی ییزانسی
 سنه لردن بری صارصان مهم و دینی بر مسئله نک حلنده
 کوستره جکدی .


بو دورده بتزانی تصاویر اعزیه عبادت مسئله سی
 اشغال ایدیوردی . فقط بو مسئله آرتق دینی اولمقدن
 چیقمش ، سیاسی بر شکهله کیرمشدی . ایمپراطورلر
 اعزیه تصاویرینه عبادتک کلیاً علیهنده بولونیورلردی .
 اونلرک فکر نجه ، تصاویره عبادت پتپرستلکک نوعما
 احساسی ایدی . ذهنلرینی اک زیاده مشغول ایدن نقطه ده ،
 منکک داخلنده کلیسانک فوق العاده اکتساب نفوذ ایتیش
 اولماسی ایدی . کشیشلر ، ثروتلری و نفوذلری ،
 تصاویر اعزیه طرفدارلریله بویوک بر قوت تشکیل
 ایدیورلردی . ایمپراطور قسطنطین بو روحانی

ایره‌ن

بیزانسنده تصاویر اعزه مجادله‌لری جریان ایله‌دیکی
صیراده ایدی که ، اختیار ایمپراطور بشنجی قسطنطین ،
اوغلی له‌ئونک دوکون مراسمنی اجرا ایدیوردی
(۷۶۸) . له‌ئونک کوزل ایره‌نه رسم ازدواجی پک
پارلاق اولمشدی . اوکون صباحلین ایمپراطورک شخصه
مخصوص قایقلر ، پارلاق ، ایکیلی قوماشلرله تزیین
ایدلمش ، بوغاز ایچنک آناتولی ساحلندن دلبر واسیلیسانی
آلارق بیزانسه کتیرمشدی . بر قاچ هفته صوکراده
مقدس سرایک تخت صالوننده تتوج مراسمی اجرا
اولونمشدی . قسطنطین ایله اوغلی آلتون تخت اوزرینه
اوطورمشلر ، ایره‌نک کوزل سیاسی اورتن دوواغی
قالدیرمشلر ، باشنه اماشلرله مزین تاجی قویمشلردی .
صوکر (سنت نه‌تیه‌ن) کلیساننده پارلاق بر رسم قبول
اجرا ایدلمش ، بوتون اکابر رجال ، سناتورلردن و سرای
قادینلردن مرکب محشم بر آلاویه عودت اولونمشدی .
ایره‌ن ، آتنده طوغمشدی . اوکسوز ، بیچاره
بویومش ، ملاح و طراوتی سایه‌سنده اختیار قسطنطینک
کلینی اولوق شرفه نائل اولمشدی . بو دورده آتیه

ابدی) یه نائل اولمق ایچون فلسطین راهبلیرنی تسکین
ایله مکه قرار ویرمشدی .

آته نایس بوندن صوکر ائم و کدر ایچنده امرار
حیات ایتمشدی . بو صرهدده قوجاسی ته ئودوزیوس ،
کورومجه سی پوخله ریا وفات ایتمش ، غریبه قیزی
وطورونلری وانداللرک الینه اسیر دوشمشدی . شرقده
ته ئودوزیوسک تختنه یکی برخاندان کچمشدی . آته نایس
آرتق هرشیدن محروم ، دنیادن مایوس برحالدده قالمشدی .
قلبی حس و شعرایله مالی اولان بوبدبخت ایمپراطوریچه
حیاتدن بزمش ، دینی السهیلرک نغماتیلله متهیج ، کلیسالر ،
مناسترلر و خسته خانلر انشاسیلله وقت کچیرمش ، پتپرست
عالمنک بو پارلاق وزرین ییلدیزی قدسک صاف سماسنده
حزین بر صورتده افول ایتمشدی ...



اولہ رق آرتق قان ایله انتقام آلمایہ قرار ویرمشدی .
 اولاً برقاچ کشی یہ پاردہ ویردک قدس والیسنی اولدیرتمش ،
 صوکر ا مجروح و متأثر روحنی مستریح ایتک ایچون
 عبادتہ حصر حیات ایتش ، کشیشلر و راهبلر آراسندہ
 امرار اوقات ایلمشدی . اوتاریخدن اعتباراً ، زوجی
 تہ ئودوزیوسہ مذہب لری قبول ایتدیرمک چالیشان
 مونوفیزیتلر ، یعنی حضرت یسوعک بر جوهری بولوندیغہ
 ایمان ایدنلر صرہ سنہ داخل اولمش ، قوجہ سنندن بو
 صورتلہ انتقام آلمایہ قرار ویرمشدی . آتہ نایس بو
 مجادلہ یہ بوتون موجودیتی ایله آتیلیمشدی . دوستلرینک
 آمانی تسہیل ایچون بوتون نفوذینی ، اولانجہ ثروتی
 استعمال ایتمشدی . بومسلک (قاضی کوی) مجلس
 روحانیسی طرفندن صورت قطعیدہ تلہین ایدلدیکی
 حالده ، آتہ نایس اونفرت ایتدیک ی پو لخہ ریادن وقاردشدن
 انتقام آلمق ایچون بومسلکده ینہ ثبات کو سترمشدی .
 حتی مخالفلرک جسارتی کمل شوق ایله آرتدیرمش ،
 ایمپراطورک عسکرلرینہ قارش ی عاصیلری سلاح بدست
 اولہ رق محاربہ یہ تشویق ایتمشدی . آتہ نایسی اورتو -
 دو قساغہ ارجاع ایچون قیزی ، دامادی ، حتی پاپابویوک
 لہ ئون پک چوق اصرارده بولونمشدی . نہایت پاپانک
 تکلیفی قبول ایتش ، کنڈیسنہ وعد ایلدیک ی (شان

آته نایس زوجندن آیرلدقندن صوگرا حقنده کی
 افترا لردن ، پوله نك قتلندن حیثیت و اعتبار سزلقدن
 دلخون اولمش ، ایمپراطوردن قدسه کیتمک ایچون مساعده
 ایسته مشدی . ته ئودوزیوس واسیلیسانك بوتمنیسنه کمال
 ممنونیتله مساعده ایتمشدی . بر زمانلر بوتون روحیله
 سودیکی بو حسنا قادینه قارشى شمدی قلبنده عداوتدن ،
 شبه دن ، کیندن باشقه بر شی حس ایتمه مشدی . حتی
 آته نایسدن آیرلق اوکا هیچ تاثیر ایتمه مش ، پرستش
 درجه سنده سودیکی بر قادیندن افتراق کوکلنده اوافق
 بر تاثیر بیله حاصل ایده مه مشدی .

آته نایس ، قدسده وفاته قدر اون سکز سنه
 یاشامشدی . بو حزین و مؤلم حیات ، واسیلیسانك طبیعتی
 غرب بر صورتده تبدیل ایله مشدی . آته نایس قدسده ،
 مناسترلرله و کلیسالرله ، حضرت یسوعک خاطراتیله مالی
 اولان بوشهرده روحنك صاح و سکون ایچنده مستریح
 اوله جغه قائل اولمشدی . فقط دشمنلرینك کین و عداوتی
 اوئی منافسانده بیله تعقیب ایتمش ، زوجنك شبه لری
 نفسی آلیم بر حقارت آلتنده ازمشدی . بیزانسدن کلیرکن
 برابرنده کتیردیکی ایکی پاپاس ، ایمپراطوره خبر ویرلمش ،
 ته ئودوزیوس ایکیسنی ده طوتدیروب تلف ایتمه مشدی .
 ایمپراطوریچه بوجنایتلردن بوسبوتون دوچار حقارت

ایمپراطور بر کون کلیسایه کیدیورمش. پوله‌ن،
 راحتسز بولندیغی ایچون مراسمه اشتراك ایدمه‌مش.
 ایمپراطور یوله‌ کیدرکن، کویلونک بری کندیسنه غایت
 بویوک برفیریکیا الماسی تقدیم ایتمش ... ته‌ئودوزیوس
 المانک پاره‌سنی ویروب آلمش. زوجه‌سنه صوک درجه
 محبتی اولدیغی ایچون المانی درحال آته‌نایسه کوندرمش.
 آته‌نایس ده بردوستلق اثری اوله‌رق پوله‌نه یوللامش.
 پوله‌ن ایسه ایمپراطور پچه‌نک المایه اهمیت ویردیکنی
 تقدیرایتمه‌مش. ایمپراطوره تقدیم ایتمک اوزره کوندرلایکنه
 ذاهب اوله‌رق المانی ته‌ئودوزیوسه ویرمش. ایمپراطورک
 بوکا پک زیاده جانی صیقیلمش. سرایه کلیر کمز آته‌نایسی
 چاغیرتمش. کمال حدت و غضبله: «سکا یوللادیغم المانی
 نه یاپدک؟» دییه‌صوورمش. آته‌نایس بردنبره: «یه‌دم!»
 دینجه، ایمپراطور طوغروسنی سویله‌مسنی رجا ایتمش،
 آته‌نایس سوزنده اصرار کوسترمش. اوزمان ایمپراطور
 المانی البسه‌نک آلتندن چیقارارق یالانجی زوجه‌سنه
 کوسترمش. بونک اوزرینه زوج وزوجه آراسنده
 غوغا باشلامش. ایمپراطور قیصقناچاغندن، حدتندن
 طایانه‌مه‌رق آته‌نایسدن آیریلش، پوله‌ن ده (قیصری)یه
 نفی ایدیلهرک اوراده تلف ایدلمشدی.



بر لشهرك پوخله رییایی بوسبوتون سرایدن اوزا قلاش دیر مایه ،
 کندیسینی واسیلسالغه اعلا ایدن ولی نعمته اهانت ایتمکه
 قدر جرأت کوسترمشدی . پوخله رییایا بر مدت
 کندی اقامتگاهنه چکیلمش ، فقط آته نایس ایله مجادله دن
 ینه خالی قالمامشدی . اورتودوقسلر کاملاً پوخله رییایه
 طرفدار اولدقلرندن آته نایسه بو پارلاق مظفریتنی پک
 بهالی یه مال ایتمک ایچون پوخله رییایا تداییر لازمه اتخازینه
 باشلامشدی .

آته نایسک ایمپراطوریچه تختنه جلوسی کبی سقوطی ده
 غریب اولمشدی . بو دورده سرای رجانندن پوله ن ،
 کرک ایمپراطور و کرک ایمپراطوریچه نزدنده بویوک بر
 اعتبار قازانمشدی . پوله ن ، ایمپراطور عائله سی میاننه
 قبول ایدلدیکی جهته سرایده فوق العاده بر نفوذ اکتسابنه
 موفق اولمشدی . ایمپراطور ایله ایمپراطوریچه نك یاننه
 هر ساعتده کیره بیلیر ، سرایده آمر مستقل کبی حرکت
 ایدردی . پوله ن ، عین زمانده یاقیشیقلی و ظریف ایدی .
 روایت کوره ، حال و طوری پوخله رییایی بیله منجذب
 ایتمکدن خالی قالمامشدی . آته نایسک دشمنلری ایشته
 بو پوله نی آلت اتخاذا ایتمک ایسته مشلر ، ایمپراطوریچه
 ایله مناسباتی ایلری یه سوره رك ته ئودوزیوسک قیصقا نجاغنی
 تحریک ایله مشلردی .

ایدن اسکی یونان مدینتی تجیل ایدرک نطقنه هومهرک
بر مصر عیله نهایت ویرمشدی. (آنا کیه) رجالی واسیلیسانک
بونطقنی آلقیشلرله تلقی ایتشلر، آته نایسک خاطره
مبجله سی اولمق اوزره بلدیله دائر دهنه آلتون بر هیکل
وضعنه قرار ویرمشلردی.

آته نایس قدسه موصلتنده برسنه قدر اوطورمش،
بوتون زماننی دینی عبادتله کچیرمشدی. صوگرا،
بورادن آلدینی اعزه اشیا سنی قسطنطنیه یه کتیرمشدی.
آته نایس برقاق سنه صوگرا قدسی تکرار زیارت ایتش،
فقط بوسفر ختام عمرینه قدر اوراده قالمشدی.

قدسدن ایلاک عودتنده قسطنطنیه یه داخل
اولدینی زمان، شان و اقبالک مرتبه کالنده بولو.
نیوردی. قیزی بر ایمپراطورله اولمش، کندی
آلقیشلر و دبده لره بوتون شرقی طولاشمشدی. آرتق
آته نایس، کورووجه سی نه وودوقسیا ایله آچقندن آجیغه
مبارزه یه کیریشه بیله جک بر نفوذ اکتساب ایله مشدی.
سرایده کوندن کونه دوستلری چوغالمشدی. فقط
پتپرست علومنه و قوفیله اشتهار ایدن کیرییلوس ایله مناسبت
پیدا ایتسی، پولحه ریپانک پک زیاده جانی صیقمشدی.
آته نایس، بو ذاتی ایمپراطورده توصیه ایتش، سرایده
ایمپراطور اوزرینه اجرای نفوذ ایدن خادم آغالریله

ایتمکه چالیشمش و بو تشبشنده آلدانمامشدی .



آته نایسك نفوذی بیزانس سراینده حکمفرما اولدینی صررده ایدی که، روما غرب ایمپراطورلغنه کچن هونوریوسك همشیره سی غاللاپلاچیدیا ده چوجقلریله برابر (بیزانس) ه کلشدی. آته نایس، قیزی نه وودوقسیای هونوریوسك همشیره زاده سنه تزویج ایتمک و بو صورتله روما غرب ایمپراطورلغنه ده اجرای نفوذ ایلمک ایسته مشدی . حتی بو آرزوسی یرینه کلیرسه، (قدس) قدر کیتمکه عهد ایتمشدی . اون درت سنه صو کرا بو تصورک قوه دن فعله کلمسی اوزرینه آته نایس قدس یولنی طوتمشدی .

آته نایس ایلمک اول (آنطاکیه) شهرینه اوغرامشدی . بو شهرده ، آثاری آلآن مشهود اولان یتپرستلک بقایاسی ، کوکلنده کنجلاک خاطرهلرینی او یاندرمشدی . حتی (آنطاکیه) ساتوسنده مجوهرلر ایچنده پارلایان تخت اوزرنده ، شهرک ایمان و اکابرینی حضورینه قبول ایلدیکی زمان ، باباسندن آلدینی درسلی تحظر ایدرک کندیسنه حسن قبول کوسترین اهالی حقنده بر نطق ایراد ایتمش ، بو نطقده سوریه ساحلیرینه قدر انتشار

ایمپراطور پچە اولماسی بیزانسیک خریستیان عالمده اندیشه یی موجب اولمشدی .

آته نایس ، واقیز ایدلد کدن صوکرا (نودوقسیا) نامنی آلمشدی . ازدواجنک هان ایرتسی کونی ایلک ایشی ، ایران حربنه دأثر بر منظمه انشاد ایدرک قوجاسنک محبتنی جلبه غیرت ایتک اولمشدی . ینه او سنه دنیایه بر چوجوق کتیرنجه ، ته نودوزیوسک یاننده بوسبوتون قیمتی آتمشدی . آته نایس ، سرایده کی نفوذینی آرتدیردجه ایمپراطوره بعض وصایاده بولونمغه باشلامش ، حتی قسطنطنیه دارالفنوننک تأسیسنه یک زیاده یاردیمی طوقونمشدی . دیندار بر محیط ایچنده یاشادیغی ایچون محیطنک تأثیرندن نفسنی تجرید ایدمه مشدی . دینی مباحثه لره دها زیاده مفتونیت کوسترمش ، قسطنطنیه بطریق نسطوریوس ایله اسکندریه بطریق کیریلایوس بیننده وقوعه کان دینی مناقشه لر ائناسنده قوجاسنک طرفنی التزام ایتمشدی . آته نایس بو صورتله کورووجه سی پوخله ریپانک یرینه قائم اولمغه باشلامش ، سرایده کندیسنه ظرفدارلر تشکیل ایتش ، بوسبیدن واسیله وس ، واسایسا و آوغوستا بیننده اختلاف حاصل اولمشدی . پوخله ریپا قسطنطنیه بطریقته دشمن اولدیغندن کیریلایوس ده دشمنه غلبه ایچون سرایده پوخله ریپا ظرفدارلرینی الده

دائر ته ئودوزیوسه کوزل بردرس ویرمشدی. بناء علیه
ته ئودوزیوس، قیز قاردشک تربیه سیله یتیمش، فقط
زمانک قاریشیق و اختلالرله مالی حادثه لرینی اداره
ایده بیله جک متانت طبعی اکتساب ایده مه مشدی.

بوایکی قاردشک یاننده آته نایس ده مهم بر موقع
اشغال ایده بیلیردی. آته نایس دنیا به کلدیکی زمان آتیه،
شرق عالمک مرکز عرفانی، پترست ادبیاتک مقری،
یونان قدیم آثارینک مشهری حکمنده ایدی. آته نایس
ادبیات عتیقه انافس آثارینی اوقومش، هومهرک
قصائدی، ده موسته نیسک نطقلریله تنویر افکار ایتمشدی.
علم هیئت و هندسه یه ده وقوفی اولان بو کنج قادین،
عینی زمانده یکی افلاطون فلسفه سنی ده تدقیق ایله مشدی.
آته نایسک تربیه سی صرف پترست تحصیلنه مستند اولدینی
ایچون خریستیانلغک خفیف جلاسی روحنده مندمج
افکاری دوچار ضعف ایده مه مشدی. بوسبیله واسیله وسک
بو کنج آتیه لی ایله ازدواجی یزانسده پترستلکک غلبه سی
کبی تالق ایدلمشدی. ذاتاً اوصرده قسطنطینه ده پترستک
آثاری قسماً موجوددی. قسطنطین و خلقلری شهر
ازمنه قدیمه معبدلری، یونان آثار هیکل تراشیسی ایله
تزین ایتمشلر، سرایده بیله معین مراسمه پترست
عاداتی محافظه ایله مشیلردی. بوسبیدن آته نایسک

بیزانس سراینده پوخلہ رییانک نفوذی جاری ایدی .
 پوخلہ ریااوصرہ دہ یکرمی ایکی یاشنده ، ذکی ، حریص ،
 سیاسی برقادیندی . آرقادیوسک وفاتی اوزرینہ بوتون
 عائہنک رئیسہ سی قالنجه ، قاردشنہ وصیہ اولمش ،
 (آوغوستا) نامنی آلہرق حکومتی ادارہ یہ باشلامشدی .
 پوخلہ ریا غایت دیندار ایدی . حکومتہ هیچ کیمسہ نی
 تشریک ایتک آرزوسندہ بولونمادیغی ایچون ، اون
 آلتی یاشنده ایکن هیچ اولنمہ مکہ یمین ایتمشدی . سرای ،
 پوخلہ رییانک زمانندہ عادتاً بر مناستر حالنہ کیرمشدی .
 کیجہ کوندوز دینی السہلر اوقونور ، پارلاق البسہ لرہ ،
 مسرورانہ آلفیشلرہ بدل راہلرک ماتم آلود البسہ سی ،
 السہلرک قسوت آور نغمہ لری ایشید بایردی . پوخلہ ریا
 سرایدن آشفته ندیمہ لری کاملاً چیقارمش ، قاردشنی
 دینی بر تربیہ آلتندہ بویوتمشدی . تہ ئودوزیوس ، قیز
 قاردشنک سایہ سندہ مکمل بر تحصیل کورمش ، یونان
 ولاتین لسانلری ایلہ علم ہیئت ، ریاضیہ ، تاریخ طبیعی
 ورسم اوکرنمشدی . تہ ئودوزیوسک مطالعہ یہ دہ مراقی
 واردی . ظریف وجسیم کتبخانہ سندہ کیجہ کج وقتہ
 قدر چالیشیردی . پوخلہ رییانک تربیہ دینیہ سی دماغندہ
 اساسلی بر تأثیر حاصل ایلہ مشدی . پوخلہ ریا قاردشنہ
 آداب معاشرتی دہ اوکرنمش ، مراسمدہ کی طور وحرکتہ

باباسنک وفاتنده حقنی دیگر ایکی قاردشنک غصب ایتمش
اولمردن طولای (قسطنطنیه) یه شکایته کلش ،
اجاسندن ایکی قادینک دلاتیه پوخله ریایه تقدیم ایدلمشدی .
اوصرده آته نایس یکر می یاشنده ، بویلو بوضلو ،
خارق العاده بر حسنه مالکدی . قیویرجیق صاری
صاچلری لطیف سیاسنی زرین برهاله ایله احاطه ایدیور ،
سیاسنک رنگ دلاویزینی بوتون قیمتیه میدانه چیقار -
میوردی . لطیف ، ذکا و شدتیه مالی کوزلری حجابندن
اوکه تمایل بولونیور ، اکثر یافید یاسک هیکلرنده کورولن
صنعتکارانه برونی ، نجیبانه طوری ایله قلبده حس
پرستش او یاندیریوردی . پوخله ریاء آته نایسی قاردشنک
ذوقنه پک موافق بولش ، عالمه سنی صورمش ، صوکر
قاردشنه اولدینی کبی تصویر ایتمشدی . ته ئودوزیوس ،
آته نایسک تصویرینه غیابی بر مجلویت حس ایتمشدی .
نهایت آرقداشی پولهن ایله برابر بر پرده آرقه سنه
صاقلانارق بونفیس قادینی تماشا ایتمش ، بر قاج هفته
صوکراده آته نایس وافتیزلردن ودینی مراسمدن صوکر
بیزانس ایمپراطور یچه لغنه ارتقا ایتمشدی .



آته نایس بیزانس ایمپراطور یچه سی اولدینی زمانلر ،

آته نایس

آته نایس ، بیزانس ایمپراطور یچه لری آره سنده علم
وعرفانی ، قدرت شاعرانه سی ایله تمیز ایتشدی . آته نده
پتپرست برعائله ایچنده یتیشن بومستنا چیچک ، بیزانساک
مائى سهاى آتنده بوسبتون تبدیل فکر و ماهیت ایتش ،
ایمپراطور یچه لکه قدر صعود ایله دکن صوگرا (قدس)
محرق کونشی آتنده ، حزین و مؤلم بر صورتده تباہ اولمشدی .
آته نایس ، ایمپراطور ته ئودوزیوسک زوجه سی
ایدی . ازدواج لری نتیجه عشق اوله رق وقوعه کلشدی .
ته ئودوزیوس ، تاهل ایده جک بر سنه کادیکی زمان
اولنکی دوشونمش ، همشیره سی یولخه رییانک متادیا
باشنی آغریتمایه باشلامشدی . ته ئودوزیوس آله جنی قیزک
اصیل و زنکین اولسنه باقما یور ، اک زیاده ، کوزل ،
وحتی شاهانه بر کوزلک مالک اولسنی تمنی ایدیوردی .
بونک ایچون یولخه ریا قارداشناک آرزو ایتدیکی کوزلکده
برقیز آرامای کندیسنه و خلیفه ایدیش ، بو آرایشلرک
نتیجه سی اوله رقده آته نایسه تصادف ایتشدی . آته نایس ،
آته دارالفنون معلملرندن له ئوته ییوسک قیزی ایدی .

عفتسزلكى التزام ايتمشدى . فقط طلاق وغير مشروع
 مناسبات حقنەدىكى قانۇنلرى اصلاح ايتدىرەرك ازدواجك
 قدسيتنى دە تامينە غيرت ايله مشدى . ته ئودورا قسطنطينەك
 ملوٹ كوشەلرينە واقف اولدىغى ايچون بورالرى تصفيه
 غيرت ايتمش ، هيپودوروم صحنەلرنە ييتيشن بو آلفتە
 قادين ، شمدى پايتختك اخلاقنى دە اصلاحە باشلامشدى .
 ته ئودورا سوابق حياتكك آجيلرىنى اونوتماش ، حتى
 ير امرنامەيە شو جملەلرى يازدىر مشدى : « حيدودلرە
 وخيرسزلرە جزا ايتك ايچون حاكملر تعيين ايتدك دە
 ناموس وعفت حيدودلرى حقنەدە دها محق اولەرق نەدن
 تعقيبات اجرا ايتمەيەلم ؟ »

ته ئودورا عقل وعرفانى ايله دە حكومتى اداره ايلش ،
 فقط احتراصات ودسائى ايله سرايى و حكومتى آلت
 اوست ايتمشدى . ذكا وحسنى ايله ژوستينيانوسك قلبنى
 اودرجە تسخير ايله مشدى كە ، وفاتندە ايمپراطور پك
 آجى كوز ياشلرى دوكمشدى (۵۴۸) . ژوستينيانوس
 ته ئودورايە حياتندە پرستش ايتمش ، وفاتندە ايسە هيچ
 ير زمان خاطرەنى ذھنندن چيقارما مشدى .

ابتلاسی ، احتراصلری و عداوتلریله کوسترمشدی .
 ته ئودورا ، منفعتنه طوقوناجق بر شی اولور اولماز تردد
 و مسامحه اصلا طانیمازدی . ارزوسنه مانع اولانلری بلا
 تردد آتار ، دویرردی . نفوذینی قیرمق ایسته ینلری
 بلا ترحم آزر ، محو ایدردی . نفوذ و حاکمیتی محافظه
 ایچون هر درلو وسائلی ، اهاتی ، یالانی ، فساد
 اخلاقی ، حیلہی ، شدتی مشروع کوروردی . بعضاً
 ارزوسنی یرینه کتیره مزسه ، صوکرانتقام آلمقدن خالی
 قالمازدی . ته ئودورا هر شیده حاکم اولمق ایسته مش
 و موفق اولمشدی .

عداوت باغلادینی زمان هیچ بر شیدن قورقاز ،
 قتلی ، رذالتی ، هر شیئی کوزینه آلدیرردی .
 سرای اکابرینی کندیسنه مطیع قیلحق ایچون پک اینجه
 دیسیه لر قوللانیردی . مثلاً جنرال به لیزه ری نفوذی
 آلتنه آلمق ایچون زوجه سی آنطونینی آلدہ ایتمشدی .
 آنطونین زوجه دائماً اهانت ایدردی . ته ئودورا
 آنطونینک مناسبتلرینی قصداً التزام ایتمش ، اونی کندیسنه
 رام ایله دکدن صوکر بو واسطه ایله به لیزه ره حاکم
 اولمشدی . او درجه ده که ، به لیزه زوجه سنک بو غیر
 مشروع حاللرینی بیلدیکی حالده ته ئودورا بونلرک کافه سنی
 عفو ایتدیرمشدی . ته ئودورا ، واقعا بو حرکت ایله

آلمایارق دعالرینی تمی ایلردی . ته‌ئودوراده بوتون
 ییزانس کنجلی کی دیندار ایدی . غایت ذکی
 وفوق‌العاده فکرسیاسی‌یه مالک اولدینی ایچون خرستیان
 بر حکومتده دینی مسئله‌لرک نه درجه حائز اهمیت
 اولدینی ، بو مسئله‌لره لاقید قالمغله نه درلو نتایج تولید
 ایدیه‌جکی بیایردی . آناطولی ایله سوریه و مصرک منبت ،
 محصولدار صحرالری ایمپراطورلغک اک مهم اجزاسندن
 ایدی . دینی اختلافلر یوزندن بو یرلرک الدن چیقماسی
 ییزانس ایچون بویوک بر ضیاع اولاجقدی . بو سبیدن
 ته‌ئودورا دینی اختلافلره قارشى تمایلاتنه مانع اولور ،
 ایمپراطورک سیاستنی دائماً بو نقطه‌یه توجیه ایدردی .
 ژوستینیانوس قلباً دینه محلوب اولدینی ایچون دینی
 مسئله‌لره قاریشیردی . ته‌ئودورا ایسه دینی منازعه‌لرک
 موقت و متبدل فورضه‌لرینه اهمیت و یرمیه‌رک مسئله‌نک
 دائماً اساسنی نظر اعتباره آیلردی . بو سبیدن
 رافضیلری حمایه ایتیش ، پاییه قارشى طورمش ، متردد
 و پریشان خاطر زوجنی بیلدیکی یوله سوروکلیه‌رک دینی
 مبارزه‌لره بوتون موجودیتله آتیلمشدی .

ته‌ئودورا ، اداره حکومتده بو درجه بویوک بر
 ذکا و اقتدار کوستردیکی حالدله قادینلغنی اظهاردن ینه
 کندینی آلامامشدی . بو خصائصنی ، زینت و احتشامه

کبی ته ئودورا یه ده صداقت یمینی ایتمشلردی . ایمپراطور
 الک مشکل زمانلرده ، (بنم الک طاتلی جاذبه م) دییه یاد
 ایله دیکی رفیقۀ حیاتنک نصیحتلریله حرکت ایتمشدی .
 ته ئودورا ، یکرمی بر سنه دوام ایدن سلطتی اثناسنده
 هر شیئه پارماغنی صوقشیدی . حکومت مأموریتلرینه
 بیلدکیرینی یرلشدیرمش ، دیپلوماسی وکیسای ایشلرینه
 قاریشمش ، پاپالری و پطریقلری ایسته دیکی کبی عزل
 ونصب ایله مشدی . او درجه ده که ، اکثریا ایمپراطورک
 ارزولرینه شدتله مانع اولمش ، ژوستینیانوسک امرلرینی
 فسخ ایتدیره رک کندی او امرینی اجرا ایتدیرمشدی .
 الک بویوک ایشلرده قوجاسنه صوگدرجه یاردیم ایتمشدی .
 واقعا بعض کره لر حرص و شدتی ، غرور و تکبری
 الیم نتیجه لر حاصل ایله مشدی ؛ فقط ، سیاست
 و تدبیری ایله ده بیزانسی الک قوتلی حکومتلر عدادینه داخل
 ایده بیله جک بر نفوذ نظر ابراز ایتمشدی .

ژوستینیانوس دایما روما ایمپراطورلغنک احیاسی
 فکرینی تعقیب ایله دیکی حالده ، ته ئودورا ده اینجه ،
 ده دور اندیشانه دوشونوره رک، نظر دقتی شرقه توجه
 ایدردی . ته ئودورانک سوریه کشیشلرینه بویوک بر
 محبتی واردی . اکثریا اونلری سراینه قبول ایدر ،
 قبا قیافتلرینی ، خشین سوزلرینی نظر اهمیته

— فراردن باشقه چاره نجات قلاماش بيله اولسه
 بن ينه قاچاياجغم . باشنده سلطنت تاجى طاشيانلر ،
 او تاجله برابر اولمليدرلر . خلق بنى ايمپراطوريچه ديه
 سلاملامادقن صوكرام ، ياشاماق بنم ايچون اولادر .
 سه زار ! سن قاچق ايسته يورسهك ، ايسته ميدان !
 پارهك وار ، كميلر حاضر ! فقط بن ثبات ايده جكم . بنم
 ايچون ايمپراطوريچهلق لباسى اك كوزل بر كفندر .
 ديمشدى . او كون ايمپراطورلغك سقوطنى ته ئودورا
 عزم ومتاتى ايله ازاله ايتمشدى . ته ئودورا بو متاتى
 ايله جدا تميز ايتمش ، او آنه قدر ايمپراطورك ضعف
 قلبى يوزندن اشغال ايله ديكي ييزانس تختى شيمدى بحق
 احرازه لايق اولديغنى كوسترمشدى . او زمان ايمپراطور ،
 كنجلككنك بوتون حرارتيله سوديكي بو ظريف قادينيه
 حياتنك صوك دقيقه لرينه قدر پرستش ايتمش ، بو مستنى
 ذكايه ، بو متين وعزم پرور قادينيه قارشى نه شان
 وشرفى ، نه ثروت وسامانى ، هيچ بر شيئى دريغ
 ايتمه مشدى ...



ته ئودورا ، خلقك ده حرمت وتوجهنى جلب ايله مشدى .
 خلق ژوستينيانوس ايچون ياپدقلىر كې ته ئودورا نامنه ده
 هيكلر ركز ايتمشلردى . كذا ژوستينيانوسه ياپدقلىر

ته ئودورا آرتق حیات خصوَصیه سنی صیقی بر انتظام
آلته آلمش، ازدواجندن صوکره اسکی حیاته کلیاً وداع
ایله مشدی . اولندیکی زمان اوتوزنده ایدی . بو
یاش ، اونک ایچون کنجلیکنک صوکره دوره سی ایدی .
بوندن باشقه ، اسکی سفیهانه حیاته دوام ایدرک
موقعی دوشورمکده ایسته مزدی . خصوصیه کنديسنده
موجود بعض اوصاف وطبایع اونی تکرار بو درکيه
دوشمکدن منع ایده بیلیردی . ته ئودورا مغرورانه بر
متانته ، مردانه بر ثباته ، ساکتانه بر جسارته مالکدی .
بو سبیدن یکریمی بر سنه ژوستینیانوسله برابر اجرای
حکومت ایتیش ، کنديسنی پرستش درجه سنده سوده
زوجنه قارشی بویوک ، عینی زمانده مشروع بر نفوذ
اجرا ایله مشدی .

ته ئودورا بوتون متانتی ۱۸ کانون ثانیده خلقتک
سرای قاپیلرینه هجومی اثناسنده کوسترمشدی . بو
صیراده ژوستینیانوس تأثرندن شاشیرمش ، قاقچدن
باشقه چاره بولامامشدی . هرکس تلاش وهیجان
ایچنده ایدی . ویریه جک مقررات ایچون عقد اولنان
مجلسده ته ئودوراده حاضر بولونیوردی . ته ئودورا
سکونتتی اصلا بوزمامش ، کمال سکون ایله آياغه قالقارق
ایمپراطوره :

صاچلىرىنى كوز قاماشدىرىجى ئالماستىرلە تزيين ايلردى .
 تەئودورا، عادى برعائىلدىن يتشمش ايكن ايمپراطوريچەلق
 حياتنه پك چابوق آلاشمىشدى . تەئودورا ، بوتون
 مىناسىلە قاديندى : ظريف كىنمك ، هر كىسك خوشنه
 كىتمك يكانه آرزوسى ايدى . تەئودورانك دائرەسى غايت
 مطمئن ، البىسەسى مشمشع ، مجوسراتى نفيس ، سفرەسى
 اك مكمل يىكلرلە مالى ايدى . حسننه صوك درجه
 اهميت ويرردى . سياسنده طاتلى بر سكون حاصل
 ايتك ايچون يىمكدن صوكرالى اويقوايله كچيرردى .
 لون و رونقى محافظه ايچون صيق صيق بانىو ياپار ،
 صوكراساعترجه استراحت ايدردي . تەئودورا ،
 بوتون نفوذىنى آنجق حسنى ايله اجرا ايدىجكنى پك
 اىي بيليردى .

تەئودورانك معيتمده محتشم بر سراى اركانى ،
 محافظلر ومقبىلر واردى . بو صوكرادن كورمه واسىليسا ،
 يىزانس مراسمنك هر نوعنه بويوك بر مفتونيت
 كوستيردى . هر كىس تەئودورانك خوشنه كىتمك
 ايچون كنديسنه عرض احترام ايدر ، قارشىينده يرلر
 قدر اكيليردى . غرورى فوق العاده اولدينى ايچون
 وقتيله كنديسنه لايالىانه معاملە ايدن اكابر دولته قارشى
 ايمپراطوريچە البىسەسى آلتىده وقورانه سلاملر ويرردى .

اودرجه یه کیشدی که ، ته ئودورا ایله ازدواجی کندیدی
ایچون بویوک بر سعادت عد ایتشدی . ایمپراطورک
بو ارزوسنه ، اقرباسی بر درجه یه قدر قارشى طور مق
ایسته مشلردی . یالکز ژوستینوس ، هیچ سسنى
حیقار مامشدی . بیزانس قانونلری موجبجه اعیان
وا کابر رجالک عادى قادینلر ، خدمتکارلر ، آقتریسار
وفاحشه لرله ازدواجی ممنوعدی . ژوستینوس بو قانونی
فسخ ایتش ، نهایت آياصوفیه کلیسا سنده موملرک پارلاق
ضیالری اورتا سنده ، ته ئودورانک تتوج مراسمی اجرا
اولونمشدی . صوکر ا ته ئودورا ، بیزانس عادتنه اقتفاء
(هیودروم) ه کیش ، بر زمانلر جاذبه سیله تسخیر
ایتدیکی خلقه ، شمدی شوکت و سلطنتی توقیر ایتدیرمشدی .

(شیر)

ته ئودورا ، ایمپراطورینجه یعنی واسیلیسا اولدیفی
زمان ، تریناته پک زیاده دوشکونلک کوسترمشدی .
ته ئودورانک (سن ویتال) کلیسا سنده کی موزاییق
نصویری ، بو تمایلاتنک پارلاق بر خاطره سیدر .
ته ئودورا غایت مشعشع بر لباس کیردی . البسه سنک
رنکی منکشه یه یاقین ارغوانی ، اتکلری صیرما ایشله مه لی
ایدی . باشه آلتون مجوهرات ایله مزین بر تاج کیر ،

سورونمىشدى . او زمان اسكندريه ده اقامت ايتىش ،
 بوراده سىنهلردن برى دوام ايدن عقائد دىنيه منازعاتى
 ته ئودورانك دماغى اوزرينه ده اجر اى تاثيردن خالى
 قالماشدى . ته ئودورا ، اسكندريه ده بطريق تيموتهك
 وعظملردن متنبه اولارق بر درجه تصحيح اخلاق ايتىمكه
 موفق اولمشدى . صوكرا قسطنطينيه كلكش ، براز
 عقلانمش ، ياشى كالنى بولمايه ، لطيف وجودنده حيات
 سفىهانى سنك يورغونقلرلى طويمايه باشلامشدى .
 ته ئودورا بو تاريخدن اعتباراً عفيفانه بر حيات امرار
 ايله مشدى . ايشته روستينيانوس ، ته ئودورايه بو ائناده ،
 اوافق بر اوده تصادف ايتىمىشدى .

روستينيانوس ، ته ئودورايى كوردىكى زمان بوتون
 موجودى ايله سومشدى . ته ئودورانك عشوه كار
 طورلرینه فریفته اولان ايمپراطور آرتق اوندن هيچ
 بر شئي دريغ ايتىمىشدى . ته ئودورا پارديه صوك درجه
 دوشكوندى ؛ ايمپراطور اونى ثروت وسامانه غرق
 ايتىمىشدى . ته ئودورا حرمت وشانه مجلوبدى ؛ ايمپراطور ،
 عالیه سنى سرايه آلارق بو ارزوسنى ده يرینه كتىرمىشدى .
 ته ئودورا حريص ، وتحكمه صوك درجه مبالدى ؛ ايمپراطور
 دائماً اونك سوزلرلى ديكلمش ، ته ئودورانك توجه
 وعداوتلرلى حرفياً اجرا ايله مشدى . ده صوكرا

بویوک بر صنعت کوستردی . بونکله برابر جرأتکار،
متشبت ایدی . هر کسک حرمت و تقدیرینی عشوہ لری
و تبسم لریله جلب ایتک اصولانی بیلیردی . کندیسندنه
عشقہ بویوک بر استعداد اولدینی ایچون تیا تروده سریع
موفقیتلر استحصال ایتمشدی . ته ئودورا ، فضیله او
درجه لزوم کوسترمه یں بر مسلکله سلوک ایتمش ، بوتون
بیزانسی جاذبه سی و سرگذشت لریله طولایر مشدی .

ته ئودورا ، صحنه ده رذالت عد اولونه بیله جک وظیفه لر
ایفا ایدردی . خصوصیه لره شهرده آقشامجیلقلری ،
لابالایانه سوزلری ، عاشق لری نیک چوقلغنی ایله نام آلمشدی .
بو حال لری او درجه شایع اولمشدی که ، ته ئودورا
سوقا قدن کچدیکی زمان ارباب ناموس دائماً اوزا قدن
کیتمکه باشلامش ، ته ئودورایه تصادف ایتک عادتاً
شامت عد ایدلمشدی . بو صرعه ده ته ئودورا ، هنوز
یکرمیسندنه ایدی .

ته ئودورا ، بردنبره اورتادن غائب اولمشدی .
ته ئودورانک سوریه لی هه که پولوس اسمندنه بر عاشقی
واردی . بو ذات آفریقایه تعین اولونمش ، ته ئودوراده
عاشقنک پيشندن آریلماق ایسته مشدی . فقط بو حیات
عاشقانه چوق سورمه مشدی . هه که پولوس ته ئودورانی
قوغمش ، زواللی قادین سفالت و احتیاج ایچنده

باشلامشىدى . فقط بو آدمەدە قوجاسنىڭ مأمورىتىنى
تأمين ايتىڭ لازم كىلىكى ايجون ، تەئودورانىڭ آنەسى
اوپ قىزىنى چىچىكلەرلە سوسلەيەركى صحنەيە چىقارمىش ،
مائىلەرلە يشىلارلار فرەسەندىن مائىلەركى توجەنى جلب
ايدەركى مقصدىنى تحصيلە موفق اولمىشىدى . تەئودورا ،
او زمانلار يشىلارلار كوستردىكلىرى لاقىدىنى عمرى
اولدۇقچە اونوتامامىش ، بوسورتلە (هپودروم) قوللىرىنى
امرار حيات ايله مەكە باشلامشىدى .

تەئودورا ، آز زمان ايجندە صحنەدە عرض اندام
ايدىنچە ، كندىسە بر چوق لالايانە مناسبتلار تأمين
ايتىمىشىدى . تەئودورانىڭ صحنەدەكى وظيفەسى رقاصەلك
ومغنىەلك دىكلىدى ؛ اونىڭ بوتون آرزوسى ، غرور
و افتخاردىن سىنەسىنى قابارتان كوزلەككى شەپەر ايتىڭ ،
عريان وجودىنىڭ مستىنى بدىعەلرىنى اورتايە قويمىقىدى .
تەئودورا ، جەدا دىلبردى . بويى اورتا ، فقط جاذبەسى
خارق العادە ايدى . اوچوق بىكزى ، معىدار ، آتش
عشق ايله مملو نظرلرىنىڭ پارلاقلىغى ايله تنور ايدردى .
تەئودورادە حسەندىن باشقە اوصافدە موجوددى .
تەئودورا ، ذكى ، روح استىناس ، ذوق پرور برقادىندى .
قلبى دائىما اى دىكلىدى ؛ اكثراً استەزى كارانە سوزلار
سويلەر ، آرزو ايتىدىكى زمان ، كوكلار تەسخىر ايتىڭ خصوصەندە

تەئودورا

(راوہ نا) دە ، (سن ویتال) کلیسا سنک دیوارلرینی
تزیین ایدن موزاییقلر ایچندە ظریف وجاذب بر قادین
سیاسی نظر دقتی جلب ایدر ، بو سیا (هیودروم)
صحنه لرندن ییزانس تختە ارتقا ایدن، عشوہ سی وجاذبہ سیلہ
کوکللر تسخیر ایلہ یں تەئودورانک سیای تابناکیدر .
تەئودورا، میلادک آلتنجی عصرندە تیاترو صحنه لرندە
عرض اندام ایلہ دیکی زمان، ولولہ لی برشہرت قازانمشدی .
سوریہ نك مائی سہاسی آلتندە یتیشن بو جاذب چیچک،
ییزانس صحنه لرندە بوتون انظار مفتونیتی جلب ایتمشدی .
تەئودورانک باباسی، تیاترولرک برندہ آیی بکجیسی ایدی .
آنہ سی عفت وناموسدە لایالی ، تیاترو قولیسرندە
امرار حیات ایدر برقادیندی . تەئودورا، ایشتبہ بو عائلہ نك
ازدواجندن دنیاہ کلشدی (۵۰۰) .

تەئودورا ، حاکمتی آلتہ آلاجنی خلقی اولاجاذبہ سیلہ
تسخیر ایلہ مشدی . باباسی آقاچیوس، آنہ سنی اوچ
قیز ایلہ کیمسہ سز، بی وایہ براقش ، قادینجغز اولادلریلہ
برابر معیشتنی تأمین ایچون باشقہ بریلہ مناسباتدە بولونمایہ

بیزانس نفوذی آلتندە بولونان مملکتلری اداره
 ایچون پک بویوک بردایت کوسستمشر ، سرای
 سفاهتترینک انتظاممزلقلری ایچندە بر ذکا ابراز
 ایدەرك اکثریا اداره حکومتدە ارککلره بیله تفوق
 ایله مشلردی .



کلیسانک صرف قادینلره مخصوص غاله‌ریلرنده ده
ایمپراطوریچه بر تخت اوزرینه اوطورمش بولوندیغی
حالده سلسلهٔ مراتبه رعایهٔ بوتون اکابر رجال
قادینلرینی قبول ایدردی . بو صورتله بر چوق مراسم
اثناسنده ایمپراطوریچه‌ده بو قادین اردولرینک کندی
اوکندن مرور ایتدیکنی تماشا ایلردی .

ایمپراطوریچه‌نک وظیفه‌سی یالکز قادینلری
قبول ایتمکن عبارتدی . اکثریا زوجی ایله برلکده
رسم قبول‌ده ایفاییدردی .

سرای ضیافتلرنده سفره‌یه زوج‌ه‌سیله برلکده
اوطورور ، بویوک قوشو کونلری آت میدانده
ایمپراطورله برابر کیدردی . او زمان خلق ، بوتون
صفوت و صمیمیتی ایله ، ایمپراطوریچه‌نی سلاملاردی .
بعضاً ایمپراطوریچه‌نک یالکز باشنه مراسمه ریاست
ایتدیکی‌ده واقع اولوردی . ازجمله آیاصوفیه
کلیساسنه ، ایمپراطوری سفردن دونوشده استقباله
یالکز باشنه کیدردی . داهای طوغروسی بیزانس
ایمپراطوریچه‌سی ، ایمپراطورک سلطنتده شریک‌سی
وهر درلو مراسمده ناقابل انفکاک بر رفیقه‌سی
ایدی .

ایشته بوکی صلاحیتلری حائز ایمپراطوریچه‌لر ،

یاتاغہ یاتار ، بشیک دہ یانندہ بولونوردی . بر مدت
 صوکرہ سرای ارکانی ، صوکرہ سلسلہ مرتبہ رعایہ
 سرای قادینلرینی ، دہا صوکرادہ زادگان صنفی ،
 سناتورلری ، پروقونسلسلری ، پاتریچیلری واسیلیسانک
 اوٹھسنہ ادخال ایدردی . ہرکس ایمپراطور یچہ نک
 اوکندن کچدکجہ کمال احترام ایلہ اکیلیر ، تبریکاتی تقدیم
 ایدر ، یکی طوغان چوجوق ایچون یاتاغک اوچنہ
 اوافق بر ہدیہ براقیردی .

ایمپراطور یچہ نک وظائفی صرف حرم دائرہ سنہ
 منحصر دکلدی . خارجہ رسمی آلایلردہ ، و حکومتک
 امور ادارہ سندنہ و واسیلیسانک کنڈیسنہ مخصوص
 وظیفہ لری واردی . سرای مراسمنہ ایمپراطورلہ برابر
 ایمپراطور یچہ نک دہ بولونماسنہ شدتہ لزوم واردی .
 بریزانس مؤرخنک دیدیکی کی : « ایمپراطور یچہ بولونمادیغی
 زمان ، مراسمہ رعایہ ضیافتلر ویرمک وشدککلر اجرا
 ایتک اصلا ممکن اولامازدی » . بو سبیدن واسیلیسا ،
 سلطنتہ اشتراکی اولدینی کی ، حکومتک معاملات
 عمومیہ سندنہ دہ مهم بر عامل وظیفہ سی ایفا ایدردی .
 پاسقالیا یورطیلرندہ آیاصوفیہ کلیساسنک اورتاسندنہ
 بوتون ارکان حکومت حضرت یسوعک دیریلدیکندن
 طولای ایمپراطورہ بیان تبریکات ایلہ دکلری صیرادہ ،

هیچ بر کیمسه ده بو اسراری فاش ایتمه مشدی .
 کذا ایمپراطور نیکه فوروس فوقاس علیهنده
 حاضر لانان فساد جمعیتی ده ته ئودورانک ترتیبی ایله
 حرم دائره سنده تشکیل ایدلمشدی . بو سر اودرجه
 کیزی طوتولمشدی که ، ایمپراطور ایشدن خبر دار اولوب ده
 حرم دائره سنک آراشدیرماسنی امر ایتدیکی حالده
 دائره ده هیچ کیمسه نی بولمایه موفقیت حاصل اولمامشدی .
 ایکی ساعت صوکره ، قارا کلک و فیرطنه لی برکیجه ده ، فساد
 جمعیتک رئیس بر سیت ایچنده اولدینی حالده پنجره دن
 ایپله ایچری آلینمش ؛ ایمپراطور ، اوطه سنده ، مدافعه سز
 بر حالده باصیلارق مدھش بر قیلج ضربه سیله قافاسی
 پارچه لانمش ، وجودی دلیک دشیک ایدلمشدی .

حرم دائره سیله سلاملق بیننده آشیلماسی غیر ممکن
 مانعلر موجود دکلدی ؛ اکثریا ایمپراطوریچه ، حرم
 دائره سنه حرم آغالرندن ماعدا اکبر رجالی ده قبول
 ایده بیلردی .

ایمپراطوریچه چوجوق طوغوردقن صوکره
 بوتون سرای ارکانی ایمپراطوریچه نک اوکنده کچیدرسمی
 اجرا ایدرلردی . او زمان ، یاتاق اوطه سی صیرمالی
 قماشلرله سوسله نیر ، سالون غایت ظریف و پارلاق
 لامبالرله تنویر ایدیلردی . ایمپراطوریچه صیرمالی بر

مع مافیه بیزانس ایمپراطور یچه لری حیاتلر نی یالکنز عبادته ، تواله ته ، رسم قبوللره ، ضیافتلره و شنلکلره تخصیص ایتزلردی ؛ بر چوق ایمپراطور یچه لرها عالی ایشلرله مشغول اولملر ، اداره حکومت خصوصنده ده بویوک بردرایت ابراز ایله مشلردی . ایمپراطور یچه لک کندیسنه مخصوص خزینه سی واردی . ایمپراطور یچه ، خزینه سی ایمپراطوره دانیشمادن ایسته دیکی کبی اداره ایدردی . اکثریا ایمپراطور یچه لک بو صورتله کندی کیفیه حرکت ایتمه سی ایمپراطورک وظائفنی اشکال ایدردی . بونکله برابر ایمپراطور ، واسیلای کاملاً سربست براقیر ، حتی بعضاً حرم دائره سنده جالب حیرت وقایعده جریان ایدردی . قسطنطنیه بطریق ائتموس رافضیلکله اتهام ایدیلرک مجلس روحانی حضورنده محاکمه ایدلمکله جلب اولوندیغی زمان ، ته ئودورانک دائره سنه التجا ایتشدی . اولاهر کس بطریق بویله اورتادن غائب اولماسنه حیرت ایتش ، صوکر اولدی ظن ایدیلرک اونوتیلمشدی . فقط ایمپراطور یچه وفات ایدوبده بطریق حرم دائره سنده میدانه چیقنجه ، هر کس حیرتله ایچنده قالمشدی . بطریق حرمدده اون ایکی سنه یاشامش ، بومدت ظرفده ایمپراطور ژوستینیانوسک خبری بیله اولامشدی . حتی غریبی ، حرم ارکانندن

پك ماهرانه موفق اولوردی . بوكا مقابل عطریاتدن ده
صوك درجه محظوظ اولوردی . خصوصیه قوزمه تيكلردن
پك زیاده حظ ایتدیكى ایچون دائره سنی عادتا بر کیمیا
لابوراتوارینه دوندوردی .

بیزانسه بعض ایمپراطوریمچه لر زینت و ظرافته او
درجه انهماك ایتمه یهرك ، بیزانس مؤرخلرینك تعبیری
وجه ایله ، شعشعه فضیلتله تزین صفات ایتکی ترجیح
ایدرلردی . بعضیلری کوزل و مكلف بر سفرونك
ایمپراطوریمچه لك لوازمندن بولوندیغنه قانع اولور ، بر
قسمی ده کنیش قاصالره پاره ییغمقده لذت بولوردی .
بیزانس ایمپراطوریمچه لرینك برچوغی دیندار ایدی .
طاعات و عباداتده بولونمقندن ، مقدس اعزه رسملری
اوکنده ساعتلرجه دیز چوكمکدن ، صلابت دینیله لریله
شهرت بولان کشیشلر ایله اوزون اوزادی مصاحباتده
بولونمقندن فوق العاده لذتیاب اولورلردی . ایچلرنده
ادیاتدن حظ ایدنلرده واردی . بوکیلر کندیلری
ایچون نظماً و یا نثرآ اثرتالیف ایدن مؤلفلری اطرافلرینه
طوپوز یارق کندیلرینه بول بول مکافاتلر ویرلردی . اکثریا
کندیلری ده آثار ادبیه وجوده کتیرمه موفق اولورلردی .
بونکله برابر سرای انتریقهلری ، مدید معاشقه لرده
ایمپراطوریمچه لك حیاتنده مهم برموقع اشغال ایدردی .

نسوانتی ده کن دیسنه بالذات تقدیم ایدردی . فقط
ایمپراطور یچه ده حرمده بولونان قادینلره کندی امری
آلتنده بولوندقلرینی ایما ایچون اونلره بالذات امتیاز
ویرمک صلاحیتینی حائز ایدی . ایمپراطور یچه نك
معیتته مأمور قادینلر صیرمه لی البسه ، بیاض مانطو ،
یوکسك سرپوش کیرلر ، واسیله وس ایله واسیلایه
قارشى بویوک بر صداقت ابراز ایدرلر ، فقط سلطنت
اوطه سنه کیرر کیرمز ایمپراطوری بردنبره اونوته رق
یالکیز ایمپراطور یچه ایله مشغول اولورلردی .

ایمپراطور یچه ، معیتی نسواننك صداقتلرندن امین
بولوندیجی جهتله حرم دائره سنده بوتون حاکمیتینی ابراز
ایدر ، حائز اولدیجی حریتی کندی مزاج وطیعتنه
کوره استعمال ایلردی . ییزانس ایمپراطور یچه لری
توالترینه دقت ایتکی اک مهم وظائفدن عد ایدرلردی .
ته ئودورا ، حسن و ظرافته پک زیاده اعتنا ایله دیکی جهتله
اکثر اوقاتنی توالهت ماصه سنك اوکنده کچیرر ، سیاستنه
حلاوت و طراوت بخش ایچون صباحلین کج وقته قدر
اویقو اویوردی . بعض ایمپراطور یچه لرده غایت ساده
بر حیات امرار ایدرلردی . ایمپراطور یچه زوئی ،
سرای مراسمنك خارجنده غایت ساده کینیر ، بو
ساده لکی کن دیسنك صاریشین کوزلکنه توفیق ایتمکه

قدر، ایمپراطوریچه لرك امور سیاسیه و حکومتك مقدراتنه
 مداخله اتمه لرینه جواز ویر یله مشدی. ایمپراطوریچه لردن
 بر چوغی حسنلرینك تأثیری ویا ذکارینك فائقتی
 ایله زوجلری اوزرینه خارق العاده بر تأثیر اجرا
 ایله مشلردی. خصوصیه قسطنطنیه ده ایمپراطوریچه لرك
 یالکز باشلرینه اداره سلطنت ایتدکلری وحتی
 ایمپراطورلری ارزولرینه رام ایدەرك ایمپراطورلق وظائفه
 آلیشیدیردکلری ده کورولمشدی. ایمپراطوریچه لر سرای
 داخلنده قدرت و نفوذلرینی کوسـتـردکلری کبی، امور
 سیاسیه ده امرلرینی انفاذ ایتمکدن خالی قالماشلردی.
 ایمپراطوریچه، حرم دائره سنده حاکمیت مطلقه یی
 حائز بولونوردی. ایمپراطور کبی اونک ده معیتده
 بر چوق قادینلر بولونور، دائره سی بر باش مابینجی
 طرفندن اداره اولونوردی. حرم دائره سنك باش
 مابینجیسی ایله سائر خدمتکارلری هپ حرم آغالرندن
 عبارتدی. ایمپراطوریچه نك ده، ایمپراطور کبی،
 کیلارجیسی و شرابدار ی واردی. قادینلرك باشنده
 سرای ناظره سی بولونوردی، ایمپراطوریچه نك خدمته
 تعین اولونه جق اشخاص کاملاً ایمپراطور طرفندن
 انتخاب اولونوردی. ایمپراطور، سرای ناظره سنه
 علامت مخصوصه سنی کند ی ایله ویردیکی کبی، سرای

بونک ده اوزرنده قویو یالیزیلی بر زمین اوزرنده ،
ایمپراطورک تختنده اوطورمش وضعیتده بر رسمی
کورولوردی .

سرایک (اینجیلی دائره) تعیر اولونان قسمی آو
رسملریله مزین اولدیغی کبی ، (قاریا) مرمرلریله انشا
اولونان دائرهده بالخاصه ایمپراطور یچه لک قیشلق
دائره سنی تشکیل ایدردی . خصوصیه بو دائرهده
ایمپراطور یچه لک یاتاق اوطه سی آهنگ والوانک انموزج
بدیعی شکنده ایدی . بونلردن باشقه (سلطنت اوطه سی)
نامیه بر سالون دها واردی که ایمپراطور یچه لک
چو جقلرینی بوراده طوغور لرلردی . بو سالونلرک
همان کاملاً قاپیلری کوموش وفیل دیشی ایله تزین
ایدلشدی . یرلره صیرما ایشله مه لی ، حیوان وچیچک
رسملرینی حاوی خالیر سر یلشدی . ایشته ایمپراطور یچه بو
ظریف اقامتگاهنده قادینلری و حرم آغلاری ایله برلکده ،
اوطورر ، حیاتی پایتختک هیجانلی کورولتولرندن
اوزاقده ، چیچکلی باغچه لک قلبه سکون بخش ایدن
آغاجلری اورتاسنده امرار ایدردی .

بیزانس ایمپراطور یچه لری بو صورتله منزویانه یا شادقلری
حالده ، امور حکومته سائر دولتلرده کمندن دها زیاده مداخله
ایدرلردی . هیچ بر حکومتده ، بیزانسه اولدیغی

حجرۂ زفافہ، حتی صیر مالی یا تاغہ قدر کلہ رک زویج و زوجہ یہ
سماعت تمنی ایدر لردی . آقشام ، دوکون یمکنده
بوتون اکابر رجال حاضر بولونور لردی .



ایمپراطورچہ لر ، سرايک اک شجرا بر گوشه سنده ،
سایہ دار آناجلر ، زمزمہ ساز صولرلہ طراوتدار باغچہ لر
اورتاسنده اقامت ایدر لردی . سرايک همان هر طرفی
قیمتدار مرمرلر ، پارلاق و مشعشع موزایق لرلہ مزین
بولونوردی . ایمپراطور برنجی واسیلیوسک انشا
ایتدیردیکی (یکی سراي) ک بویوک سالوننده یشیل
وقیرمیزی مرمردن ستونلر آراسنده مظفر جنراللری
کوستر تابلولر نظردقتی جلب ایدردی . خصوصیلہ
ایمپراطور ایلہ ایمپراطورچہ نک یاتاق اوطنہ سی بر خارقه
ایدی . اوطنہ نک یوکسک طاوانی آلتون کبی پارلاق
ییلدیزلرلہ مزیندی . بوتون بو مزیناتک اورتاسنده ،
تمثال نجات و سلامت اولق اوزرہ ، یشیل موزایق دن
بر صلیب بولونوردی . دوشہ مہ تحتہ سی ، سادہ موزایق
ایدی . اورتا یردہ کی دائرہ نک ایچندہ ملون توپلو بر
طاوس ، دوت گوشہ سنده یشیل مرمر اوزرندہ قنادلری
آچیق ، اوچایہ مہیا بر قارتال رسمی بولونوردی .

بر یره چیقار ؛ صیرمه ایشله مه لی ، پارلاق بر لباس ایله
 یکی تبعه لرینه قارشى عرض اندام ایدردی . او زمان
 ایمپراطور یچه نك اوکنده بوتون بایراقلر اکیلیر ؛ اهالی
 ایله اکابر رجال یوزلرینی طوپراقلره سوره رك زانو بزمین
 اولورلر ؛ عسکرلر ایمپراطور یچه یی صمیمی بر صورته
 آقیشلارلردی . واسیلیسا ایسه غایت وقورانه ،
 ایکی آئنده موملر بولوندینی حالده اولاه صلیبه قارشى
 اکیلیر ، صوکر خلقک : « الله آوغوستانی اسیرکه سین ! »
 ندالری آره سنده ملتنی سلاملاردی . ایمپراطور لرك
 رسم تتوجلری آیا صوفیه کلیسا سنده اجرا اولوندینی
 حالده ایمپراطور یچه لرك کی سرایده اجرا اولونوردی .
 رسم تتوجک ختامنده ، واسیله وس ایله واسیلیسا (سنت آتیه ن)
 کلیسا سنده برله شیرلر ، ایکسی ده بر تخت اوزرینه
 اوطورارق سرای رجال ونسواننه کچیدرسمی اجرا
 ایتدیرلردی . بو مراسم اثناسنده قادین و ارکک ،
 ایمپراطور ایله ایمپراطور یچه نك اوکلرنده چوکه رك دیزلینی
 اوپرلردی . رسم ازدواج (آتیه ن) کلیسا سنده اجرا
 اولونور ؛ ختامنده زوج و زوجه ، بوتون سرای رجال
 ونسوانی معیتلرنده بولوندینی حالده ، حجره زفافه طوغرو
 حرکت ایدرلردی . یولدن کچرلرکن بوتون اهالی ایکی
 صره دیز یله رك یکی ایمپراطور یچه یی سلاملارلردی . خلق

ایمپراطور یچه ایرن، اوغلی قسطنطینی اولندیر مک ایسته دیکی زمان ایمپراطور لنگ هر طرفه مأمور لر کوندره رک اوغله بر زوجه آراتمشدی . فقط بو مأمور لرک وظیفه سنی قولایلاشدیر مق ایچون انتخاب اولونه جق قیزک یاشنی و بوینی ده تعین ایتمشدی . ولی عهد لر اکثر یا بو صورتله اولندیریلدیکی کبی ، بعضاً شدید و غلیانی بر معاشقه نتیجه سنده ده تأهل ایدلدیکی واقع اولوردی . ژوستینیانوس ، ته ئودورا ایله بو صورتله ازدواج ایتمشدی . بو کبی حالرده زوجه لکه انتخاب اولونه جق قادینک اصالتدن زیاده کوزل لکنه اهمیت ویریلیردی . او زمان ، کرک ازدواج ، کرک تاج کیمک ایچون یاپیلان مراسم ، اک فقیر بر قیزک بیله ماهیت و نفوذینی د کیشدیرر ، اوکا فوق البشر بر خاصه بخش ایله دیکی کبی ، کندیسنی قدرت و روحانیتک ذی حیات بر تمثالی شکلنه ده تحویل ایلردی .

بیزانسه رسم تتوج ازدواج دن اول واقع اولوردی . ایمپراطور یچه مقدرات الهیه تأثیر یله انتخاب اولوندینی ایچون کندیسنه اول تاج کیدیریلیردی . رسم تتوج اجرا اولوندق دن صو کرا واسیلیسا ، معیتده یالکز مابینجیلری ایله قادینلر بولوندینی حالده سرایدن چیقار ؛ عسکر لر ، اعیان وزاد کاندن مرکب صفر آراسندن سکر ؛ بوتون اردو ایله اهلینک بولوندینی محله یوکسک

بیزانس ایمپراطوریچه‌لری

ایمپراطوریچه‌لرک طرز حیاتی

بیزانس ایمپراطوریچه‌لری ایمپراطورلغک اموراداریه و سیاسیه‌سنده مهم بر وظیفه ایفا ایدرلردی . بو سببدن بیزانس ایمپراطوریچه‌لرینک طرز حیاتی، اداره‌حکومتده‌کی وظیفه و صلاحیتلری جداً تدقیقه شایان بر مسئله‌در .

بیزانسه ایمپراطوریچه‌لرک انتخابی هیچ بر سبب سیاسی‌یه مستند اولمازدی ؛ بیزانس تختنه کچه‌جک قادینک ، بالخاصه ایمپراطورک آمال و حسیاتنه موافق بر حسن و آنده اولماسی کافی ایدی . بونک ایچون ایمپراطور اولنه‌جکی زمان، مملکتک همان هر طرفه سرایدن مأمورلر تعیین اولونور، ایمپراطوره زوجه‌اوله بیلجک اک کوزل و مستثنی بر قیز بولمایه چالیشیلردی .

سائر دولتمدارلہ مناسبات اقتصادی و سیاسیہ سنی نظر اعتبارہ
آلمق، عین وطنده وجودہ کتیریلہ جک اصول و نظاماتک
روابط تاریخیہ و عنعنویہ سنی، مؤثرات اجتماعیہ سنی محافظہ
ایلیہ بیلیمک نقطۂ نظرندنده بیزانس تاریخی تدقیق
ایلیہ مک لازمدر .

اوروپادہ بو کبی تدقیقاتی جامع یوزلرجه اثرلر
و مجموعه لر وجودہ کتیرلمشدر . ازجمله شارل دیل ،
شولومبرژہ ، ہرچبرغ ، و رامبو کبی بیزانس ایلیہ
اشتغال ایدن مؤرخلر ، بیزانس ایمپراطورلغک تاریخی
صوک عصرده جدأ احیا ایلیہ مشلردر . شارل دیلک
(بیزانس سیالری) ایلیہ (بیزانس حقنہہ تبغات) ی ،
شولومبرژہ نک (بیزانس مفاخری) ایلیہ (پرنس آطہ لری) ،
رامبونک (قسطنطین پورفیرو کہ نہ طوس) ی ایلیہ (بیزانس
تدقیقاتی) ، ہرچبرغک (بیزانس تاریخی و عثمانیلر) ی
صوک عصرده بیزانس تاریخنہ دائر یازیلان اک کزیدہ
آثاردن معدوددر . ایمپراطوریچہ لرک حیاتی تصویر
ایچون بالخاصہ بو اثرلر مأخذ اتخاذ ایدلمشدر .

بویوک آطہ ، نیسان ۱۱ ۳۲۹

احمد رفیق



وطنك قيمتى تقدير ايشمكه ، ماضيسنى تحيل ايله مكه
ممکن اولاييلير . بزده بومبجل حسلى آنحق بیزانس
وعثمانلى تاريخلى ، اسلام تاريخلى توليد ايده جکدر .
بناءً عليه بوتون بشریتك بیزانسه ویردیکی اهمیتی ،
حضرت پیغمبرك بیزانس حقنده کی علوی تبشیراتی
اولسون دوشونه لم :

کوزل بیزانسی سوه لم !



بیزانس شهرى عموم عثمانلیغك پاتختی اولق حیثیتی
ایله ده نظرلریمزده بویوک بر قیمتى حائر در . تاریخمزمك
اك پارلاق صحنه لری ، اك مدبذب دورلری بیزانسه
چشمشدر . بیزانس ، بوتون عثمانلى قلیبرینی آنا یورده
باغلایان ، الماسلر و پیرلانطه لر ، چیچک لر و مجوهر لرله
مزین ، رنگین بر رابطه در . بوسیدن بیزانس صنایعی ،
بیزانس مدنیتنی بوتون عثمانلى کنجلى هر کسدن
زیاده بيلمك ايجاب ايدر .

خصوصیله بوگون بر حیات اولان عناصرى اون
عصر مدت اداره ایدن ، تاریخ مدنیته ده مهم بر موقع
اشغال ایلین بیزانس ایمپراطورلغك اصول اداره سنى ،
تشکیلات ملکیه و مؤسسات تجاریه سنى ، طرر مواصله سنى ،

ماضیسی ایله ، تاریخی ایله نظرلریمزده جانلایمایدیر .
 پایتختیمزى سومك ، عنعناتمك ، بدرجهیه قدر ، منشائی
 اوكرنمك ایچون بیزانسی تدقیق ایدلم . كوزلریمزك
 اوكنده ، غروبك آتشین ضیالری آره سنده ، دلنشین
 سمالره طوغری یوكسه لن آبدلرك قیمتی آكلایلم .
 غرب عالمك ، صرف علم نامنه ، بیزانسی اوكرنمك ایچون
 تشکیل ایتدكیری مؤسسهلردن ، كتبخانه لر طولوسی
 نشر ایلدكیری آثاردن عبرت آلام . علم ومعرفته رغبت
 ایتمز ، هر تشبیده علمی و حقایق تاریخیه یی رهبر اتخاذ
 ایله مزسه ك ، بزم ایچون چاره نجات یوقدر . استقبالی
 تأمین ایچون ماضینك تجربه لرندن علمی بر صورتده
 استفاده ، عثمانیلر ایچون صوك درجه لازمدر . بوتون
 فلاكتلریمزك اسبابی ، علمه قارشى لا قیدیمز ، حقایق
 ماضیه یی اهلكارانه تلقیمز ، شخصی منافعی وطن محبته
 ترجیح ایتمك كمزدر . بوملكتده جهل سوندیرلمدكجه ،
 بوتون عثمانیلر بر اوروپالی كبی دوشونمدكجه ، علم قوتی
 قوه بازویه ترجیح ایدلمدكجه ، یكرمنجی عصرك نور
 معرفتی قارشیسنده موجودیت سیاسیه مزكده ارییه جكنی
 قطعاً آكلایلم . عثمانیلرك اك بویوك سبب فلاكتلرندن
 بری ده ، طوپراقلرینه ، یوردلرینه مربوط اولمالریدر .
 یورده مربوطیت ، وطن طوپراغنی اكوب یچمكله ،

هپ بیزانسلیلر ایدی. اسلاو عالمنک مربی فکری و صنعتی،
بیزانس ایدی. (کیهف) و (موسقووا) کلیسالی،
هپ بیزانسنک تأثیری آلتنده انشا ایدیلیور، (قرهمل)
سرایلرنده بیزانس عنعناتی، بیزانس مراسمی حکم فرما
اولیوردی. بیزانس ایمپراطورلنی سیاسی موجودیتنی
غائب ایتدیکی حالده، بیزانس قوه تمثیلیه سی اسلاو عالمنده
اولانجه تأثیرینی محافظه ایدیوردی. بوسبدن، علم
وتاریخه بیکانه نظرلر ایچون (سفیل بیزانس) تلتی
ایدیلن بومدن، کزیده شهر، یونان و اسلاو عالمنک
یکانه غایه خیالیسی، یکانه امل تاریخیسیدر. کندیلرینی
بیزانسنک وارثی عد ایدن اسلاو و یونان عالمی ایچون
استانبول، غایه خیال عد ایدیلن برپایتختدر.

بیزانس، سفاقت و اخلاقسزلغیه عثمانلیلر اوزرینه
اجرای تأثیر ایتمه مشدر؛ مدنیتنک یوکسکلکی، قوه
تمثیلیه سنک تأثیریه، اسلامیه صولدرجه مربوط اولان
عثمانلیلر اوزرنده بیله، بونفوذینی اجراییله مشدر. بیزانس،
کوزللیکی ایله نظرلریمزی جذب ایدن، حساس شاعرلریمزه:

انصاف دکلدر آنی دنیا به دکیشمک،
کلزار لرین جنته تشبیه خطادر.

حقیقتلرینی احساس ایله یین بومعظم پایتخت، آرتق

ایچندہ ، مشعشع و کریدہ بر شہر تصور ایدیوردی .
 استانبول ، زمانزدہ اولدینی کبی ، قرون وسطی عالمندہ
 بوتون مخیلہ لردہ فسونکار بر تأثیر حاصل ایلہ یوردی .
 بیزانس ، تاریخ مدنیتدہ بویوک بروظیفہ ایفایتمشدی .
 ازمنہ قدیمہ نک بوتون عنعنات و خزانہ بیزانس صاقلامش
 و بشریتہ بیزانس تعمیم ایلہ مشدی . (نوع بشرک حافظ
 کتب) عنوانی قازانان بیزانسلیلر ، تاریخندہ دورانتباہک
 حصولندہ ، بالواسطہ ، یاردم ایتشلردی . روستینیانوسک
 ازمنہ قدیمہ دن طویلادینی قانونلری اوروپالیلرہ
 اوکرہ تن بیزانسلیلر ، بوصورتلہ ، یازلمش بر قانونکدہ
 ایلک اساسلرینی وضع ایلہ مشلردی . مؤرخ رامبونک
 دیدیکی کبی : « روم ، غرب و جرمن عالمی ایچون نہ تأثیر
 اجرا ایتدیسہ ، بیزانس دہ اسلاو و شرق عالمی ایچون
 عین تأثیری حاصل ایلہ مشدی » . الیوم اوروپانک شرقندہ
 و شرق جنوبیسندہ بولونان اسلاولر ، بلغارلر واولاخرہ ،
 ہپ بیزانسیک نفوذی آلتندہ یاشامشلر ، بیزانسیک دینی ،
 اصول ادارہ سنی ، ادبیاتی ، صنعتی و مدنیتی اقتباس
 ایتشلردی . اورتودوقسانی روسیہ ایچلرینہ قدر نشر
 ایدن ، کیریل الفباسنی وجودہ کتیرن ، اسلاو ادبیاتی
 احیا ایلہ یں ، روس پرنسلیرینہ حکومت فکرینی ، شکل
 ادارہ یی آکلاتان ، فکری و اخلاقی تربیہ یی تلقین ایدن ،

صنعتکارلری اعمال ایدیور ، ایشله مه لی اییک قاشلر ،
 آلتونلرکی پارلایان ظریف دیبالر ، کوموش طاقلر ،
 اینجیلر و الماسلرله کوزلر قاماشدیران مجوهرات ، نارین
 و اینجه اویولمش فیل دیشی چکمجه لر ، نظر ربامینیا تورلرله
 بزه نمش کتابلر ، کوموش قاقه لی طونجیلر ، آلتون
 مینه لی دعا کتابلری ، هپ بیزانسیک صاف و مائی سماسی
 آلتنده وجوده کلیوردی . بوقلمون و کورولتوجی خلق
 ایله طولو سوقاقلرده ، جسیم قاپولر و سیرایلرله مزین
 جاده لرده ازمئه قدیمه نیک کزیده آثار صنعتی کورولور ،
 کلیسارک مهیب قبه لرده ، رنگارنگ صوما کیلر
 آره سنده ، موزاییقلرک کوز قاماشدیریحی پارلتیلری ،
 سیرایلرک زینت و احتشامی ، سیاحلرک نظر حیرتی
 جلب ایدردی .

بیزانس صنعت معماریسی ازمئه قدیمه صنعت معماریسی
 ایله خرستیان تریناتی یکدیگرینه مزج ایتش ، شرقه
 مخصوص بر بیزانس طرزی وجوده کتیرمشدی .
 استانبولده بر چوق دارالفنونلر آچیلیور ، بر چوق
 مناسترلرده ره بان ایله برابر یوزلرجه مستسخلرک ،
 عالملرک و مؤلفلرک چالیشدقلری کورولیوردی . غرب ،
 ظریف و مدنیت پرورانه حیاتی بیزانسدن اوکره نیوردی .
 بوتون قرون وسطی عالمی ، استانبولده یالیزلر و رونقلر

واردی . بیزانس ایمپراطورلخی روما ایمپراطورلغئک
 طوغرودن طوغرویه وارثی ایدی . غربده باربار
 استیلاسیله زوال بولان روما غنغاتی ، بیزانس ایمپراطورلغنده
 تماماً باقی ایدی . قرون وسطی حکومتلری ازمنه
 قدیمه دن میدانده چیقدقلری ائئاده ، یالکز بیزانس ،
 هیچ بر صدمه یه اوغرامادن ، تدریجی و محسوس بر
 تکامل تعقیب ایله مشدی . حکومتله کلیسا بیننده کی
 مناسبت ، دره بکلك مسئله لری ، اجتماعی مسئله لر ،
 بیزانسنده غایت واضح بر صورتده حل ایدلمش ، اراضی
 قانونلری بیزانسنده اساسلی و پایدار دستورلرله حکم فرما
 اولمشدی . دها طوغروسی ، قرون وسطاده عرب
 مدینتی شرق و غربیه حاکم اولدینی بر صرهدده ، بیزانس
 سورلری ایچنده ده ازمنه قدیمه مدینتک صوڪ شعله سی
 دیندارانه و صنعتکارانه بر اهتمام ایله محافظه اولونمشدی .
 بودورده ، اوروپانک الک بویوک شهرلری زینت و انتظامجه
 هان وسط درجه ده ایدی . (استانبول) ایسه ، بوتون
 شهرلر ایچنده (مالکئ ظرافت) عد ایدیه بیله جک
 درجه ده مترقی ایدی . بیزانس چارشیلری مدینت عالمک
 حقیقی مراکزندن معدود ایدی . کائناتک بدایع
 محصولاتی بوراده مبادله ایدیلوردی . قرون وسطانک
 زینت و مجوهرات نامنه طانیدینی انافس آناری بیزانس

آیا صوفیه ده مراسم اجرا اولندیخی وقت، یالیزیلی ومعظم
قبه لر آلتنده، موملرک تترهك ضیاسی مجوهراتك نظر فریب
شعشعلریله امتزاج ایدر، البسه لرك رنگا رنگ قشالریله
شایان تماشا، حیرت آور بر منظره وجوده کتیرردی.
بوتون بو زینت و احتشام ایچنده برته ئودورانك،
برته ئوفانونك، ویا برزوئینك الماسلر و اینجیلرله روتقلر
صاچان تاجلر آلتنده لطیف سیاسی، صاریشین ونظر
نواز صاچلری، جاذب ومائی کوزلریله، مهیابت
وروحانیت ایچنده ذی حیات برنشئه کبی تجلی ایتدیکی
کوردولوردی.

بو کوزل ایمپراطوریچهلر، اکثریا عادی برطبقه دن
اک یوکسک موقعلره قدر صعود ایدرلردی. فقط
پارلاق، مدبدب بر صورتده کچن بو حیاته، اکثریا
بویوک آطه نك قایالق ساحلارنده، زمردین چاملر آلتنده،
حزین آقشاملرک پنبه ومزهر افقلری قارشیسنده،
صدای ناقوسك الملی عکسلری ایچنده نهایت
ویرلردی...



بیزانسیک بو شاعرانه و احتشام پرورانه حیاتی
یاننده، بشریته نافع، اقتصادی وسیاسی بر حیاتی ده

بیزانسک تاریخ بشریتده کی وظیفه سی ، خلاصه ،
 بوندن عبارتدی . فقط بوتون بو وقایع ، خارق العاده ،
 جاذب ، مدبذب ، محتشم تفرعات ایله مزین برصورتده
 کذار ایتشدی . آیاصوفیه نک یالایزلی قبه لری آلتنده ،
 مقدس سرایک پارلاق سالونلری ایچنده ، اک نظر فریب
 مراسم اجرا اولونمشدی . اطرافه رنگین دیبالر ،
 ایپکلی قاشلر ، قیمتمدار خالیر سریش صوفه لرده ،
 مرمرلری اوزرینه پنجه کل یاپراقلری سریش قالدیریملرده ،
 آرقه لرده کوموش زرهلر ، آلرنده آلتون قالقانلر ،
 اوموزلرنده ایکی طرف کسکین بالطه لرله ، سرایک
 مظنن بر او طه سنده مینه لر و الماسلرله پارلایان تاجلر ،
 مدید بر ماضی شان و شرفی ارانه ایدن آلتون نقشلی
 اثوابلر و مشعشع تختلر مشاهده اولونوردی . تختک
 آیاق اوچنده طوران آلتون آرسلانلر ، آلتون آغاجلر
 اوزرنده مینه لی آلتون قوشلر بوتون سفیرلرک نظر
 حیرتی جلب ایدردی . ایمپراطور عرض اندام ایدر ایتمز
 آلقیشلر یاپیلیر ، آلتون اورغلرله آلپلر ترنم ایدیلیردی .
 ایمپراطور ، بو مشعشع ، صیرمه لی قاشلر ایچنده ،
 انساندن زیاده روحانی بر صنمی آندیرردی .

واسیله وس سوقاغه چیقدیغی زمان بوتون جاده لره
 چیچککمر سرپیلیر ، یوللرده آلپلر تفتی ایدیلیردی .

عینله واقع اولمشدی . یالکز ، عثمانلیلر بیزانسی مقر
اتخاذ ایله دکن صوگرا ، خرستیانلق عالمه تعرض
ایچون بیزانسی نقطه استناد اتخاذ ایله مشلردی ؛ بیزانسیلیر
زماننده ایسه ، اصل بیزانس شهری غوللرک ، هونلرک ،
آوارلرک ، اسلاولرک ، عربلرک ، بلغارلرک ، روسلرک
مهاجمانه هدف اولمشدی . فقط بوتون بو مهاجمات ،
بیزانسیک سورلری اوکنده ازیلش قالمشدی ...

بیزانس اکثریا بوتون ولایتلرندن محروم اولش ،
موجودیت سیاسییه سی یالکز مازغاللی سورلرینه انحصار
ایتمشدی . فقط بو ذلتله برابر بویوک بر علویت دوری
کچیرمشدی ؛ ژوستینیانوس زماننده بیزانس اسکی
رومانک عرفان و کجالاتنه توارث اییدیور ، ما کدونیاالی
ایمپراطورلر دورنده جنوباً سورییه ، شمالاً طونهیه
طوغرو ایلریلیوردی . قومنلر زماننده ایسه اهل صلیب
مهاجمانه مقاومت اییدیوردی . بیزانس ، میخائل
پالهئوغوسک غیرتیه لاتین حاکمیتدن قورتولش ،
نهایت عثمانلیلرک عزیم و متانتلرینه قارشى سرفرو ایتمشدی .
فقط بو انحطاط و تدنی دورلری حلول ایدنجهیه قدر
بیزانسیده پک پارلاق انتباه دوره لری وجوده کلمشدی .
بیزانسیلیر پک چوق دفعه لیر اوروپای آسیانلیلرک مهاجمانه
قارشى مدافعه ایله مشاردی .

انتریکه لری ، ضربه حکومتلر ، عسکری اغتشاشلر وقوعه کلمشدی ؛ خلق ، سیرق اویونلرینه ، عقائد دینه مناقشه لرینه ، وحشیانه اعتیاداته مجلوبدی ؛ حتی بیزانس رجالی آرد سنده بر چوق پسپایه روحلر ، غدار سیالر یتشمشدی . فقط متدنی ، ذوق وشهوته مجلوب ، متعصب بیزانسیک یاننده ، اصل حقیقی بر بیزانس موجوددی که ، معظم منظره لری ، محتشم سیالری احتوا ایدیور ، فکر وصنعت ، عزم ومتانت خصوصنده پک پارلاق نمونه لر کوستریوردی .

بیزانس ایمپراطورلنی ، تمام اون عصر سلطنت سورمشدی . بو اون عصرلق دولتک عثمانلی سلطنتی ایله پک بویوک مشابهتی واردی . دها طوغروسی عثمانلیلر ، بیزانسیلیرک عاداتی ، اعتقاداتی ، مراسمنی ، پک چوق جهتلردن اقتباس ایتشلردی . بیزانسه مختلف عنصرده اقوام یاشایوردی . بو اقوام بیننده یکانه رابطہ یی (وحدت دینه) تشکیل ایدیوردی . عثمانلیلر دده همان عین حال حکم فرما اولیور ، بیزانسیلیرده اورتودوقسلنی قبول ایدنلر اک مهم مناصبه نائل اولدقلری کبی ، عثمانلیلر دده اسلامیتہ داخل اولانلر دولتک اک مهم امورینی اداره ایده جک موقعلره صعود ایدیورلردی . بیزانسیک سرای انتریکه لری ، حرم جنایتلری ، عثمانلیلر دده

بك برادریمزك (اسكى استانبول) نامنده كى تألیف كزینی
مستثنی اولمق اوزرده، یا تختیمزك تام بر تاریخی بيله موجود
دكل . بیزانس تاریخی ایسه کلیاً مجهول . حال بوكه بز
عثمانیلر ایچون بیزانس تاریخی لایقيله بيلمكه ، بو
تاریخك بوتون صفحاتی کمال دقتله تدقیق ایتمكه بویوك
بر احتیاج وار . چونكه عثمانلی سلطنتی بیزانس
طوپراغنده تأسس ایتمش ، عثمانلی عادات و عنعناتنه
بیزانسلیلرك بویوك تأثیرلری اولمشدر . بیزانس
ایمپراطورلرینك عصر لرجه اداره ایتدكاری طوپراقلر ،
بیزانس خلقك برابر یا شادقلری عنصرلر، الآن سوکیلی
و ظنم زده موجود . بناءً علیه بیزانسه صاحب اولمق ،
بیزانس طوپراغنده تاریخی و عنعنوی تأثیرلری نظراً اعتباره
آله رق علمی بر صورتده ترقی ایتمك ایسته یورسحق ،
تاریخ درس لریم زده بیزانسه بویوك بر قسم آیرمق ، حتی
دارالفنونلریم زده بیزانس تاریخنه دائر جدی ، عالمانه ،
فنی قوتفه رانس لر ویرمك ، بزم ایچون بالخاصه نظر دقته
آله حق بر وظیفه در .



بیزانسی نظر لرده كوچوك دوشورن مهم و تاریخی
سبیلر واردی : بیزانس شهرنده پك چوق سرای


بیزانس تاریخنه مدخل

هیچ برکوزل تصور ایدیه مزده، حسنی وجاذبه سی، رونق ولطافتی، زینت و احتشامی نفرتلر و موأخذلرله یاد ایدلسین. هیچ بر شهر تصور اولونا مازکه، طبیعتک ائستثنی، ائطراوتدار، ائصاف کوزلکلرینی احتوا ایتدیکی حالده تاریخنک، فقط پک بی انصافانه، موأخذاتنه هدف اولسون. بو بدبختلغه، بو حقسنز موأخذلرله معروض یالکز بر شهر واردرد: بیزانس...

بیزانس شهری، من القدیم، فساد اخلاقی، منازعات مذهبییه سیله تاریخنده مهم بر موقع اشغال ایلمشدی. ازمنه قدیمه دن زمانزره کلنجه یه قدر، بیزانس کله سی دیدی قودیمجلغه، اخلاقیمزلغه علم اولارق قوللانیش، صوئک زمانلرده (سفیل بیزانس) ی سونکولرله پارچالامق فکرلری بیله ایشیدلمشدی! فقط بوتون بو جراثلر و موأخذلر، صرف بیزانسی ای طانیماقدن ایلری کلیور. لسانمزده، جلال اسعد



DF
506
R44



999832

Refik, Ahmet
Bizāns İmparātörîç'eleri

احمد رفيق

بیزانس امپراطوری لری

بیزانس تاریخنه مدخل - امپراطور یچه لک طرز حیاتی
ته ئودورا - آته نایس - ایرهن - دیندار ته ئودورا
ته ئوفانو - زوئی - آتنا قومنه نوس



طابع و ناشری

مختار خاکی کتابخانه سی - استانبول

۱۳۳۱

برنجی طبع




(راوه تا کلیه سائیده)

ایمپراطور پچہ تہ نور را

پترافس ایمپراطور پچہ ماری

8. 3. 1963
J. H. H. H.
Beyant.





DF
506
R44

Refik, Ahmet
Bīzāns īmparātorīçeleri

PLEASE DO NOT REMOVE
CARDS OR SLIPS FROM THIS POCKET

UNIVERSITY OF TORONTO LIBRARY

UTL AT DOWNSVIEW



D RANGE BAY SHLF POS ITEM C
39 12 30 17 07 004 1